

NATIONAL ASSEMBLY OF SEYCHELLES

Wednesday 04th October 2023

The Assembly met at 0903am

National Anthem

Moment of Reflection

Mr Speaker in the Chair

MR SPEAKER

Bonzour tou Manm Onorab e bonzour nou bann zofisyé Lasanble. Bonzour nou piblik ki a lekout e nou bann viziter dan Galeri, ki en group etidyan Lekol Endepandan. Nou bann vwazen lo Ile du Port. Mon swet zot labyenveni. I enteresan war ki Lasanble in vin popiler pou bann viziter sirtou bann zenn. Fotespere zot war zot letan avek nou enteresan.

Nou kontinyen deba lo Mosyon ki nou'n konmanse yer. Mon pou pran sa 3 Manm ki'n demann laparol pou koze. E mon ti'n propoz *Leader Lopozisyon* ki i kapab *sum up* pou son group e apre nou ava fer *reply*, pou nou termin deba, pou nou kapab pran Lezislasyon ki devan nou.

E mon pe limit tou dimoun pou 15 minit. Silvouple regard

revey zot menm, pa esper mwan pou enteronp zot. Premye Manm ki pou pran laparol, Onorab Loze.

HON JOHAN LOZE

Mersi Mr Speaker. Bonzour Mr Speaker. Parey mon kontan dir tou sa ki kommans byen i fini byen. Mr Speaker, e ozordi nou pou komans tre byen.

Mr Speaker, nou pe viv dan Sesel pozitiv e Sesel pozitiv ou to krwasans ekonomik i sorti 7.4poursan pou lannen 2022, I bese pou vin 3.5poursan pou lannen 2023. E nou *basically* ganny dir poudir ki sa i en *net positive*. Lekonomi pe fer byen.

Mon kommans koumsa Mr Speaker, akoz de le debi mon pa kre okenn mansonz pou personn ki pe ekoute. Mon oule dimoun i konpran kot mon pe vini, e kote ki mon sorti avek mon bann largiman.

Nou pei pe eksperyans en kontraksyon ekonomik. I pa neseserman fot Sesel, Seselwa, me vwala i la devan nou. E nou ki nou fer isi anndan, nou kontinyelman dir avek dimoun; lekonomi i bon, lekonomi i parfe. *IMF* i dir nou, nou *ok*. Tou dimoun pe bat lanmen pou nou; nou Prezidan i parfe, *Cabinet Minis pli move, wonderful, very good*.

Nou viv dan en divizyon. Me pli pir ankor, nou sey trenn nou pep dan sa menm divizyon ki nou, nou ladan.

Mr Speaker, i annan en *slow down* ekonomik Lerop. E sa pou forseman *translate* dan en mwens viziter ki *afford* vin Sesel, sorti dan nou *primary destination* ki Lerop. Sa i pa fot personn, i pa fot Gouvernman, i pa fot Seselwa.

Be kot i vin nou fot? Se ki personn isi anndan e personn dan Egzekitiv, pa pe koz ek nou pep pou prepar zot, poudir gete sa i en realite!

I kapab pa demen bomaten, i kapab apredmen, selman i pou vini i pou *translate* dan en pert ekonomik pou nou konman en pei! Nou devret koz avek nou pep e koz laverite ek nou pep, e dir zot keksoz ki et. Nou pa kapab dir ki nou lekonomi i siper performan, letan sif i montre ki nou'n annan en kontraksyon 2022 pou 2023 krwasans sorti 7.4poursan pou bese pou vin 3.5poursan. Sa i mon premye pwen Mr Speaker.

Mr Speaker, lot keksoz ki mon ti a kontan adrese, se ki letan mon'n ekout deba, preski tou Manm lo kote Gouvernman i adres 2 pwen, dan sa Bidze Siplemanter.

Premye pwen ki zot touse en *cutback* R345milyon, ki aparet dan Bidze. Mon dir en *cutback*, akoz tou dimoun pe dir Lepep Seselwa sa i en *savings*. Mon pa konpran ki mannyer i vin en *savings*. Larzan pa ti la ou ti napa, i pa en *savings* li, i en *cutback*.

Lot sif ki zot pe koz lo la se R275 milyon *supplementation* ki det Gouvernman pe demande. E sa de sif i ganny touse, i ganny eksplike, i adrese, i ganny zwe avek. E lenpresyon ki okenn dimoun ki pe ekout Lasanble ozordi, se ki sel sif ki annan dan Bidze.

E mwan mon konpran akoz sa i vin koumsa. Akoz lafason ki zot, zot anvi anmenn lespri Seselwa pou aste sa ki zot pe vann; i zis nou'n fer tan *saving* e la, la nou pe demann tan depans an plis. Be depans an plis ki nou pe demande i kouver par nou *saving*, se tou.

Se tou ki zot anvi dimoun tandé, konnen e konpran.

I annan en lot sif ki dan bann sif ki bann zofisyen menm i donn nou, se en trou R800milyon dan reveni. Reveni li par kont i sipoze *real* li. I sipoze vre li.

Ou sipoze pe anmase larzan, ou sipoze pe fer reveni. Be dapre ou prop prozeksyon lo sa Bidze ki sa R345 milyon ki

ou pe *save*, i sorti ladan, ou annan en trou R800milyon reveni ki ou pa'n anmase. Ki ou pa'n anmas lo ou menm par ou prop gre, par ou prop lasyer, ki ou ti sipoze pe anmase be ki ou pa'n anmase. E sa i en *real figure* li e personn pa le koze lo la.

Personn pa le koze lo la, akoz nou tou nou konnen sa in arive. In ganny *incur* direkteman par aksyon ki Minis Hassan ti pran isi anndan dan sa Lasanble, letan i ti pronons Bidze 2021.

Ler in donn *welfare*, in donn *tax rebate* bann gro lakonpannyen, sa menm *welfare* ki nou pa kapab donn en sitwayen Sesel, be nou'n donn bann pli gro lakonpannyen Sesel!

E yer nou'n ganny eksplike poudir sa i ok, i normal koumsa ki pei i sipoze fonksyonnen. En lot lobzervasyon mon'n fer Mr Speaker, letan mon pe ekout mon bann koleg koze, dan mon zorey i sonn - ler mon ekout *LDS* koze i sonn konmsi mon pe ekout Parti Lepep koze. Mon dir la mon dan en Lasanble avek bann delegasyon Parti Lepep e en Parti Lepep fatige!

Mr Speaker, ozordi sa parti ki apel *SNP* ki'n vin *LDS*, pe sant louanz *IMF*. I pe koz

laglwar *IMF*, egzakteman parey Parti Lepep ti fer. Ozordi sa parti ki yer ti apel *SNP* ki ozordi i apel *LDS*, i pe servi logmantasyon pri petrol mondyal, konman rasyonalizasyon e zistifikasyon pou son bann fot bidzeter.

Mr Speaker, ou konnen lekel ki ti fer sa ankor? Parti Lepep. Parti Lepep. Mr Speaker, ozordi letan mon pe ekout sa parti ki ti apel *SNP*, ki ozordi i apel *LDS*, zot pe koz ou fon *Saudi*, donasyon *UAE*. Egzakteman parey Parti Lepep ti fer!

Letan mon'n ekout sa deba yer - zot a pardonn mwan pou dir sa parol, sa ki mon'n tande set en traizon tou prensip, ki ti ganny enkarnen par Parti *SNP*, e en ladopsyon tou prensip Parti Lepep. Sa ki mon'n tande.

Mon'n tann en Parti Lepep fatige. Mon krwar ki bann Manm zot pa konnen akoz zot pe fer sa zot menm. Be mwan mon a dir zot. Mon'n asiz dan plizyer *meeting* avek sa dimoun, ki'n arsitek sa bann menm largiman dan lepase.

Mon'n asize kot sa bann largiman in ganny prezante. Nou'n ganny dir ale al dir sa, eksplik sa, eksplik sa dan sa fason. Ozordi ler mon tann zot vin ek sa bann menm largiman

mon dir “anr, ok ozordi i limero 2”.

Bann menm largiman in ganny resikle in anmenn kot zot. Fodre konpran. Fodre ki zot konpran kot zot ete e akoz zot pe dir bann parol ki zot pe dir. Akoz i sanble mwan zot pa konnen.

Be letan nou koz lo *IMF*, e nou pe dir ki *IMF* pe tap nou lo ledo, pe sant laglwar nou lekonomi pe dir bon keksoz lo nou. Be zot osi nonm *Fitch Ratings* e mon pou dir zot ankor i paret mwan zot nonm *Fitch Ratings* be zot pa lir *Fitch Report*.

I annan en keksoz ki *Fitch* in dir li dan son rapor. I dir Sesel i annan li en rikord” *strong compliance with IMF programmes and receipt of assistance from a range of multilateral sources.*”

Be ler in dir Sesel i annan en rikord *strong compliance* avek program *IMF*, e ki Sesel i annan en rikord resevwar lasistans *from a wide range of multilateral sources*, i pa’n dir depi 2020 li. In dir i annan en rikord e nou tou nou konnen poudir nou rikord ek *IMF* in konmans 2008-2009. So, zot in pran depi *back then* zot pe dir poudir Sesel i annan li en bon rikord avek *IMF*.

Be sa i keksoz ki ti la. I keksoz ki zot in vin zwenn la akoz zot pe sant laglwar, e louanz lo en keksoz etablishe ki en norm etablishe? I deza la sa. Zot pa’n fer nanryen pou sa zot. Parey yer nou’n ganny dir 3an pa 43an. E sa ti la. I pa’n konmans 2020 sa. Relasyon Sesel ek *IMF* bon travay ant Sesel ek *IMF* zot in vin zwenn la.

Mr Speaker, mon a tous lo mon lot pwen. *Fitch Report* in osi dir nou ki lo kote reveni sa *reported outperformance* ki nou annan dan reveni, sa bon performans reveni ki’n annan pou sa lannen, i pe *capture higher nontax income*. Bann reveni ki pa taksasyon. Ki pa taks ki nou’n *earn* atraver nou lasyer, atraver nou *hard work*. I bann reveni *nontax*.

Be zot in osi dir ki i annan en *underperformance* dan *tax revenue which authorities*. E ler i pe dir *authorities* mon prezimen i pe dir Lotorite Sesel, *predict* i pou 9poursan pli ba - pli ba ki zot prozeksyon orizinal. Nou pou annan en *shortfall* 9poursan dan prozeksyon taks pou sa lannen.

Mon’n vwar sa dan *Fitch Report* mon pa’n envante. So nou pe annan nou en bon performans reveni, ki pa reveni taksasyon - i bann lezot reveni. Be nou annan nou en *shortfall*

ki lotorite pe predwir i pou 9poursan dan reveni taks, ki nou anmase nou ki kapab dir i nou larzan debout lo nou de lipye konman en nasyon.

Sa bann menm largiman ki SNP ti toulstan anmennen ki ozordi zot in vir ledo lo la. Mon prezimen ki sa *outperformance* dan *revenue* ki zot pe dir ki *nontax*; 1) I konpromi sa ta *Treasury Bills* avek *bonds* ki Gouvernman nek pe *issue nonstop* parey en nespes lavalas.

Be i annan en lot kestyon fondamantal ki nou bezwen poze la. E la mon le tous osi lo serten keksoz ki in deza ganny evoke dan lepase, par sa msye ki ganny peye li pou koz apre mwan li toulstan. I ganny peye pou reponn mwan li.

Akoz li dan lepase in deza lev en kestyon li konmkwa Bidze ti ganny *made in India*.

Sa lepok Gouvernman *United Seychelles*, Gouvernman Prezidan Faure - sa msye ki ganny peye pou reponn mwan in deza lev kestyon ki Bidze i ganny *made in India*.

Be vi ki i ganny peye pou reponn mwan i pou bezwen reponn mwan en kestyon taler. Eski Bidze Sesel pe ganny *funded zis atraver donasyon loans* avek *grants* Mr Speaker? Eski Bidze Sesel pe ganny

funded zis atraver loan, donasyon avek grants?

Ou konnen Mr Speaker, i annan en konponan dan sa *supplementary budget* la ozordi, *up to R392.5 milyon worth of foreign loans and grants* ki nou pe ganny dir i *savings*. I basically zis larzan ki nou pa'n gannyen, ki pa'n antre e nou pe ganny dir sa i en *savings*.

Ankor nou annan nou en fason *creative* koz laverite dan sa pei, ki mon pa konpran mwan menm ki mannyer nou pou dir. Be selman i la sif ki montre pa mwan ki pe dir. Finalman sel vre *savings* ki nou'n fer i lo ledo Seselwa dan sa *delay in recruitment*, apre lo sa malere trezyenm mwan ki zot in martiriz Seselwa avek.

Be les mwan kontinyen lo mon lot pwen. I annan en lot keksoz enteresan ki mon'n bat avek dan sa fame *Fitch Report*, ki zot, zot le koz zis lo *Fitch Ratings* me zot pa le koz lo rapor. I annan en bout ladan i dir ou koumsa "an vi revizyon bidzeter." E mon prezimen se sa legzersis ki nou pe fer la ozordi revizyon bidzeter.

An vi revizyon bidzeter *Fitch* espekte *capital expenditure* pou double. I pe ekspekte *CAPEX* pou double, an vi sa legzersis ki nou pe fer la ozordi. E i pe dir ou ki *CAPEX*

pou 2023 pou mont 4.6poursan *GDP*, e pou 2024 pou mont 5.6poursan *GDP*. Sorti lo en *original forecast of 2.1poursan GDP* pou sa lannen 2023. I pe mont 4.6poursan. Zis *capital expenditure* sa.

Be sa i anmenn mwan lo en pwen enteresan lo sa *supplementary budget* ki devan nou ozordi. Mr Speaker, Bidze Siplemanter devan nou ozordi i *made up of 71poursan capital expenditure*.

71poursan sa larzan ki Gouvernman pe demann nou pou aprouve *capital expenditure*. 20poursan ladan *goods and services* e 2poursan *wages and salaries*.

Mon repete 71poursan –

MR SPEAKER

15 minit Onorab. *Proceed to conclusion.* Mersi.

HON JOHAN LOZE

Mersi Mr Speaker. *Capital expenditure* 20poursan *goods and services*, 2poursan *wages and salaries*. Mr Speaker, be ki mon pou dir lo sa bout? Gouvernman in annan li en *freeze on recruitment* apre i vini i dir nou poudir in fer *savings* atraver *delay on recruitment*. Mr Speaker, sa i en keksoz drol.

E an konklizyon Mr Speaker, mon pou tous en

dernyen pwen ki mon ti annan ACCS.

Mr Speaker, ACCS an 2021 i vin devan nou i prezant en Bidze R23.4 milyon. I retournen an 2022 i prezant en Bidze R18.5 milyon e i vini i demann nou en *supplementary* R64 milyon ki fer R82 milyon.

I vini an 2023 i demann nou en Bidze R53.2 milyon e la i retournen, i demann nou en *supplementary* R9 milyon ki anmenn li en total R62.2 milyon pou sa lannen.

Mr Speaker, mon konklizyon: Ozordi Sesel nou annan nou en *weak government* ki *addicted* avek led! I *addicted* avek donasyon! I *addicted* avek *foreign loans!* E ou annan ou IMF ozordi li i ou *dealer* li. I ou *dealer* e ou, ou son bon *addict*.

Be sa pa ti zanmen prensip Parti SNP sa Mr Speaker. Parti SNP ti toultan dir nou ki nou konman en Gouvernman nou bezwen debout lo nou lipye; konman en nasyon, nou bezwen debout lo nou lipye.

E Gouvernman in prezant nou avek en Bidze R10.2 bilyon pou sa lannen. Apre in pase in pran led lavaler \$102 milyon avek IMF. Ki anmenn li a total R1.4 bilyon ki in pran ek IMF.

Dan en Bidze 10.2 bilyon ou'n pret ou 1.4 bilyon *fully* en

dizyem ou Bidze Mr Speaker. E sa sityasyon ki nou ladan ozordi, ki nou, nou pe ganny dir ki Bidze i bon, sityasyon pei i ok, lekonomi i parfe.

Mr Speaker, an terminan mon pou zis swete, ki nou tou nou ti kapab koz laverite avek nou pep. Mersi Mr Speaker.

MR SPEAKER

Mersi Onorab. Mon ava donn laparol Onorab Woodcock.

HON WAVEL WOODCOCK

Mersi Mr Speaker, bonzour. Bonzour tou koleg Onorab. En bonzour spesyal pou bann *Peer Educators Independence School* dan Galeri, ki enkli mon fiy ki ansanm avek zot. E osi en bonzour spesyal osi pou bann zabitan Grand Anse, Praslin.

Mr Speaker, permet mwan pou konmanse par partaz mon senser kondoleans avek lafanmir Simon Praslin, ki'n perdi en gran zonm. En zonm ki pep Praslin i annan bokou respe pou li. Mr Richard Simon ki'n kit nou yer swar ki ti *General Manager, Indian Ocean Lodge*.

Mr Speaker, mon pou konmanse, senpleman par si Lepep Seselwa yer swar ti pe asize ti pe get Nouvel 8er, premye *news item* ki ti pase lo *SBC in fact* premye *statement* ki

ti ganny fer lo *SBC* yer swar ti lir koumsa,

“IMF i dir ki lekonomi Sesel i lo bon semen avek son programm reform ki ti konmanse an 2021. Sesel pe respekte tou son bann obligasyon”.

E parey nou ti aprann dan Nouvel yer swar, sa lannen nou pou annan en krwasans ekonomik. Nou lekonomi pou grosi par 3.8poursan. Me i enteresan Mr Speaker, Lopozisyon zot toultan *omit* serten fe, serten laverite. Zot vin avek bann statistik pou sey *deceive* e anbet Lepep Seselwa an deor. E mwan mon la pou met keksou an konteks.

Ou konnen, Lopozisyon pa pou zanmen koz larealite ki'n pase dan nou pei pandan sa bann dernyen lannen. E annefe ki'n pase dan lemonn antye.

Nou tou nou konn tre byen. Lepep Seselwa i konn tre byen ki'n arive pandan sa prosen 3an - 2020, 2021. Zot konn tre byen poudir nou pei in fer fas avek en kriz ekonomik ki'n ganny anmennen par COVID.

Kot ler nou Gouvernman ti erit sa pei nou ti ganny elekte. Nou ti antre dan ladministrasyon Mr Speaker, nou ti antre avek en kont piblik ki ti annan zis rakay ladan Mr

Speaker, selman R14 milyon dan kont piblik Mr Speaker. Ti en kales kase ki nou Gouvernman ozordi in bezwen aranze e sey remet sa pei lo son lipye!

Wi, in koz lo krwasans ekonomik pou grandi 3.8poursan lannen. Me sa ki i pa dir ou Mr Speaker, se ki lannen pase nou krwasans ekonomik ti 7.5poursan savedir regresyon. 7.5poursan lannen pase, 3.8poursan sa lannen nou pe kontinyen progrese.

Ler ou pran 7.5 ou azout avek 3.8 konbyen i fer Mr Speaker? Pa en progresyon menm? Nou pe kontinyen bouz devan Mr Speaker. Nou pa pe regrese pe retourne an aryer Mr Speaker!

Mr Speaker, nou lekonomi pe kontinyen grosi. Nou lekonomi pe kontinyen bouz par devan.

En lot lenformasyon enportan Mr Speaker, ki mon bezwen fer resorti ozordi Mr Speaker, se ki nou Gouvernman konman in antre nou fer sa ki zot, zot pa ti kapab fer Mr Speaker!

Nou ki nou'n fer Mr Speaker? Nou'n koup gaspiyaz e nou'n koup koripsyon partou Mr Speaker. En lot keksoz ankor Mr Speaker, annou get en keksoz enportan Mr

Speaker. Annou get koleksyon reveni ler ou pou get dan *Mid-Year Economic and Fiscal Outlook*, i kler Mr Speaker, poudir Lopozisyon zot pa'n lir sa.

Yer Onorab Cosgrow in dir nou en keksoz yer, se ki i pou annan en *shortfall* dan *forecasted revenue*. Ki normal. Kekfwa nou'n *forecast* reveni ki nou pou anmase sa lannen, plis ki aktyelman sa ki nou kolekte.

Me sa ki zot pa dir ou Mr Speaker, zot pa'n fer en konparezon avek kantite reveni – kantite reveni ki pou antre, ki pei pou kolekte sa lannen.

Ler mon pe koz an term reveni, mon pe koz koleksyon reveni. Mon pe koz reveni avek *grants* ki pou antre sa lannen. Fer en konparezon sa lannen avek lannen pase.

Mr Speaker, sa lannen *forecasted revenue* ti pou R10.69 bilyon. Wi, nou pa pou arrive sa *forecasted revenue*, me dapre tou prediksyon, i montre poudir nou kapab fini sa lannen avek R9.944 milyon. Mr Speaker, ki R1.1 bilyon an plis ki lannen presedan 2022, ki nou ti anmas nou R8.8 bilyon.

Mr Speaker, nou sorti R8.8 bilyon lannen pase, pou nou vin R9.94 bilyon sa lannen, ki R1.1 bilyon logmantasyon avek koleksyon reveni.

Koleksyon reveni la mon pe koze *tax* ki pou antre dan kof Leta, *income tax, business tax, excised tax*, bann *grant* ki pou antre dan nou lekonomi sa lannen.

Mr Speaker, klerman i annan en progresyon. Klerman i annan en progresyon. E ozordi nou bezwen realize poudir i annan en kantite faktor eksteryer, ki afekte nou pei.

Yer si nou ti pe ekout byen Madam Caroline Abel, Gouverner Labank Santral, pou plizyer lannen i pe vini i pe eksplik nou ki mannyer lekonomi pei i marse.

US zot konn tre byen mannyer keksoz i ete, me selman zot annan en labitid, pou vini pou sey *mislead* nou pep, avek bann lenformasyon ki fo Mr Speaker.

Mr Speaker, rezon mazer ki nou'n war dan sa Bidze bann koupir ki'n ganny fer, Mr Speaker, i annan pou fer avek *recruitment*. Me i kler Mr Speaker, sa i pa en keksoz ki fek konmanse ozordi. E i posib ki Gouvernman ozordi pe target en Gouvernman pli *lean*, akoz ou konnen poudir ozordi nou annan en *bloated government*.

Nou annan bokou dan lepase, bokou bann dimoun ki'n ganny zis pran pou *fill in* bokou bann pos dan lepase. E

nou konn tre byen dapre lenformasyon ki nou'n ganny osi, se ki nou annan bokou bann *expert*, bann dimoun spesyalize, bann *field* spesyalize ki manke dan nou pei ozordi.

E mon ti a kontan war dan lefitir, ki nou Gouvernman i annan en plan nasyonal, pou nou kapab *train* plis bann spesialis dan bann domenn ki nou manke ozordi, sirtou kot i konsern dan ledikasyon, dan *forensic auditing*, dan konstriksyon, dan *project management, enzenyer*. I annan plizyer bann *field* ki ozordi nou pe mank sa bann profesyonnel pou fer sa bann travay.

Onorab Herminie yer in dir poudir, ozordi nou annan en problemm ki Sesel, napa ase louvraz, dimoun pa pe ganny louvraz. Mr Speaker, nou fek fer en *job fair* Praslin, louvraz Sesel i annan plis louvraz ki dimoun pou travay. Ki i fer ki ozordi bokou bann lakonpannyen, menm Gouvernman, nou bezwen anploy bann dimoun aletranze pou vin travay Sesel.

E konmela partou kot ou pase lo laferm, dan konstriksyon, dan lotelri partou, kot ou pase ou war bann etranze. Akoz nou napa Seselwa pou *fill* sa bann pos ki annan dan nou pei ozordi!

Mr Speaker, ler ou pou get dan Bidze ou pou war R15 milyon pou kouver *subsidy*. E sa R15milyon i annan pou fer avek par lefe ki retar pou manze zannimo antre dan pei, e finalman in antre. In antre.

E sa pe ede pou fer kou manze zannimo desann. Me ki nou ti war Mr Speaker? Konman sa ti arive, deswit ti annan en leokri deor e parey labitud, US son labitud in sot lo la. Me nou tou, nou konnen ki mannyer bann lakonpannyen manze zannimo ti pe ganny *subsidies up to R70-R80 milyon* par lannen, par Gouvernman pou *subsidies* manze zannimo, ki Gouvernman i pey sa bann lakonpannyen *animal feed*.

Nou pe pran bann desizyon pou ede fer kou desann. *Animal feed* i desann ozordi. Ou kapab ganny en bal in redwir par pres R150 Mr Speaker. Mwan mon'n fer en lapel pourki stokaz ozordi i ganny fer lo Praslin pou benefisy bann fermye Praslin.

I annan en kantite desizyon ki nou Gouvernman Mr Speaker, ki ozordi pe benefisy nou pei.

Kot i konsern *Anti-Corruption Commission* Mr Speaker, sak fwa sa lenstitisyon, sa Komisyon i vin devan Lasamble, ouswa i annan

en Bidze Siplemanter pou sa *Commission*. US tanzantan i bezwen sot anler Mr Speaker.

Akoz zot sot anler? Akoz zot osi zot annan en ka devan sa komite, pou bann later ki zot in gannyen pou en R1, ki ozordi zot pe taye pou vann Mr Speaker.

Zot bezwen lager avek *Anti-Corruption Commission* Mr Speaker, akoz koripsyon ti pe *rage rampant* anba zot Gouvernman. I enportan pou ranforsi ACCS Mr Speaker, parey mon dir akoz nou, nou pa anvi sa bann koripsyon lepase, i kontinyen dan nou pei, parey ti pe persiste anba Gouvernman *United Seychelles*.

Mr Speaker, i annan R23milyon fon adisyonnell pou met koltar lo semen. E ozordi si ou pou get partou lo Mahe, Praslin, La Digue sa lanfaz ki pe ganny mete pou aranz semen partou. Lo Praslin, *Consolation* ki bann zabitan ti dir zot ti ganny rezete dan lepase, ozordi cours koltar in ganny mete.

Dan *west coast* Mr Speaker, nou war sa proze *west coast* semen ki US pe sot anler pe gele, akoz Mr Speaker? Akoz sa R100 milyon i pa'n antre dan kont Gouvernman, me i pe pey direkteman kontrakter. Ou konnen akoz sa Mr Speaker ki Abu Dhabi pe fer sa koumsa?

Akoz dan lepase ler bann gro sonm larzan ti antre dan kont piblik ti disparet, ti voltize, Mr Speaker! Parey sa \$50 milyon ki ti disparet anba sa Gouvernman avan.

E ozordi si ou war nou pe ganny plis donasyon - Ou konnen akoz ozordi nou pe ganny plis donasyon ki Gouvernman presedan? Akoz ozordi sa bann pei aletranze, i *trust* sa ladministrasyon plis ki i ti *trust* sa ladministrasyon avan!

I annan 5milyon Bidze adisyonnell Mr Speaker, pou nouveau lekol La Digue. 500milyon konbyen letan Lekol La Digue? Konbyen letan zabitant La Digue pe espere pou ganny lekol? Mon'n perdi kont - 20an, 30an si mon pa tronpe Mr Speaker.

La lekol pe al kommanse. Fotespere nou pa war en lot petisyon ankor, parey ti annan pou lopital La Digue. Lakres Mr Speaker Grand Anse, Praslin ti pe al kondannen. Nou Gouvernman in re aranz sa lakres Mr Speaker, ozordi pe debout en zoli proze.

Mr Speaker, nou Gouvernman pe travay. Yer Onorab Lemiel si mon pa tronpe, i dir fodre sa bann Minis i travay. Be Mr Speaker zot, zot pe dir Minis travay, selman tou

le semenn zot pe *walk out!* De fwa semenn pase zot in *walk out* e ankor en fwa sa semenn zot in *walk out*. Zot osi travay!

Zabitant Grand Anse, Praslin pou kontan pou aprann, ki i annan en fon adisyonnell R29.3milyon Mr Speaker, pou *coastal management* Amitie, Ros Korbizo. E mon vreman apresye ki Gouvernman pe met lanfaz lo la, e sa i gras a sa nouveau *levy*, ki pe ede kolekte reveni, pou fer bann proze *coastal management* ki enkli sa proze *rock armouring* Amitie, Ros Korbizo. Mr Speaker, ki en proze ki pou plizyer lannen zabitant Grand Anse, Praslin pe espere.

Mr Speaker, annou get partou Sesel ozordi, Seselwa i pa aveg. Seselwa i war kler. Proze partou lo zil pros lo Praslin, lo La Digue. Proze lopital in ganny fer. Mr Speaker, sa ki ti enteresan avek proze lopital La Digue, menm si entel ti fer petisyon, i ti la pou louvertir lopital. Me selman i ti pe per pou antre anndan, se mwan ki tyonbo son lanmen, mon dir "pa per mon frer, antre, vin vizit lopital" Mr Speaker.

Proze Por, drenaz La Digue, proze ERO. Mr Speaker, proze Por ERO. Proze Zil Kato Nwanr, Ile Eve ki mon ti kler tors lo la pou montre sa bann

koripsyon ki ti arive. E ozordi later in ganny debloke e bokou bann *businessmen* Pralinwa in kapab ganny zot, zot bout later e bann facilite pe ganny met an plas.

Proze *Micro Enterprise* ki pe al konmanse Grand Anse, Praslin o bor lekol Grand Anse, Praslin Primer, Mr Speaker, ki pou annan plis ki 15 *unit*. Proze lapes Baie St Anne avek Grand Anse; tousala se bann proze ki pou plizyer lannen zot *US* dapre zot, zot ti pou fer.

In fact, preznan sa ki enteresan parey yer Onorab Lemiel, in koz lo proze *Grand Rivière* i pe dir sa proze in konmanse 3an pase. Selman anba son Gouvernman i pa'n zanmen ganny fer.

Me selman ler sa bann proze i fini, ti vizyon Albert Rene! Ti vizyon Albert Rene! ti vizyon zot Minis! Vizyon 20an! Vizyon 30an! Vizyon 50an! Selman zanmen zot in fer sa bann proze ki pe materyalize dan nou pei ozordi Mr Speaker.

Ozordi nou pe war proze lakaz Mont Plaisir. Goute zanfan zot pa ti kapab donnen, selman \$4000 - €4000 pou donn Ali Ali zot in kapab donnen. Pou anmenn goute zanfan lekol, pou manrmay lekol zot pa'n kapab fer Mr Speaker.

(APPLAUSE)

(Interruption)

MR SPEAKER

Onorab, mon'n deza dir ki i annan serten size ki mon pa anvi i antre dan deba. E ou'n tous lo enn, silvouple pa al pli lwen avek sa. Kontinyen i reste ou 2 minit pou konkli.

HON WAVEL WOODCOCK

Mr Speaker, Onorab Loze in ganny 20 minit, permet mwan i reste mwan de pti pwen pou mwan refer sorti.

MR SPEAKER

Non i pa'n ganny 20 minit. Al –

HON WAVEL WOODCOCK

Mr Speaker, Bidze Siplemanter parey mon'n dir nou pe war plizyer bann proze. Proze semen Anse La Blague, ki dayer plizyer lannen pe ganny demande. Nou pe osi war 14 milyon pou NSC pou fer reparasyon lo plizyer bann facilite spor Mr Speaker, ki ti pe tonm an rin.

Palais des Sports - gran trou dan *Palais des Sports*. Ozordi *Palais des Sports* pe ganny aranze. *Court Tennis* pe al kommanse travay lo la byento.

Mr Speaker, pa bliy osi Stad Linite osi, ki en kote stad ti'n ganny kondannen ki *Astroturf* ti'n preski ti'n ariv 20an. Ozordi nou Gouvernman pe refer tou sa bann facilite e bokou sa bann facilite ti'n ganny abandonnen Mr Speaker. Sa ki mon osi kontan yer mon ti pe demann kestyion Minis regardan proze *judo dojo* Praslin, ki in dir mwan poudir byento konsiltasyon pe al konmanse avek bann atlet lo Praslin, pou gete ki nou pou met dan sa facilite. E tousala i bann keksoz ki plizyer lannen nou pe demande, ki finalman pe tonm an plas dan nou pei.

Pou fini Mr Speaker, en proze ki mon mazinen la dernyerman Mr Speaker, se proze ki zot menm zot, zot ti fermen. Mr Speaker, nou ti annan laferm kanmaron Coetivy, Mr Speaker, e nou Gouvernman in reouver sa laferm. Mr Speaker, e sa i en progresyon.

E i profitab ozordi, e Seselwa i kontan manz son kanmaron. Mr Speaker, e nou, nou en Gouvernman ki pe progrese. Nou pa en Gouvernman parey Gouvernman avan, ki sorti dan Gouvernman ki'n regrese, ki'n mars an kanmaron ki ozordi in tonm dan Lopozisyon.

Mr Speaker, ozordi sa ki sagrinan, se ki US i en parti ki zis rod lipou menm kot napa lipou. Mr Speaker, zot in rod lipou partou. Zot in rod lipou lo lisyen zot pa'n war lipou lo lisyen. Finalman zot in sey al rod lipou lo lezar.

E ler zot pa'n war lipou lo lezar sa ki zot in blyie fer Mr Speaker, zot in blyie al get *Maison du Peuple* - i annan en gro lili *Maison du Peuple* ranpli avek lipou pe manz kanmarad. Mr Speaker, sa zot pa gete.

Mr Speaker, avek sa de mo mwan mon siport sa Mosyon anmennen par Onorab Sandy Arissol. Mr Speaker, akoz mon santi poudir Lepep Seselwa zis ale re ekout sa *press conference IMF*. Ekoute ki nou bann profesyonnel pe dir, akoz si ou pou ekout sa bann dimoun dan Lasamble, sirtou bann ki'n ganny zot degre *online* parey Minis Finans ti dir la ou pou konfize. Lo *YouTube* Mr Speaker, ou pou konfize.

Mr Speaker, akoz ki zot fer zot sey *distort* bann lenformasyon rod lipou kot napa lipou. Pran bann statistik, bann limero manipile pou donn en persepsyon ki fo ki pa reel deor.

Avek sa de mo Mr Speaker, mon pou siport sa Mosyon anmennen par *Chief*

Whip Onorab Sandy Arissol.
Mersi bokou.

MR SPEAKER

Mersi Onorab. Laparol pou Onorab Egbert Aglae.

HON EGBERT AGLAE

Mersi Mr Speaker. Bonzour tou Manm Onorab, tou dimoun a lekout e nou bann envite ki dan Galeri.

Mr Speaker, mon pou konmans mon lentinaison dan sa fason. Mon pou servi parol en nou ansyen *Speaker*, sa i ansyen *Speaker Prea*. I ti dire mon pran li koumsa akoz nou lo sa kote latab, si nou annan leskelet dan larmwar, nou konnen nou larmwar i fermen, konpare ek bokou plizyer zot ki mon krwar ki zot larmwar pa kapab fermen.

Mr Speaker, entervenan ki'n koz avan mwan, mon pa en profesyonnel en matematisyen, me selman sa pti gin lekol ki mon'n pas o bor mon konn konte, poudir letan ou kalkil krwasans ekonomik par bann eksper ekonomik, prozeksyon in ganny fer lo lannen. I kapab fer lo kour term ouswa long term. Be ou pa kapab pran en krwasans ki'n desann azout li avek en krwasans prevalans e dir ki ou pe fer progre.

E Mr Speaker, nou vot dan en Bidze pou donn larzan ACCS. E sa ki mwan mon okouran se ki, napa okenn *case* kont US zafer later devan ACCS. Zot kapab al fer zot resers.

E nou vin la anndan pou nou vin travay Mr Speaker, e en Lopozisyon son devwar se, pou montre Gouvernman kot i annan son bann febles kot i mal osi. Sa i louvraz en Lopozisyon.

E kot fodre siporte dan lentere nasyonal pei i pou benefisyé nou pep an antye. Nou pou fer li, nou pou siporte. Me i domaz ki ler nou pe fer nou travay Mr Speaker, letan zot in dir nou *walk out*. Nou *walk out* avek siny protestasyon, pou serten kalite fason fer ki nou pe sibir lo sa kote latab.

Letan nou napa drwa *raise point of order* mon ganny met deor. Letan Minis i refize reponn kestyon. Letan nou ganny dir pou napa sipleanter, ki ou ekspekte? Nou pou zis espekte en larepons en Minis pa demann li, pa pou substantiate sa ki in dir?

Akoz nou letan nou'n demann en kestyon isi nou osi pe antisip en larepons. Nou osi annan lenformasyon. Be si sa Lasanble i kontinyen dan sa fason mwan monn pou dir Mr Speaker, i regretab sa modern

democracy ki met la deor, nou pa pe *serve* li nou.

Mr Speaker, Bidze Siplemanter i baze lo 2 keksoz an prensip ki mwan mon'n vwar, dan mon analiz. Gouvernman in vin devan nou, in dir nou in vin fer *savings*. Me letan ou pe regard sa bann *savings* Mr Speaker, i bann *savings* ki pou mwan akoz zot in zer en bon Bidze, ouswa le meyer Bidze.

Mon dir sa akoz? Si ou donn mwan R100 milyon e ladan mon'n met en programm ater. Mon dir ok 50milyon ladan i ava pou *wages and salaries, good and services*, lot 50 milyon ladan, mon pou servi li pou mon bann proze ki mon annan. Mon bann proze, mon bann aktivite. Mon'n met tan aktivite.

E si ladan mon kapab akonplir tou mon bann aktivite baze lo sa ki ou'n donn mwan. Mon'n kapab pey tou mon dimoun ek mon bann servis. E letan mon fer mon *balance sheet* lafen lannen mon war mon'n depans zis 90 milyon. I reste mwan 10 milyon dan sa ki mon ti'n fer prozeksyon e tou mon keksoz in akonplir, la mon ava dir mon'n fer *savings* 10 milyon. La ou'n fer *savings*.

Be zot sa Gouvernman zot fason fer *savings* i diferan. Premyerman zot met larzan dan

Bidze pou *recruitment*. Zot pa kapab depanse, zot pa kapab *recruit*. Akoz? Zot menm zot par deryer zot met *freeze* lo *recruitment*. Be definitivman ou pa pou kapab depans sa larzan.

Ou pa'n depanse. Ler ou pa'n depanse ou pa kapab vin dir mwan ou'n fer *savings*. Menm parey bann larzan ki pe ganny koupe dan Bidze ankor plizyer milyon lo proze kapital ki zot in mete. Kan zot ti konnen zot napa sa abilite pou zot kapab enplimant tou sa proze.

Me selman zot ti en Gouvernman ki ti annan en *wish list* e la zot war poudir zot pa kapab depanse, bokou proze pa pe fini materyalize e la larzan pe pa kapab ganny depanse.

E dayer i larzan ki zot pa ankor kapab fini anmase, akoz i annan defisit. Pou mon kestyon Mr Speaker, nou bezwen demann nou lekor kestyon. Kwa ki'n al mal? Kwa ki zot pa pe kapab fer ki zot pa pe kapab enplimante? Dan lannen konsekitiv i fer la. Larzan pe retourne dan Bidze e en bann pli gran konponan i proze kapital ki pa kapab ganny depanse e *delay in recruitment*.

Eski zot ti anvi *recruit* dimoun zot sa Gouvernman, Mr Speaker? Ouswa zis zot anvi met larzan la akoz i annan en *expert* ki dan kalkilasyon dan

zot Gouvernman. I pou vini i pou vin met en sonm. Zot konnen zot pa pou kapab depanse zot. Zot dir ar apre la nou pou vini dir nou Gouvernman in fer *savings*. Nou Gouvernman pe fer byen. Be larealite pa li. I en keksoz virtyel ki zot pe vin dir nou, i pa larealite -pa realistik.

So pou mwan Mr Speaker, en lot eleman ankor ladan kot i konsern *savings* trezyenm mwan saler. I enteresan sa trezyenm mwan saler. Zot ti amann Lalwa pou dir *thirteenth months pay* -ti nepli en saler. Ti en *pay*. E la zot in mont lo televizyon zot in fer serten lamannman ankor, pou aranze *capping* kot ou pou benefisye. Mon napa problem ek sa mwan. Tou dimoun i kontan pou ganny en saler.

Me sa ki sagrinan Mr Speaker, se ki in annan departman ki'n ganny - son *PS*, akoz li in pran desizyon pou pey tou dimoun trezyenm mwan saler *full san swiv* sa *performance based*, in war li dan problem. In arive sa - mon pa pou nonmen lekel.

I en larealite ki'n arive. E letan nou ti vot pou Bidze 2023 nou ti vot *full-fledged thirteenth month pay* pou tou dimoun. Zot ti konnen ki zot pe fer zot. Zot ti konnen poudir pa tou dimoun

ki pou kapab benefisye, pou ganny li anba sa *performance based*, e zot pou sey rod fason ki mannyer zot pou kapab pran larzan.

Mon dir i annan en matematisyen dan sa Gouvernman, ki pe fer byen son travay, akoz i konnen mannyer i pou zwe ek sif. Kan dayer Seselwa nou pe dir lekonomi pe fer byen. Nou sekter No.1 *tourism*, zot ti'n fer prozeksyon pou anmas environ \$1 bilyon. Sa prozeksyon ki *tourism department* ti fer.

Me la kot nou'n arive la, avek prozeksyon Mr Speaker, zot in fini dir poudir nou pa pou *meet* sa target. Be byensir zot pa pou *meet* sa target. E zot ti anvi ki sak etranze ki vin Sesel i depans li *at least \$ 300* par zour.

Dayer ler ou get bann sif Mr Speaker, ozordi konpare ek bann sif oparavan kot i konsern *tourism*, data ki la devan mwan nou vreman lwen konpare avek *pre COVID*.

E enn bann eleman konmsi nou bezwen kalkile se, ou annan en target ki ou anvi *meet* ou, ou 1 bilyon, solman ou pas par deryer ou vin trangle sa *golden goose* parey nou dir ki *lay the golden eggs* li menm. Mon pa konnen si

matematisyen pa'n war sa mwan.

Ou vin entrodwir bann taks nou konnen Sesel i deza ser nou. Nou konnen poudir nou an konpetisyon avek bann lezot pei, ki annan menm karakteristik ki touris pe rode konpar avek Sesel. Dan la rezyon i enn e nou tann bann diferan sekter, bann diferan biznes dan lekonomi *tourism*, bann pti *guesthouse*, bann pti lotel sirtou. Nou bann Seselwa pe konplent *cancellation of booking*.

Ozordi i annan en gro lotel Praslin, ozordi lenformasyon ki mon gannyen son *occupancy* i 45poursan. E sa mon pe mazinen i pe mars *across the board* menm pou Mahe. Petet i ava annan bann ki annan 50, i annan ki pe monte.

E bokou sa bann gro lotel ozordi 5 zetwal, pe donn zot bann travayer sirtou *expatriate* konze. Zot pran konze, akoz la nou kliyan i vreman ba e nou espekte ki petet by Novanm i pou *pick up*.

It's a reality sa. Mon pa pe koz mansonz mwan. E la pou mwan Mr Speaker, si *IMF* i vini i dir nou poudir be Sesel pe fer byen. Byensir i pou dir ou sa. Se li nou krediter finansye, li ki pe donn nou larzan e la in aprouv

ankor 56 milyon ki i pou donne par bann faz.

Be sa bann larzan se par atraver bann *loan* ki nou pe gannyen lo latet Seselwa. E se sa bann menm larzan ki pe antre dan kof Labank Santral, ki pe fer ki nou rezerv osi pe monte atraver se *loan*. Se pa reveni ki pei pe anmase avek nou *direct taxation system* ki nou annan.

Pa sa! Aret pran nou pou en fou bet i pa sa. I sa bann *loan* ki nou pe gannyen ki zot pe enzekte li laba, apre pou dir "gete rezerv i o." Non. Mwan ou pa pou fer mwan vin bet mwan. Mwan osi mon konn lir, mon konn ekrir. Mon konn fer resers.

En lot eleman Mr Speaker, mon krwar i enportan osi pou nou regard ban koupir ki'n ganny fer dan sa Bidze Siplementer. Gouvernman ti fer seri *meeting* piblik dan distrik. Mon napa problem ek zot *meeting* piblik mwan. Zot in anmas en ta *issues* e zot in menm fer en bon pe promet. Zot in menm return lo teren la pe in anmas bann problem. Meselman ler ou regarde bann koupir kot bann landrwa enportan, kot dimoun pe soufer, pe kriy febles, zot in koupe. E zot pe met presyon par

deryer pou fer lenplimantasyon dan distrik.

Bann kestyon ki pe ganny demande la - *DA* kan sa pou ganny fer? Kan sa? Be zot in koup larzan dan Bidze. Zot pa'n mete. I pou bezwen esper lannen prosen sa dimoun. Sa ki zot pe promet pe pase pe dir tou le *weekend*, tou le 2 *weekend*, pa bokou ki pou materyalize.

Zot pou pas parey larzan meday. En sel kou kondisyon i sanze. E nou, nou konnen poudir dan bann performans atletik, ki ou al fer dan bann sport. Mr Speaker, i annan bann *random test* ki ganny fer pou antidopaz. O nivo profesyonnel i fer sa. La tou atlet pou bezwen al fer la.

Konmsi letan nou, nou pe dir en keksoz - mon pa vin koz lalang. Mon pe dir sa ki reel - petet taler mon pa konnen si mon mikro ava ganny tennyen. Mr Speaker, nou pe dir lekonomi i bon, lekonomi i byen. Be letan ou pe regard dan Bidze bann departman Minister ki dan problem, mon pa war enn ki'n vin rod larzan poudir - be dayer ti annan bann lanons ki ti ganny fer.

Premyerman Minister Lasante, *ok?* Nou annan en sistenm lasante 43an nou ki'n la nou'n met en sistenm lasante an plas nou. 43an devlopman ki

nou'n fer i pou pran zot en ta letan *LDS* pou zot kapab akonplir sa nou nou'n akonplir.

Sa kantite devlopman ki annan *be it semen*, lakaz, bann batiman, lenfrastriktir sport. Malgre zot pe akiz nou, ki nou pa'n zer ser ten keksoz byen. Me sa ki enportan se ki nou'n mete nou'n konstrir. E nou ti pe *move on* pou fer keksoz ankor de nouvo.

Lekspektasyon dimoun ti o. Nou ti pe delivre. Se sa ki ou war ozordi bokou dimoun i dir ou plito ti kit *US* la ki sa parti ki la o pouvwar.

(laughter)

MR SPEAKER

15 minit Onorab, silvouple prosed lo ou konklizyon.

HON EGBERT AGLAE

Minister Lasante mon pou konklir Mr Speaker, Minis in vin la anndan lo *scheme of service* bann – i dir nou zot pe travay lo la. Pa ozordi sa. Me selman avek sa bann feblir, febles ki annan dan sa departman i pa'n vin devan pou demann larzan. Napa larzan ki'n ganny demande. Oli?

Departman Ledikasyon problem mankman *teachers* ek bann lezot ankadrer pou kapab donn nou en bon

performans dan ledikasyon. Olye nou war i annan plis larzan, nou war i annan koupir.

Lekel ki pa pe pran son responsabilite pou fer *recruitment* pou rod dimoun pou travay dan nou sistenm ledikasyon? Pa mwan, pa US ki la. Se zot ki annan responsabilite pou fer sa.

Nou pe dir poudir nou anvi en meyer sistenm ledikasyon, nou anvi en meyer sistenm lasante. Be selman larzan i antre larzan pa ganny servi. Be eski nou pou annan en bon sistenm?

Lot pou terminen Mr Speaker, nou programm sipor sosyal. Mon krwar i enportan sa mon koz lo la, akoz Gouvernman ler in vini *LDS* in kas tou programm sipor sosyal, ki ti egziste e in fer li vin enposib pou en pti malere pou kapab ganny en lasistans ozordi.

E nou konnen poudir pri lavi i ser nou. Yer swar ti annan lo *Tête à Tête* –

MR SPEAKER

Onorab ou *out of time please, conclude*.

HON EGBERT AGLAE

Mon pou terminen Mr Speaker, ti annan kozri lo lenflasyon. Be nou tou nou konnen pri lavi i ser. Me selman i annan pa pe

war sa. Si zot pa ti'n koup tou sipor sosyal, byensir ti ava annan en retonbe pou en dimoun al apiye letan i dan problemm. I domaz.

Mon dir i domaz ki zot in pran en larout ki pa dan lentere sa pep. E pou mwan Mr Speaker, mon pa war nou pe al dan en bon semen kot i konsern zerans serten, kot i konsern nou Bidze. Avek sa mon pou dir ou mersi Mr Speaker.

MR SPEAKER

Mersi Onorab. Laparol pou Onorab Pillay.

HON SEBASTIEN PILLAY

Mersi Mr Speaker. Bonzour Mr Speaker. Bonzour tou bann koleg Onorab, e byensir en bonzour spesyal pou bann etidyan ki dan Galeri byenveni dan Lasanble Nasional. E bonzour tou dimoun ki pe swiv Lasanble ozordi.

Mr Speaker, i enportan ki ler mon konmans mon lentervansyon lo Bidze Siplemanter mon eksplike petet pou ki nou piblik i konpran ki nou pe fer, e akoz nou annan sa deba bomaten.

Mr Speaker, sa deba i relye avek seksyon 30 dan nou Lalwa *Public Finance Management Act*, ki koz lo en revi previ milye lannen ki

Gouvernman i fer. I prezant devan Lasanble e apre ki Gouvernman in prezant sa revi milye lannen. Nou pe fer en lot travay ki anba nou Konstitisyon ki savedir si Gouvernman i bezwen bann larzan siplemanter, i bezwen larzan an plis ki i bezwen depanse i bezwen met devan Lasanble Nasyonal pou li rod laprouvason.

E ki mannyer Lasanble in agree pou prosede avek sa Mosyon, se ki dan sa lannen ki Gouvernman i le sa larzan. I anmenn en Mosyon e son lannen answit i anmenn Lalwa. E alors deba i ganny fer lo sa Mosyon ki nou pe pas ladan ozordi Mr Speaker.

I enportan pou bann etidyan ki dan Galeri konpran, akoz ki i annan sa bann diferan diskisyon ki pe pase. E i osi enportan pou Lepep Seselwa konnen ki lo sa kote latab nou pran sa louvraz, ki nou pe fer ozordi bomaten ekstrememan serye.

Mr Speaker, i enportan ki nou regard larealite an fas e pou montre ki mannyer, ler mon'n ekout bann entervenan lo lot kote latab ki petet mon bezwen servi term, ki mannyer Seselwa zot in ganny bat latet pandan 2020.

Les mwan eksplike. Onorab Woodcock atraver ou Mr Speaker, dir Lopozisyon pou sey fer tou pou kasyet laverite. Lopozisyon pa zanmen koz laverite. Eski i vedir ki an 2020 ler i ti dan Lopozisyon i pa ti pe zanmen koz laverite? Eski i ti pe kasyet laverite an 2020? Si sa i leka ler nou, nou dir poudir i annan en gran lagrenn bat latet ki Seselwa in gannyen. Savedir i en laverite ler nou dir lagrenn bat latet.

Akoz Mr Speaker? Akoz pandan plizyer lannen Seselwa in ganny dir ki poudir *IMF* pa met dan kastrol pou manze. E atraver ou Mr Speaker, Onorab Waven William ti menm dir ki *rating* ou pa kapab al laboutik avek. *Rating* ou pa kapab pey lekol ou zanfan avek. *Rating* ou pa kapab pey ou bil avek. Ou pa kapab pey ou *loan* avek.

E se sa kestyon fondamantal ki Seselwa i bezwen demann son lekor. Akoz si nou dir poudir annou regard *SBC* lo *SBC* ti pe dir poudir Gouvernman pe fer ekstrememan byen. Mon pou dir avek tou dimoun poudir ozordi *SBC* in vin en *mouthpiece* pou Gouvernman, esey montre zis ler Gouvernman pe fer sa ki byen.

Mr Speaker, par egzanp yer nou pas en *PNQ* kot Minis in

mislead Lasanble. I pa'n koz laverite avek Lasanble par lefe ki ler i dir poudir i ti demann Gouvernman larzan an plis, pou Zwe de Zil e Gouvernman ti donn li. Me ler nou regard dan en Bidze Siplementer, lo bann larzan ki'n sipoze ganny depanse, napa okenn Bidze Siplementer ki ti vini pou *Indian Ocean Island Games*.

Oli sa Bidze Siplementer ki'n vini pou *Indian Ocean Island Games* dan sa Bidze? Napa i la an nwanr e blan. So, alors Mr Speaker, e SBC i swazir pou li pas sa dan en serten fason ki pa montre la realite.

Mr Speaker, ler nou demann Minis Lasante lo bann *schemes of service* pou travayer lasante. E Minis i dir nou i pe travay lo sa bann *scheme of service*, napa okenn Bidze Siplementer pou okenn *schemes of service* dan Minister Lasante. Annefe i annan koupir. Koupir larzan dan Minister Lasante lo *delays in recruitment*.

So eski SBC pe montre Seselwa laverite? Larepons i non Mr Speaker, e mon pou prouve akoz i non.

Gouvernman pe demann en Bidze en pe plis ki R275 milyon konman en Bidze Siplementer. Dan sa Bidze

Siplementer R275 milyon 71pourstan Onorab Loze, in byen dir ki i al ver *capital projects*. Me dan sa 71pourstan lanmwatye i en larzan ki nou swadizan gannyen avek *UAE*, ki'n sipoze pa met dan Bidze, akoz *UAE* pa oule met dan Bidze akoz larzan in ganny pran avan.

Me selman lo lot kote nou vire nou dir ozordi bann pei i pli kontan donn nou larzan, akoz i pli *trust* zot Gouvernman. Mon pa ganny en konpran Mr Speaker.

E kote sa larzan *UAE* i annan en gro problem. Mr Speaker, akoz dan Lasanble nou ti ganny dir poudir R20milyon in ganny depanse, me dan Bidze Siplementer nou vwar en *supplementary budget* pou zis R17.8milyon. R2.2milyon kot in ale Mr Speaker?

So ler Lasanble i fer en legzersis pou en Bidze Siplementer nou bezwen annan tou sif. Nou bezwen kapab domin tou bann sif pou ki nou konpran kwa ki pe pase. Me ler nou vwar poudir Bidze Siplementer i dir nou en keksoz, e bann Minis i vin dan Lasanble i dir Lasanble en lot keksoz. Se la rezon akoz Lopozisyon i bezwen demann kestyon.

E si Lopozisyon pa demann kestyon lekel ki pou fer li? Sertennman pa kote mazoriter akoz pou zot tou keksoz i byen, tou keksoz pe marse.

Mr Speaker, ler ou tann en Manm pran krwasans ekonomik en lannen presedan azout ek son lannen answit, e dir ou ou'n fer 10poursan krwasans ekonomik. Be ki ou kapab konpran ki pe arive ek sa Gouvernman Mr Speaker. *Is this fer pli byen?*

Pou mwan mon war li Mr Speaker, i anbarasan e menm ler dan en Lasanble Nasyonal en size *sub judice, sub judice* i Ankour. E *Standing Orders* i dir ou pa ganny drwa koz lo la Manm dan kote mazoriter i ganny drwa dir sa ki i anvi.

And then Speaker i dir zot retract. I dir zot pa koz lo la e still zot refize ekout ou lord. Me par kont ler nou, nou fer nou ganny met deor. SBC pa pase kan Minis i bezwen fer retraction. Tou sa bann keksoz la se sa pozitivite.

En pozitivite ki ganny kasyet anba en vwal kot larealite i ekstrememan diferan. E annou regard Lepep Seselwa si larealite i parey zot pe ganny dir. Par egzanp Bidze Siplemarter i vini *ok*, bann konpansasyon ki pa ankor

ganny peye. Bann dimoun ki'n dir napa ase larzan pou fini pey zot konpansasyon. Oli sa larzan dan Bidze Siplemanter?

Bidze Siplemanter i vini bann atlet kot i konsern zot bann *day care* pa ankor ganny peye. Oli larzan pou pey *day care* bann atlet? Bidze Siplemanter i vini bann atlet i konsern *casual labourers*. Bann ki ti sipoze ganny led ki led pa ankor gannyen. Oli larzan?

Bidze Siplemanter i vini nou koz lo *animal feed*. Be ozordi nou pe donn Seselwa *animal feed* ki annan antibiotik ladan. Ki annan en potansyel pou koz kanser. Nou pa war en problemm avek sa. Me selman sa menm Gouvernman ki ti dan Lopozisyon ti koz lo bann poul ki'n pran pikir e ki lo *steroid*.

Bidze Siplemanter i vini Mr Speaker, e nou pa koz lo ki mannyer nou pou soulaz pri lavi lo sa de zil Praslin ek La Digue, ki'n vin egzorbitan. Me plito ki nou fer nou pran larzan nou met ankor dan proze kapital e nou met ankor dan depans.

Ki anfen kont mon krwar se ki Gouvernman i le fer se zis montre poudir in fer *building* in met la. E probableman apre al demann bann dimoun pou rod liv lo bato pou met dan *Library* parey i ti fer.

This is the reality of our country ozordi. E si Seselwa pa war poudir sa i larealite *then* mon pa ganny en konpran. Onorab Aglae i annan rezon dir ler ou koup larzan pou plizyer proze kominoter. Ler ou pa realiz sa bann proze me ou devan laport dimoun, pe dir mon pou fer semen Madanm Kilindo. Prezidan pa ti al dir i pou fer. Pa i dir i pou fer tou proze. Oli?

Wi, mon pa ganny en konpran. Mon pe sey konekte nou bann Polisi, nou bann mezir ki nou pe pran avek sa ki pe pase dan larealite, e mon pa pe war sa koneksyon. Mon pe war difikilte, pou mwan anmenn sa koneksyon, akoz zisteman Gouvernman pa kapab koz laverite avek Seselwa, pou dir nou kwa egzakteman ki pe pase.

Mr Speaker, en pwen enportan dan sa Bidze Siplementer e dan sa *Mid-year Review* sete an se ki konsern reveni pei. E reveni pei ti'n ganny bidzete pou apepre R10.2 bilyon a en moman.

Now nou ti dir avek Minis pou Finans poudir sa i pa posib. E lanmenm ler i ti dir nou poudir kot nou al fer nou degre. Nou al fer nou degre lo *YouTube*.

Be si li in ganny en degre iniversiter e ki mon konnen i en garson entelizan. Me i *wilfully mislead* Seselwa, pou fer Seselwa krwar ki Gouvernman ti pou anmas R10.2 bilyon. Mr Speaker, sa i en *travesty!* I fer lapenn Mr Speaker!

Apre tou ozordi nou war nou, nou pa pou kolekte par lao R700 milyon lo reveni *tax*. R700 milyon lo reveni *tax* ki Gouvernman in mal prozekte.

Mr Speaker, be sa i pa akzeptab pou en Gouvernman *get this so wrong!* Me at the same time ki Gouvernman i fer? Gouvernman i entrodwir *bed tax* ki kre en nespes boulversman dan Lendistri Tourizm. Dimoun i eksperyans plizyer *cancellation*. E ozordi nou vvar poudir *yield* ki nou gannyen avek touris, pa an proporsyon avek la kantite touris ki pe antre dan nou pei!

I fer lapenn Mr Speaker, mon bezwen dir atraver ou Onorab Woodcock ki sorti dan en distrik kot i annan bokou bann pt i lotel, *guesthouse*. Me in fer mon krwar in dezapwent tou sa bann dimoun ozordi akoz tou sa bann dimoun pe konplent pe dir zot pe ganny *cancellation*!

Me sa ki pli danzere Mr Speaker, se ki Prezidan Larepublik i vini i dir ou tou sa

bann avyon pe retournen. Wi be zot pe retournen be sa bann dimoun kot pe depanse alors? Akoz sa larzan pa pe antre dan pei, ki pou nou war kot i anmenn en benefis tanzib pou dimoun? Se sa larealite sa deba ki nou pe fer ozordi bomaten.

Mr Speaker, annou regard lo en pwennvi pli teknik. Koupir an se ki konsern *delays in recruitment*. Be sa ti en lakoz akoz Prezidan Ramkalawan ti dir fodre tir Gouvernman US o pouvwar. Nou pa efikas. Be ankor enn fwa be nou annan rezon dir li i fer mars parey kanmaron!

Akoz ankor enn fwa i *go back* lo son parol, son prop Gouvernman i ganny *delay in recruitment*. Me sa ki enteresan son bann *MNA*, atraver ou ankor Onorab Woodcock in koze i dir, i annan en *bloated government*!

Be pou mwan i en dekoneksyon. Ou le *recruit selman* ou dir ou annan en *bloated government*. Savedir ou pe dir Gouvernman i tro gro, alors ou pa oule *recruit me selman* ou met larzan pou *recruit*. Se sa ki pou mwan i en dekoneksyon.

E mon krwar *SBC* fer li son louvraz, fer parey i ti fer ler Gouvernman *US* ti la. Al dan semen al rod *vok pop* en kou. Pa

asize dan *newsroom, edit, sanz parol remet li, sanz timeline, zis pou zot fer Gouvernman look good*. Si zot pa kontan *so be it!*

Al gete ki dimoun pe dir. Eski dimoun i santi poudir sa ki *IMF* pe dir i annan en refleksyon lo zot? Mr Speaker, ler nou koz lo *recruitment* ozordi dan sa pei, nou tann pe dir i annan en ta louvraz. Be akoz dimoun i kontinyen vin kot *MNA* pe rod louvraz? I dir ou in *apply* i pa ganny larepons.

Konbyen dimoun in vin kot zot? *That's the problem* zot pa pe siport *US* ler zot dir sa. *Own up!* Dir ek Gouvernman, dir ek zot Gouvernman zot pli for ki li ozordi. Dir ek zot Gouvernman poudir *enough is enough!* Dimoun pe dir in *apply louvraz* i pa ganny larepons ek zot. Apre nou ganny dir *delays in recruitment*.

Be its *inacceptable* Mr Speaker! *Unacceptable!* Me selman Mr Speaker, *this is interesting*. Tou sa landrwa ki mon'n nonm *schemes* lapolis, larne ki Gouvernman pa kapab fer nanryen pou revwar *scheme*, *TRNUC* Gouvernman in deswit glise anba latab, war lazan pou peye, pou satisfer lekel *end game?*

Antretan sa bann etidyan ki la anler ki zot paran i bezwen war larzan pou pey lekol tou le

lafen dimwan; zot paran i bezwen war larzan pou pey fuel pou transpor, war larzan pou pey bil elektrik, war larzan pou pey bann *loan*. I a kontinyen ekoute e ganny dir poudir pei pe fer sitan byen.

Me ler zot vwar zot pouvwar *d'achat*, zot abilite pou aste keksoz i ganny redwir. En ta sakrifis pou anvoy ou zanfan lekol - en ta sakrifis! Me mon pa war rezon akoz Gouvernman pa realize sa. Zot pa servi sa ki la devan zot ki neseser pou nou kapab adres bann sityasyon ki nou pe fas avek.

Mr Speaker, si nou al pli lwen, dan sa Bidze Siplementer i annan enn de keksoz ankor ki nou bezwen kestyionnen. Ler nou regarde Mr Speaker, mon pe vwar tro bokou larzan pe ganny mete me ki paret zis bann *book entry*.

Ou konnen i parey en biznes ki zis dir poudir sa lannen mon pou fer R20 milyon zanmen i pou fer R20 milyon li. Apre toulstan i deklar en milyon. Apre i dir ou in fer - sa lot R10 milyon in anmase *somehow*. Kisisa? *It's not possible* Mr Speaker! Gouvernman pa kapab kontinyen *falsely declare* e met larzan.

Ler mon regarde Mr Speaker, *over 395 million* of sa 600 ekek milyon i zis grants ek

loans ki pa'n antre dan pei. Zis grants ek *loans* ki pa'n antre dan pei. E ou kapab war lakantite ki'n ganny koupe; *Health Care Agency, Energy Commission, Minister of Finance, Internal Affairs* partou in ganny koupe. *And I don't get it* Mr Speaker.

E sanmenm sa ki mon pe sey konekte zot rezondet pou koupir anba sa Bidze Siplementer *how it works*. *Internal Affairs* ti vin dan Lasanble, e Minis ti dir nou *we want to cut cost in the police*. Ou *cut cost* lo trezyenm mwan? Ou *cut cost* lo pa anploy dimoun?

This pou mwan i pa fer sans. E mon krwar poudir Lasanble e sa enn Bidze Siplementer ti devret pli reflektiv sityasyon ki pei pe pas ladan. Mr Speaker, mon konnen mon letan pe ale.

MR SPEAKER

15 minit. Mersi.

HON SEBASTIEN PILLAY

Mon pou termin lo sa bout ki la Mr Speaker. Mwan mon krwar i annan en keksoz ki nou bezwen balanse, e sa i konsern desizyon Gouvernman e bann aksyon Gouvernman ozordi.

An tou Mr Speaker, nou bezwen regarde ki kantite larzan ki Gouvernman i pare

pou met a dispozisyon, pou fer lavi dimoun pli fasil. E Lasanble i bezwen pare pou koz dan sa konteks. I bezwen pare pou koz pou sa group dimoun; sa ki'n met nou la ki demande ki nou koz pou zot.

Me sa ki nou, nou pe war Mr Speaker, se ki Gouvernman in vin sitan mon pou dir arogan avek son prop Lezislatif e i deside ki mannyer i anvi fer keksoz. *Without any checks and balance* e zis Lopozisyon ozordi ki pe kapab dir ek Gouvernman tyonbo en kou ou pe al tro lwen.

So, Mr Speaker, its *unacceptable* pou nou war serten keksoz ki pe pase atraver sa Bidze Siplementer. E ki nou pa pe war ki mannyer Gouvernman pe adres bann problemm ki nou pe fer fas avek.

Pri lavi ki kontinyen ogmante, kou bann servis ki kontinyen ogmante. Pti biznes ki pe fermen e bann mezir de zour an zour ki afekte zot. Dimoun ki pe *rely* lo lasistans e bann ki pli vilnerab pe ganny problemm.

La mon fek tande yer en madanm i bezwen al repey *Home Care Agency* R120 ekek mil akoz aparaman i pa'n al lekol ek son garson. Depi kan nou ti tande dan nou pei i annan sa bann keksoz? *I don't know* Mr Speaker.

So pou mwan mon krwar se sa. E an terminan Mr Speaker, mon pou fer en pti komanter lo sa zafer \$4000 mil akoz in ganny met devan Lasanble. Mon ava swete ki sa i ava *the end of it*. Ou konnen -

MR SPEAKER

Non Onorab.

HON SEBASTIEN PILLAY

Mon pa pou fer?

MR SPEAKER

Non.

HON SEBASTIEN PILLAY

Savedir ou pa pou les personn fer ankor?

MR SPEAKER

Non, non, non, non! Mon'n dir nou pa pe pran sa bann size. Mersi pou ou lentervansyon.

HON SEBASTIEN PILLAY

Be mersi, mon ava aret la. *Thank you.*

MR SPEAKER

Onorab Arissol, mon ava apel ou pou fer ou repons lo deba.

HON SANDY ARISSOL

Mersi Mr Speaker. Bonzour tou dimoun. Bonzour bann zanfan ki dan Galeri ek zot ansenyan. Bonzour tou dimoun ki pe

ekout nou espesyalman Lepep Seselwa.

Mr Speaker, mon ti a kontan konmanse par dir pou mwan dir avek mon bann koleg US lot kote, pou zot aret konplent *mistreatment* ki zot gannyen dan Lasanble Nasyonal, ki souvandfwa mon tann zot, zot anvoy lo ou taler pou tenny zot mikro, zot pou ganny met deor.

Mwan anvi dir avek bann zenn ki dan Galeri ozordi ek tou dimoun ki pe ekout nou, letan mon ti dan katriyenn Lasanble anba *speakership* Patrik Herminie nou tretman ti bokou diferan. Ti napa kestyon siplemanter en kantite parey ou donnen ozordi. Kestyon klarifikasiyon ki tou Manm i rode ozordi ti napa bonnavini sa. Kestyon ti fini 10edmi bomaten.

Ozordi ou, ou les kestyon ale ziska 12edmi en ler nou menm pran apre 2er. Ganny mete deor? Wi nou ti ganny met deor par Mr Patrick Herminie; sanses nou ti ganny met deor. Zis nou dir ganny dir, "Out!" Ozordi ou, ou koz ek zot en pe byen

"Arete."

"Silvouple konport ou". Nou, nou pa ti ganny dir sa. Nou ti ganny dir, "Out!"

E ozordi mon kontan letan sa bann menm Manm, ki ti annan en mazorite dan Lasanble Nasyonal zot vini zot konplent, zot gele.

(APPLAUSE)

HON SANDY ARISSOL

Mr Speaker, pou bann zenn avek bann ansenyan ki pe asize dan nou Galeri, mon anvi dir zot en keksoz, letan Lasanble Nasyonal US ti annan zot en mazorite absoli, tou sa bann dokiman ki nou'n gannyen ozordi, pou nou pas ladan, pou zot koz lo la, nou pa ti gannyen sa Mr Speaker. Anba Patrick Herminie konman *speakership* ti napa sa bann letan!

Dan Lasanble Nasyonal Bidze Siplemanter pa ti en topik, pa ti en size. Ti napa teknisyen ki ti vini ganny mete asize bann profesyonnel Seselwa, pou eksplik nou sa ki nou ti anvi. Zis bann Minis, ki ti vin dan Lasanble Nasyonal e zot ti dir nou sa ki zot ti anvi. E nou, nou ti bezwen zis ekoute, asimile, anvale si nou pa kontan nou ti al dan lakour.

Mon anvi bann zenn i konnen sa. Be ozordi i annan en diferans ozordi. Sa diferans ki i annan ozordi, se ki Bidze Siplemanter i vin en size, kot bann Manm Lopozisyon zot

kapab fer tou kalite deklarasyon, fer tou kalite zistwar e dir dimoun sa ki zot anvi. Konpare avek letan Patrick Herminie ti la koman *Speaker* e zot, zot ti annan en mazorite absoli!

Bidze Lasanble Nasyonal ti pas 9er bomaten ti fini 12edmi. Tou bann Manm ti al Moris, ti al tir petar konpare avek ozordi travay ki nou pe fer dan sa Lasanble Nasyonal.

Mr Speaker, sa i bann sanzman ki'n arive dan nou pei anba *LDS* ki zot, zot pa vvar. Ou konnen akoz zot pa vvar? Akoz lekol ki ti annan en pti sanson ki nou ti sante "*Three Blind Mice*." Ou a krwar ozordi sa *three blind mice* la ogmante i nepli *three*. Mr Speaker, be tousala i enportan pou bann dimoun deor swiv e konpran ki pe arive dan nou pei.

Lopozisyon in vini in koz lo *recruitment*. Mon dakor mon osi nou tou nou gannyen nou sa konplent. Mon'n fer mon *interview* mon pa'n gannyen. Personn pa'n ekrir mwan e Minister li i fer en Bidze tou-le-z-an pou li dir i pou anploy tan dimoun. Finalman i pa anploy tan dimoun, be son larzan trezyenm mwan ek sa larzan ki ti'n bidzete i reste la li. Sa osi en lot sanzman Mr Speaker.

Ozordi Gouvernman i dir ek nou kote sa larzan i ete. I dir ek nou sa *savings*. Be lontan nou ti ganny dir oli sa *savings* nou? Nou ti konnen kot ti ale sa bann larzan ki ti reste avan nou? Ki ti arive avek sa bann larzan Mr Speaker? Pou bann zenn ki asiz la anler ek tou dimoun ki pe ekout nou konnen. Ki ti arive avek sa bann larzan? Ti al lav *cheveux*, ti ganny al aste diven kot *Cave a Vins*? Ti ganny tiket Moris lo la? Sa osi i enportan pou listwar pei pou nou konnen.

Mon kontan letan bann Manm *US* i vin dan nou Lasanble Nasyonal, zot koz nou *IMF*. *IMF* nou pa ti ava pe atrap son lanmen si nou \$50 milyon ti la ozordi.

(APPLAUSE)

HON SANDY ARISSOL

Nou pa ti a bezwen atrap son lanmen nou. Nou pa ti pou bezwen atrap son lanmen si milyon pa ti'n perdi Perseverance. Si milyon pa ti'n perdi kot *SBFA*. Si milyon pa ti'n perdi Ile Soleil. Si milyon bann irlande pa ti'n pran nou larzan. Be kekfwa nou pa ti a bezwen pe atrap lanmen bann *IMF* ozordi. Nou ti a kapab donn plis larzan Lepep Seselwa parey

zot kontinyelman dir ek nou Mr Speaker.

Letan nou pe koz travayer. Ozordi sa ki Gouvernman *LDS* i kapab fer konman en Gouvernman popilis zis pou li ganny eleksyon 2025, nou ti kapab vini dir avek Gouverner Labank Santral, gete ki kalite rezerv nou annan. Gete ki kalite larzan nou annan, donn tou Seselwa sakenn R1 milyon tou le mwan. Aret fer lakaz, pa fer semen, aret pey dokter avek ners, aret pey ansenyan. Dir tou dimoun desann kot *Welfare* pran sakenn en gro tyek.

Nou ti pou kapab fer sa nou Mr Speaker, zis pou nou *win* eleksyon 2025. Sanmenm sa ki *US* in fer zot. Zot in anmenn nou pei lo son zenou. Ozordi sa Gouvernman ki'n vini, i bezwen fer sir tou sou, tou larzan Lepep Seselwa i ganny *accountable for*.

E ozordi zot in ganny topik pou koz lo la *recruitment* napa, *savings* parski sa Gouvernman li i fer sir tou larzan kit larzan, e fer sir tou larzan i *accountable*. Nou ti kapab fer sa nou. Be nou nou'n dir avek Seselwa non. Ou pou bezwen leve, travay, al debourye.

Mr Speaker, sa zafer dimoun pa ganny asiste kot *Welfare* la, mansonz, mansonz, e ankor mansonz. Dimoun i

ankor kontinyelman pe ganny asiste kot *Welfare*.

Lekel dimoun ki ganny asiste? Dimoun ki bezwen ganny asiste. Ou pa kapab annan en *savings* R150 mil lo ou kont, selman ou pe rod lasistans. Granmoun ti dir ek nou ler ou fer en pti *savings* lafen dimwan, ou dan ou letan dir. Ou pa kapab anmas ou *savings* selman ou anvi enn ou vwazen, enn ou frer donn ou en pti larzan pou ou voyaze, pou al aste fos *cheveux*, fos zong, fos sousi *Dubai*.

Non! Mr Speaker, nou Sesel i bezwen vin responsab. Ou pti larzan *savings* ki ou kit de kote, i pou ou lasante parey nou granmoun ti dir avek nou. Sa larealite lavi ozordi e nou bezwen fran avek sa pep onnet avek zot. Annou aret zwe popilis zis pou nou ganny vot parey nou'n ganny dir.

Mr Speaker, i enportan letan nou pe koz lo larzan. Nou pe koz lo pei, fodre pa nou, nou fer menm fot ki ti ganny arive dan lepase. Fodre tou keksoz i mars byen. Mon kontan letan bann Manm in koz an relasyon avek distrik. Nou pe fer vizit i annan en keksoz ki nou'n realize. Dan distrik i annan en parol dan Lasanble Nasional i annan en parol.

Ler ou pas dan bann distrik *US*. Dimoun i dir ek ou *MNA* i dir i pa kapab fer nanryen, pa li ki dan Gouvernman, i pa tro konnen ki pe arive. Me par kont ler zot vin dan Lasanble Nasyonal, zot tap lanmen lo latab, zot fer krwar zot demann kestyon me distrik i ganny neglize.

Mr Speaker, sa osi i enportan pou nou analiz byen letan nou pe get bann Bidze ki pe vini. Tou le lannen tou distrik i ganny bann Bidze pou bann pti proze distrik. E nou konman bann *MNAs* nou ganny dir asize avek nou *DA*, pou nou senpleman ganny bann proze konkret ki nou anvi dan nou distrik.

Tou *MNAs*, tou *DAs* i ganny fer sa. Ki ou *SPPF*, ki ou *US*, *LDS* osi nou ganny fer parey. Lo proze *Vulnerable Repair Schemes*, bann *DAs* ek *MNA*, mon annan en mesaz ki mon'n gannyen ler Onorab Lemiel ti pe koz lo la yer. Kot Minis ti anvoy tou bann *Das*, pou dir avek zot fer sir zot met zot *MNA* asize. Koz ek zot an relasyon avek *vulnerable houses*. Asiz ansanm, pran desizyon ansanm e diskite e fer sir zot dir li konman Minis si sa in ganny fer.

Mon war drol Onorab Lemiel in lez sa size yer. Sa i

montre poudir i annan dekoneksyon lo kote distrik, swa *MNA* swa *DA*.

Mwan mon *DA* Tahiri Laurencine, i met mwan asize li. E i dir ek mwan ki zour in al vizit sa bann dimoun. In dir ek mwan non lekel sa bann dimoun ki nou bezwen asiste Mr Speaker, parske dan distrik Bel Ombre i annan travay ki pe ganny fer. E pou sa mon bezwen felisit Lotorite Distrik Bel Ombre pou sa travay ki'n ganny fer.

Vandredi pase Mr Speaker, Vandredi pase sa ki nou'n fer Bel Ombre, nou'n al vizit bann proze semen avek Oswald ki responsab *Land Transport*, pou nou kapab idantifye. Par egzanp ler nou vizit Le Niole. Le Niole i annan en pe letan pa'n zanmen ganny en re sirfas semen depi kot Raj ziska *bus terminal*.

Nou pe rode ki mannyer nou kapab donn zot 2 *bus shelter* Le Niole, parske lapli, loraz, zekler zot esper zot bis dan soley, dan lapli. E sa enn ki'n konmanse avek tou permision neseser, i ava kapab kontinyen. Pou nou rode ki mannyer nou tir sa nennen ki dan kontour, letan nou pe mont anler Dan Gala, pou ki bann transpor i kapab deservi sa semen byen.

Bann *bin site proper, resurfacing* Semen Khashoggi ki'n egziste pandan plizyer lannen, e en *proper bin site* pou zot, parske ler kanmiyon salte i vini partou i bloke. La ozordi nou pe ganny bann prive.

Mon annan Mr Siva Pillay ki parey pou *sponsor Board* ki dekrir bann *zone* dan distrik, Mr Speaker. Nou'n donn flat Delo Ladal. Mr Speaker, kot nou'n asiste 16 fanmir.

La vandredi pase nou'n donn flat ankor 6 *unit* kot nou'n asiste 6 fanmir, Mr Speaker, eski tousala pa bann proze ki Gouvernman pe fer? Eski napa nanryen konkret ki pe ganny arive? Lekel ki benefisyé avek sa bann proze Mr Speaker?

Letan nasionalman mon anvi pas lo la pou tou dimoun tande, e pou bann zenn ki asiz la anler. Letan *US* i vini i dir ek nou napa nanryen. Mr Speaker, pa blyie nou ti zwenn pei avek *COVID* e nou ti zwenn pei avek en kof vid.

Mr Speaker, letan travayer in ganny logmantasyon 10poursan lo son saler. Letan tou bann dimoun bann travay lotel ankor pe ganny *service charge*. Mr Speaker, zot anmenn detrwa R1000 an plis dan lakour. Letan tou Seselwa pe ganny en trezyenm mwan saler baze lo performans. Pa

baze lo kale, pa vin travay dormi dan lakour. Baze lo performans konpare avek sa ki *US* ti pe propoze.

Zot blyie ziska ozordi tou zanfan i ankor pe al lekol e pe ganny en koute ek en dezennen gratwitman, san peye. Tousala i annan ozordi. Zot, zot ti sey fer politik *sticker* lo goute. Apre zot ti annan leskiz transpor. Zot pa ti fini anmennen.

Zot blyie ki tou dimoun ki tous lapey mwens ki R8500 ti ganny R300 rediksyon lo son bil elektrisite. Tou pansyoner ti ganny 500 lo zot larzan sekirite sosyal Mr Speaker, enkli bann *carer*.

Zot oubliye ki *STC* ti entrodwir *RRP, MRP* pou protez konsonmater. Pou ki dimoun ki travay dan prive enkli dan Gouvernman i benefisyé avek en *STC*. Letan larzan *Welfare* in ogmante e ki pou al ogmant ankor la byento, pou annan lanons.

Letan bann group etidyan i kontinyen kit pei. Mr Speaker, pou zot al etidye. La merkredi pase mon annan fiy Monica dan mon distrik Stana Marie ki'n al Langlet pou li al etidye.

Eski Gouvernman pa pe kontinyen donn larzan pou soutenir nou pep pou zot la liniversite deor? E menm zot larzan i ganny ogmante? Eski

nou Seselwa in arete ganny tretman aletranze e i mor dan son lili dan lakour?

Non, Mr Speaker, tou le semenn, tou le mwan, tou le lannen nou Seselwa i kontinyen ganny avoye aletranze pou son tretman. Malgre nou sityasyon ekonomik. Malgre en pti gin larzan ki nou annan, nou pe fer sir Mr Speaker, partaz li byen.

Lekol NIHSS in ouver. Nouvo lopital St. Mary's La Digue in ouver. Nouvo kordgard dan bann distrik i reouver. Letan libreri nasyonal i ganny renouvre reouver, Mr Speaker.

Letan proze lakaz i kontinyen e i ganny fer. Semen i ganny elarzi, lalimyer i ganny mete lo semen. Letan bann zenn ki ti pe ganny peze dan URS, ozordi zot in ganny mete dan en lanplwa permanan, pou li kapab asiste son lekor enkli son fanmir Mr Speaker.

(APPLAUSE)

HON SANDY ARISSOL

Zot be Seselwa pa vvar sa? Lopozisyon pa vvar sa? Be lekel ki pe ganny asiste ek tou sa lasistans Mr Speaker, pa Seselwa?

Be mon anvi fini lo sa pwen. Mr Speaker, mon anvi fini kot Onorab Lemiel ti fini yer. An vi ki Onorab Lemiel ti koz dan

Semen Lafous anler Anse Royale, e ti mansyonn lafanmir Kilindo. Mr Speaker, mon anvi *remind* tou dimoun ki pe ekoute enkli bann zenn ki anler dan Galeri, enkli tou dimoun isi dan Lasanble Nasyonal.

Mon anvi *remind* Lepep Seselwa poudir eleksyon 2020, Onorab Prezidan Ramkalawan ti ganny 1505 vot *LDS* Anse Royale. Onorab Lemiel ti ganny 1484 savedir Onorab Ramkalawan ti *win* Anse Royale li dernyen eleksyon. Savedir sa Semen Lafous ki Onorab Lemiel in koz lo la,

Mr Speaker, Prezidan Ramkalawan lontan i konnen sa li, parske depi avan Onorab Lemiel i vin *MNA*, avan i ti *DA*, Onorab Ramkalawan ti pe fer kanpanny tou sa bann lannen. Pou plis ki 25an in fer kanpanny dan Sesel.

Me sa ki enteresan avek sa, Semen Lafous ki nou'n tann mansyonnen; Semen *Grand Rivière* ki nou'n tann mansyonnen tousala ti bann kanpanny eleksyon *SPPF*.

En bann proze semen –

(Off-Mic)

HON SANDY ARISSOL

... (ou ti koze ou les mwan koze Onorab) en bann proze semen ki ti ganny promes Mr Speaker,

ki zanmen in akonplir dan listwar *SPPF*. La ozordi Onorab Lemiel i vin dan sa menm Lasanble e i dir ek nou i pe rod semen pou sa bann fanmir. Be li i ti ganny eleksyon lo sa bann semen. I ti promet zot.

Me sa ki enteresan Mr Speaker, mon ava dir ou, nou Prezidan avek nou ladministrasyon - mon'n al fer resers yer swar apre sa, parske zisteman pou mwan osi siport bann dimoun Anse Royale, parey mon siport dimoun Bel Ombre.

Me sa ki enportan nou bezwen osi siport Bidze. Nou bezwen vote lo Bidze nou pou ganny larzan pou nou enplimant sa bann proze. Semen Lafous en sonm 3 milyon pou ganny mete dan Bidze 2024 pou fer sa semen. E i posib ki sa semen i kapab konmanse a lafen sa lannen menm.

Gouvernman pe regard posibilite, pou fer Semen Lafous zwenn avek Semenn Cap Bonm Zan. En semenn ki *SPPF* pa ti kapab fer. Nou, nou pou al fer pou zot!

(APPLAUSE)

HON SANDY ARISSOL

Dezyenmman, letan *MNA* pa kapab akonplir son rev

eleksyon. Semen Naiken i deza lo *tender* e pou ganny fer an 2 faz. Premye faz ki lo *tender* pou ganny antreprann par Minis Gouvernman Lokal sa lannen, e pou kout environ R500 mil.

Trwazyenmman Mr Speaker, ou konnen konbyen lannen sa bann semen? Ou konnen konbyen lannen sa bann semen?

Trwazyenmman, Prezidan enkli nou in fatige.

(comments off-mic)

HON SANDY ARISSOL

(Mr Speaker mon ti ekout zot mwan)

MR SPEAKER

Wi. Ale, terminen Onorab. Mersi.

HON SANDY ARISSOL

Mon pe terminen, zot pe *disturb* mwan. Mwan mon'n konsilte ek mon Gouvernman. Mon Gouvernman ki o pouvwar pa Ali Ali mon Gouvernman ki o pouvwar.

(APPLAUSE)

HON SANDY ARISSOL

Trwazyenmman Mr Speaker, trwazyenmman, nou'n fatige tande sa bann promes. Alors mon'n koz ek Gouvernman

Semen *Grand Riviere*. Semen *Grand Riviere* li lontan mon'n tann Onorab Lemiel pe koz lo la e mwan a souvandfwa mon'n siport lo Semen *Grand Riviere* wi.

Semen *Grand Rivière* ti en donasyon ki ti pou ganny fer *Indian Grant* li. Alor Gouvernman i santi poudir bann dimoun pe tro konplent Semen *Grand Rivière*, Gouvernman pou met a dispozisyon pou ki i ava ganny en larzan lannen prosen, pou kapab zwenn avek Parson Jean, pou ki sa semen i ava konplete, pou asiste bann dimoun ki reste ladan.

Mr Speaker, tousala letan nou konsilte, nou rod lenformasyon, nou rode ki mannyer nou konman Manm Lasanble, nou kapab asiste nou dimoun atraver bann larzan ki ganny propoze; larzan ki vin dan Bidze e atraver nou komunikasyon, e nou travay ki nou fer konman bann Manm Lasanble Nasyonal.

Nou lo nou kote nou pa zis kritik zot nou. Nou siport zot, zis parey mon pou siport bann proze Anse Royale, ki ava ganny bidzete; parey mon pou sirtou tou distrik, ki ava ganny bidzete dan Bidze ki Gouvernman pou anmennen komansman Novanm.

Pou ki tou proze i ava kapab swa konmanse, swa konplete lannen prosen, parey bann proze dan distrik Bel Ombre, pou ki nou tou nou ava kontan. zis parey mon konnen Onorab Uranie i kontan La Digue pou son zoli proze ki Gouvernman in donn li.

Mr Speaker, ankor enn fwa konman loter sa Mosyon. Mon ava demann tou Manm pou montre sipor an relasyon avek sa Bidze Siplementer ki mon'n met lo latab, pou ki nou konman bann Manm Lasanble, nou ava kapab akonplir serten proze dan nou distrik ki'n konmanse ki pa ankor fini.

An menm tan pou nou montre sipor avek Gouvernman avek Bidze ki ava propoze byento, pou nou kapab asize ansanm, pou nou vwar ki mannyer nou kapab ed dimoun dan distrik, ed nou kominote, ed pei bouz de lavan.

Parske pa blye sa bann proze pa pou nou personnelman. Nou, nou travay pou Lepep Seselwa. Ki nou dan Gouvernman, ki nou lo kote Lopozisyon e nou fer li avek lanmour dan pozitivite pou nou distrik. Avek sa detrwa mo mon ti a kontan remersye ou Mr Speaker.

(APPLAUSE)

MR SPEAKER

Mersi. Mon ava apel bann Manm pou vot lo Mosyon. Manm ki an faver lev lanmen silvouple. Manm ki kont?

Lo Mosyon pou aprouv en Bidze Siplementer R275,506,848.63 pou lannen 2023 ki devan Lasanble 18 Manm in vot pour, 0 kont e 8 abstansyon. Mosyon in aprouve lo sa Bidze Siplementer.

(APPLAUSE)

MR SPEAKER

Mersi. Nou a pran poz e nou a repran travay 11er.

(BREAK)

MR SPEAKER

Nou pe kontinyen avek en *Bill. Public Utilities Corporation (Amendment) Bill, 2023*. Mon a demann madanm rapporter pou apel Minis e son delegasyon.

Bonzour Minis pou Lagrikiltir Sanzman Klima e Lanvironnman Flavien Joubert. E bonzour egalman Mr Joel Valmont *CEO PUC*. Ms Doreen Bradburn *Deputy CEO PUC*. Ms Vania Marimba *Assistant Legal Draftsperson* dan *AG's Office*. E byenveni zot tou pou partisipasyon dan sa *Bill*.

Nou a pran Mosyon pou *Second Reading*. Onorab Arissol.

HON SANDY ARISSOL

Mersi Mr Speaker. Bonzour Minis avek ou lekip. Mr Speaker, anba *Order 69(2)* mon le move ki *Bill Public Utilities Corporation (Amendment) Bill, 2023* i ganny lir en Dezyenm Fwa. Mersi.

MR SPEAKER

Mersi. Mon ava ganny segonnman? Onorab Esparon?

MR SPEAKER

Mr Speaker, mon segonn Mosyon pou ki the *Public Utilities Corporation (Amendment) Bill, 2023* i ganny lir en Dezyenm Fwa.

MR SPEAKER

Mersi. Mosyon in ganny seconde. Minis, mon apel ou pou prezant *Bill* avek Lasanble.

MINISTER

FLAVIEN JOUBERT

Mersi Mr Speaker. Bonzour bann Manm Lasanble Nasyonal e osi bonzour bann dimoun ki pe ekoute ozordi bomaten.

Mr Speaker, ozordi nou vin devan Lasanble avek Sef Egzekitiv *PUC* ek son Depite. E osi reprezantan Biro Atorni

Zeneral pou prezant en Prozedlwa apele *PUC Public Utilities Corporation (Amendment) Bill, 2023.*

Sa *Bill* pe propoz lamannman dan Lalwa *PUC Act (Cap. 196)* ki ti etablis e gid zeson *PUC* depi 1986 e apre ganny amande an 2010. Lentansyon sa lamannman se pou,

- 1) Met *PUC* annakor avek bann novo lareg etablis pou diriz bann lantrepriz piblik e
- 2) Siport bann mezir ki pe ganny met an plas pou asir meyer zeson sa konpannyen par son *Board*.

Sa lamannman i swiv piblikasyon novo Lalwa pou bann lantrepriz piblik - *Public Enterprise Act* ki ti antre an fors an Me 2023. Plis spesifikman seksyon 58 sa Lalwa, i demande ki konsey administrasyon ouswa *Board* en lantrepriz parey *PUC*, i merit ganny konpoze par 9 personn en *Chairman*, en *Vis Chairman*, en reprezantan Minister Finans, reprezantan Minister ki annan responsabilite pou sa lantrepriz e en *minimum* 5 manm ordiner.

Se dan konteks sa bann novo lobligasyon anba Lalwa ki sa propozisyon lamannman pe ganny propoze.

Sa lamannman alor pe adres de bout spesifik dan Lalwa. Premye, se aliny konpozisyon *Board PUC* avek provizyon Lalwa *Public Enterprise 2023.*

Pou fer sa nou pe propoze pou ogmant nonm personn lo *Board* sorti 7 pou vin 9. Atraversa, nou osi ekspekte ki *PUC* i ava kapab enkli plis dimoun avek sa nivo lekspertiz ki a kapab kontribye lo bann deliberasyon, e desizyon ki *Board* ek son bann sou komite i fer.

Dezyenm lamannman i en azisteman ki vin neseser, avek sanzman dan lakantite manm lo *Board*.

An konsekans sa logmantasyon, i alor neseser pou aziste *minimum* nonm dimoun ki pou form en *quorum*, pou okenn *meeting*. Sa *Bill* i propoze ki en *quorum* i aprezan vin 6 manm konpare avek 3 ki ti leka avan. Sa i ava asire ki desizyon pran par sa *Board* i reste efektiv e reprezantatif, an akordans avek Lalwa *Public Enterprise*.

Sa lamannman ki nou pe met devan Lasanble ozordi, nou ekspekte i ava ede ranforsi gouvernans dan *PUC*, atraver en *Board* pli elarzi e konpetan. E fer ki son fonksyonnan i vin annakor avek Lalwa ki diriz

bann lantrepriz piblik Sesel.
Mersi Mr Speaker.

MR SPEAKER

Mersi Minis pou ou prezantasyon. Nou a ouver deba pou lasal lo sa *Bill*. Manm ki oule entervenir? Onorab Andre.

HON CLIFFORD ANDRE

Mersi Mr Speaker. Bonzour Minis avek ou delegasyon. Bonzour tou dimoun ki a lekout. Mr Speaker, rezondet sa Lalwa ganny anmennen, i enn ki neseser e fantastik, akoz i pe met Lalwa *PUC* an perspektiv parey i devret ete. Prenon kont konsiderasyon ki annan bann divizyon, ant regilasyon e laplikasyon oubyen lenplimantasyon bann striktir, bann prosedir ki annan pou fer avek sa litilite.

Mr Speaker, me par kont letan nou get seksyon 58 parey Minis in les nou konnen, *Public Enterprise Act* i kler lo lafason en *Board* i merit ganny konstitye e ki bann dimoun, bann pozisyon ki devret la.

Letan nou pe get sa lamannman, sa lamannman in senpleman tir dan lamannman 2010 ki ti ganny propoze. E mon ti a kontan kekfwa Minis i konsider sa dan son repons. Letan nou pe gete lamannman

ki ti fer an 2010 i dir *the Corporation shall be administered by a Board consisting not less than 5 not more than 7 members appointed by the President, by notice published in the Official Gazette. President shall appoint – 2. I dir ou President shall appoint one of the members of the Chairperson of the Board.*

Par kont Mr Speaker, letan nou get seksyon 58 ki fek pran lefe sa lannen i kler. I dir ou,

"the Board of Directors of every Public Enterprise shall consist of a Chairperson, Vice Chairperson, one Representative nominated from the Ministry of Finance. One Representative or nominee from the parent ministry and not less than 5 and not more than 7 persons shall be nonexecutive directors."

Ki mon pe sey dir Mr Speaker, se kekfwa pou nou vwar ki mannyer nou kapab fer sa seksyon annan son *proper relevance* dan sa lamannman. Letan nou ariv dan komite, mon mazinen nou ava kapab gete ki mannyer nou fer sa e mon ava fer serten *proposal* letan nou ariv laba. Akoz pou fer li pli kler Mr Speaker.

Ozordi i kekfwa i kapab kler pou bann antite ki pe *deal*

ek sa, tel ki *PUC* oubyen Minister ki responsab. Me selman kekfwa si en dimoun i get sa, i pou vwar kekfwa i pa tro sir ki mannyer sa konteks.

Akoz ladan i dir ou zis en *chairperson*. Dan sa lamannman ki fer zis en *chairperson*.

Par kont i dir ou tou *Board* dan *Public Enterprise Act* i dir ou, tou "*Board shall*" son mandatwar i *consist of a Chairperson, Vice Chairperson* ensidswit.

So kekfwa nou devret *transcribe* sa, oubyen rod en fason ki mannyer nou kapab met sa pou li reflekte sa ki lespri *Public Enterprise Act* i fer. Sa mon ti a kontan kekfwa Minis i konsidere, oubyen i donn mwan en repons letan i pe reponn.

Dezyenmman, sorti 3 pou vin 6, i neseser akoz ou pa kapab annan en *Board* ki ase gran, me selman son *quorum* pou en *meeting* i reste ptipti. Savedir i fer ki minorite ki deside si par kont lezot pa kapab *attend* sa *meeting* sa zour.

So avek sa de pti mo Mr Speaker, mwan mon ti a kontan donn Minis mon lasirans, ki mon pou vote, pou sa lamannman, akoz mon *believe* ki letan lekonomi i a en nivo ki pa permet annan kantite manm

lo *Board*, nou bezwen vwar ki mannyer nou restrikte sa.

Me letan sa loportinite i permet e *PUC* i annan en kantite fonksyon ki i fer e ki i bezwen fer. Alors i pou definitivman bezwen en pe plis lekspertiz ki pou fer li perform son fonksyon alaoter parey nou, nou anvi fer e nou, nou espekte de li.

Avek sa de mo Mr Speaker, mon ti a kontan remersye ou. Mersi.

MR SPEAKER

Mersi Onorab. Sa *Bill* i en *Bill* tre kourt, avek en size ladan vreman. Donk mon apel bann Manm pou nou reste lo sa size, koumsa nou kapab prosed *efficiently* avek sa *Bill*. Onorab Cosgrow ou annan laparol.

HON WALLACE COSGROW

Mersi Mr Speaker. Bonzour Minis avek *panel*. Bonzour tou Manm. Bonzour tou dimoun ki pe ekout nou ozordi bomaten.

Mr Speaker, parey ou'n dir, sa *Bill* i enn ki tre kourt pe sibstans ladan pou analize dan sa *Bill* li menm. Me i annan keksoz pli profon ki si ou asize ou analize, pou annan en kantite keksoz pou dir lo la Mr Speaker.

Me selman mon pou konmans mon lentervansyon

par fer en pti analiz Mr Speaker, lo leta en pti pe pa leta Lezislatif. Me lafason ki nou pe tret bann diferan Lalwa ozordi dan Sesel.

Mon krwar i enportan nou fer sa pou nou sitye pep Seselwa, fer pep Seselwa konpran ki mannyer keksoz i ete ozordi, an se ki konsern pas Lalwa dan Sesel. Souvandfwa Mr Speaker, or mazorite letan pandan sa setyenm Lasanble, nou'n war ki poudir nenport ki Lalwa ki Gouvernman i anmenn dan Lasanble Nasyonal.

Akoz sa gran mazorite ki Lepep Seselwa in donn lot kote laba, tou Lalwa i finalman pase, malgre i annan serten rezervasyon ki nou devret pe leve lo sa bann Lalwa. Me finalman bann Lalwa bann Lalwa i pase.

Boner nou'n war Mr Speaker, kot in annan en Mosyon lo *supplementary budget*. Nou'n war lot kote latab in lev lanmen, menm si in annan serten konsern ki nou lo kote sa latab, kote Lopozisyon nou'n leve. Menm si i annan serten konsern ozordi ki pe ganny eksprimen parmi nou popilasyon. Me malerezman or mon pa konnen si ou pou dir malerezman, me lot kote laba zot kontinyen siorte.

Be ki mon oule fer sorti bomaten Mr Speaker, i enportan pou pep Seselwa konpran ki poudir nou lo kote sa latab la, nou pou fer sorti bann pwen ki relevan, ki montre serten defayans, serten inabilite, ouswa menm serten problemm avek Polisi e lafason ki Gouvernman dizour i operate.

E parey ou'n dir Mr Speaker, sa *Bill* i tre senp – tre senp i annan zis de propozisyon lamannman. Enn i an se ki konsern lakantite manm lo *Board*. E dezyenm an se ki konsern *quorum* savedir ki kantite dimoun ki bezwen prezan dan en *meeting*, pou sa *meeting* kapab fonksyonnen, pou sa *meeting* kapab pran plas. So i de lamannman tre senp.

Be parey mon'n dir, sa ki pli enteresan se ki sa i al pli profon. I al oli profon ki sa e mon pou eksplike akoz i al pli profon.

Mr Speaker, an 2021 Gouvernman, Prezidan li menm, ti fer en pake deklarasyon an se ki konsern *Board of Directors* ki swa pou bann *agencies*, bann lazans Gouvernman ki depandan lo Bidze Gouvernman, ouswa bann *Public Enterprises* tel konman *PUC*. E ti annan en

pake deklarasyon ki ti ganny fer.

Prezidan li menm ti dir tro bokou *Board* bezwen koup *Board* isi, koup *Board* laba, redwir lakantite dimoun. Ti annan en lepok menm – sa letan nou ti dan letan COVID menm ti pe konmans koz lo bann dimoun ki vin travay lo *Board*, ki vin donn en koudmen bezwen fer li *free*. Pa kapab ganny peye. Napa ki pa ti ganny dir lo *Board of Directors*.

E sa bann letan bokou dimoun ti pe bat lanmen ba, ba, bat lanmen byen kontan. Sa ti en direksyon Polisi ki Prezidan ti'n met deor sa letan. Me avek letan - avek letan ki'n ale Mr Speaker, nou'n war ki sa in ganny si oule swa pa pe enplimante, ouswa in ganny neglize - preski dir neglize.

Petet sa bann *statement* ti ganny fer o konmansman dan serten linyorans gouvernans, dan lafason ki keksoz devret ganny gouvernen, or petet ti bann *statement* ki ti ganny fer zis pou rod satisfaksyon piblik.

Fer piblik kontan nou'n vini, nou pe koup isi, nou pe koup laba, nou pe aranze. Nou pe fer isi. Nou pe fer laba.

Akoz mon dir sa Mr Speaker? Mon dir sa akoz le 31 Me *Public Enterprise Commission* - sorry the *Public*

Enterprise Act ti vin operasyonnel. E *Public Enterprise Act* li parey in ganny fer resorti, i sa Lalwa ki gid ki mannyer bann ki set up *Public Enterprise Monitoring Commission*. Me solman ki osi gid dan sa Lalwa ki mannyer bann *Public Enterprises* i operate.

E dan sa Lalwa Mr Speaker, seksyon 58 parey in ganny mansyonnen, i koz lo konpozisyon bann *Board*, i koz lo konpozisyon bann *Board*. Now si nou pran sa bann *statement* ki ti ganny fer an 2021, an se ki konsern bann *Board of Directors* - bann *Board of Directors* pou bann lazans e osi bann *Public Enterprises*, nou pou war ki sa bann *statement* pa anliny avek Lalwa, ki lot kote latab in lev lanmen pou vote.

Mon'n konmans mon lentervansyon pou mwan dir, tou sa ki Gouvernman i anmenn devan sa Lasanble, regardless lot kote latab i vote, e i dir ou tou keksoz i bon. Me solman ti annan en dekoneksyon - si nou swiv byen - ti annan en dekoneksyon ant en *statement* ki sipoze vin en Polisi, zot Gouvernman avek laplikasyon sa Polisi dan en Lalwa, ki zot Gouvernman i anmennen an Me. Konpletman

dekonekte, konpletman dekonekte Mr Speaker.

Public Enterprise monitoring kontrer, i organize i dir nou bezwen met ou bann *Board*, ou bezwen fer sir sa i la! Ou bezwen *increase* kantite Manm lo *Board* e *PUC* prezan i donn lefe sa Lalwa dan son prop Lalwa. *PUC* i bezwen fer li, akoz sansan i pou an defo avek *Public Enterprise Monitoring Commission*.

E 61(1)(d) dan sa Lalwa *Public Enterprise Act*, i dir, i gide kan mannyer bann *Board* i fonksyonnen; fonksyon bann *Board*. E ladan ler nou ti pe fer diskisyon avek *Bills Committee*, *CEO* ti eksplike ki poudir zot annan bann komite ki zot bezwen osi met an plas, akoz sa Lalwa i si oule dan en fason egziz zot, pou zot annan bann *Committees* pou zot kapab fer travay gouvernans lo sa bann *Board* pli efikas, pli transparan.

So, i osi i pran sa i fer lefe dan son Lalwa e si ozordi sa i pase, sa Lalwa pou annakor avek *Public Enterprise Act*. Be le pwen ki enportan Mr Speaker, le pwen ki enportan e ki letan tou kou nou fer resorti isi dan sa Lasanble, malgre zot pa kontan fer resorti, sa Gouvernman dizour ozordi, zot annan en problemm avek Polisi. Zot pa kler lo zot bann Polisi e

zot pa kler ki mannyer pou bouz keksoz annavan.

Zot kontinyen trouv an ron. Zot kontinyen mars an aryer parey kanmaron - nou pou dir kantmenm zot pa kontan, e zot kontinyen *go back* lo zot bann *statement*. Now petet sa bann *statement* ti ganny fer naiyte. Petet sa bann *statement* ti ganny fer dan linyorans gouvernans parey mon dir, ti zis pe fer popilasyon kontan. Nou'n vini nou pe fer sa, nou pe koupe, nou pe lot, kan an realite pep Seselwa sa bann zafer pa pe marse.

E zot in realize ozordi, ki poudir gouvern en pei i bokou plis ki sa ta parol ki zot ti dir avan 2020 e apre ler zot in o pouvwar 2020. Zot in realize Mr Speaker, ki poudir dan pei, dan gouvernans i annan serten prensip, serten Polisi prensip ki ou bezwen swiv. E ki ou pa kapab kas kontour!

Ou pa kapab zis dir en keksoz ozordi, apre demen bomaten ou fer lot keksoz. Ou pa kapab akoz keksoz pa pou marse. E se sa ki nou pe war ozordi Mr Speaker. Dan bokou lenstans dan pei kot keksoz pa pe marse, akoz parey mon'n dir yer, keksoz pa fonde lo bon Polisi. Keksoz i ganny fer lo parol en dimoun ouswa lot,

apre nou bezwen retournen, retourn an ron.

So, Mr Speaker, mwan mon sel pledwari ki mon kapab fer, mon kapab pled ek pep Seselwa pou ekout nou ler nou koze. Malgre mon konnen lot kote latab pou lev lanmen e zot pou vote.

Malgre i annan *issues* me nou sa ki nou, nou kapab fer se *point out* fer resorti tou bann keksoz ki nou, nou santi pa byen dan bann keksoz ki vin devan Lasanble.

Nou bezwen fer sorti. I nou louvraz. I nou *duty* pou nou fer sorti sa bann keksoz e menm si Lalwa demen bomaten i ganny vote, i ganny aprouve, me omwen nou nou'n fer sorti serten keksoz, serten defayans. E ki demen bomaten ler sa bann zafer pa marse, nou bezwen kapab vini dir, "be gete, nou ti dir sa nou me zot pa'n ekoute. Zot in deside fer li parey zot anvi e la, la problem."

E ladan *Public Enterprise Act* in al kont Polisi or direktiv ki ti ganny donnen. E ozordi nou war poudir *PUC* i bezwen re aziste son lekor pa ki i an mal. Pa ki *PUC* i an mal. *PUC* napa problemm ladan, me i montre sa dekoneksyon ant Polisi avek lenplimantasyon Polisi dan Lalwa.

So avek sa Mr Speaker, mon pou aret la, me solman mon anvi fer resorti. Mon anvi ki pep Seselwa i konpran ki poudir, parfwa nou antre dan fon dan sa bann Lalwa, pa akoz nou anvi koze, ouswa nou malis, nou pa anvi Lalwa pase.

Me nou anvi fer resorti bann landrwa kot i annan defayans. E kot nou anvi Gouvernman i ekoute, i tande e ki zot pa tourn ek keksoz apre fer letour, vir an ron, tourn an aryer parey nou war zot pe fer avek bokou sityasyon, bokou bann ka ozordi. Avek sa Mr Speaker mon a remersi ou.

MR SPEAKER

Mersi Onorab. Onorab Michel Roucou.

HON MICHEL ROUCOU

Mersi Mr Speaker. Bonzour Minis, CEOs ek ou lekip ki la. Mr Speaker, annefe mon pa en Manm lo *Bills Committee*, be selman mon santi ki mon kapab partisip en pti pe dan sa *Bills* ki'n ganny anmennen la kot nou Lasanble.

Bokou dimoun i konnen poudir *PUC* i en lakonpannyen ki vreman enportan, akoz zot pe donn bann servis ki deservi lakominote antye lo Mahe, Praslin, La Digue. E i enn parmi bann - ou kapab dir - bann

departman ki souvandfwa si i annan en problem, ou tann mazorite dimoun pe kriy lasasen.

Si ou kouran i coupe, i en problem pou nou. Si napa delo i en lot problem. E osi *PUC* i pe osi *manage* bann sistenm *sewage* ki annan otour pei.

Mr Speaker, mon'n pran sa *Bill* akoz mon santi i enportan ki mon konnen poudir sa *Bill* i pa en gro *Bill*. E Minis in eksplik nou en pti pe, akoz ki zot in santi ki zot bezwen anmenn sa *Bill* kot nou Lasanble.

E premyerman in dir nou poudir pou met azour avek Lalwa ki deza la, pou fer sir poudir *Board* li menm li, i mont lo sa kantite *Board members* ki ou kapab dir pe dir dan Lalwa.

E mwan mon santi pou nou bann dimoun ki deor, petet taler ler Minis i a donn son larepons. I a kapab donn en pti pe plis detay, akoz ti annan 7 manm e pe mont ankor 2 manm la. E Minis in dir poudir zot war ki poudir i annan en nesesite, kot zot bezwen plis bann manm ki annan ekspertiz dan sa domenn, ki annan pou fer avek *PUC*.

E petet Minis si i kapab dir nou, ki bann kalite lekspertiz akoz mon konnen mon pe sey en pti pe lo *website PUC* la, pou

get en pti pe lekel bann manm ki deza la. Ki bann lekspertiz zot annan e dir nou ki bann lekspertiz ki zot panse poudir, zot war poudir zot pou bezwen egzakteman lo *Board*.

Si bann manm ki deza la, bann manm ki deza la, si zot, zot war poudir se ki i annan serten desizyon lo serten nivo. Ki zot war poudir zot bezwen ankor bann larestan dimoun, ki sorti dan bann larestan departman.

Akoz nou konnen poudir, konmela avek evolisyon, i annan bokou bann lezot keksoz ki pe vini. Parey konmela nou pe koz lo lenerzi, ki ou war poudir souvandfwa Gouvernman pe met bokou lanfaz lo la.

E osi Minis, si ou kapab dir avek nou poudir se ki dan bann prezans ki ler *Board* i zwenn, si tou bann manm i fer sir poudir zot prezans la, ouswa si avek sa 2 manm ki zot pou aprezan elekte la, si petet i pou ede ki petet ler i annan bann letan kot petet *Board* pe zwenn, ki sa i a fer li en pti pe pli fasil, pou fer sir poudir si i annan bann *meeting* ki ganny *call irzan*.

E si petet i annan enn ki petet in pri dan serten akoz nou konnen poudir mazorite bann manm zot anploye, zot annan

en landrwa travay li menm li ki zot travay.

E osi ki mannyer sa *Board* pou ede, akoz nou konnen poudir ozordi avek la kantite delo, la kantite lapli li menm ki nou pe gannyen, poudir i annan sa nesesite kot laplipar bann lakour pe demande kot i annan koneksyon avek sistenm *sewage*.

Li menm li ki nou war poudir pou le moman pa tou lakour ki annan. E si ou kapab dir nou en pti pe lo sa nivo li menm li, ki bann lekspertiz ankor ki sa *Board* avek sa de nouveau manm pou vin avek.

E mwan mon panse Mr Speaker, *PUC* i annan bokou ankor pou li fer. I annan bokou pou li fer, an term lo kote dan bann kominate ki mannyer pou anmenn bann facilite *utilities* li menm li, ki pou ariv kot bann lakour. E i annan bann novo fason fer ki sa i a kapab ede pou lev en pti pe nivo *PUC*.

E mwan mon espekte ki Minis taler ler i donn nou son larepons. I a kapab donn en pti pe leklersisman, ki sa i a benefis bann zabitan dan lakour ki zot pe ekoute, an term lo bann serten pwen ki nou, nou pou met devan. Mersi.

MR SPEAKER

Mersi Onorab. Onorab Pillay?

HON SEBASTIEN PILLAY

Mersi Mr Speaker. Bonzour tou dimoun pou ankor enn fwa. Bonzour Minis ek ou delegasyon. Mr Speaker, mon krwar ou pou bezwen eskiz mannyer mon pou konmans mon lentervansyon, akoz mon pa satisfe.

Mon pa satisfe e mon pa dakor, akoz i paret poudir akoz Gouvernman i annan en mazorite dan Lasamble, avek tou respe ki mon annan pou Minis, nou vin ganny dir nenport kwa.

Mon ava eksplike akoz Mr Speaker. Nou ganny nou en Lalwa ki donn nou en *object and reasons* la. Dan son *objects and reasons* sa Lalwa i dir ek nou koumsa ki i anvi li. E sa i enportan pou sa ki pe ekout nou pou swiv. Sa Lalwa i dir poudir i pou anmenn Lalwa *PUC* pou ogmant la kantite manm *Board*, pou *broaden* son *pool of expertise on the Board*.

Me Minis i pa'n koz lo *broadening of pool and expertise*. In koz lo reprezantasyon Gouvernman lo sa *Board*. Konmsi, akoz ou vin dir nou en keksoz ki Lalwa i sipoze fer, me apre i vin en lot keksoz?

E kwa ki donn mon largiman plis lafors ankor, se

dan Lalwa *PMC* li menm, i dir ou akoz zot bezwen fer sa sanzman. Rezon pou fer sa sanzman, se akoz Gouvernman i le entrodwir e met lo *Board PUC* dimoun ki li i bezwen mete, pou satisfer Lalwa *Public Enterprise*.

E si nou al get *verbatim Minis in mislead* Lasanble. Akoz ler mon'n ekout Onorab laba, i pe koz dan delo, i pe koz dan elektrik. Napa nanryen pou fer ek delo ek elektrik sa. Napa nanryen pou fer.

So ki mannyer nou kapab vin la vin devan Lasanble vin dir en keksoz me i pa leka. Dir fran ki zot pe fer. Zot in sanz Lalwa *Public Enterprise*. Lalwa *Public Enterprise* in fer ki konpozisyon bann *Board* in ogmante. *PUC* pa tonm annakor ek Lalwa *Public Enterprise*, alors ou bezwen ogmant la kantite manm *Board PUC*.

PUC i deza annan son bann manm *Board*, ki annan ekspertiz dan son domenn. Sa ki pa lo sa *Board*, se bann ki pou *meet* legzizans gouvèrnans ki Gouvernman *LDS* o pouvwar ozordi in mete.

Be menm ou *objects and reasons of* ou Lalwa in *misleading*, e i en *lack of respect for this Assembly*. How long are we - eski nou konman Manm

Lasanble nou pou kontinyen les sa arive?

Mon dakor i nou Gouvernman be *at least* dir nou laverite. Met li dan nwanr ek blan ki nou a konnen sa ki nou pe fer. Akoz pou mwan Mr Speaker, sa i montre kantite respe ki Lasanble pe gannyen. I pa akseptab Mr Speaker! Mon dakor taler ou'n dir poudir sa i en Lalwa pe sanz en *clause*.

Be son reperkisyon pou *PUC* i *far reaching* Mr Speaker. *I far reaching* akoz mwan mon pe war ler mon pe get Lalwa *PMC* ozordi, Lalwa *PE* sirtou seksyon 26 avek 27 be *Board PUC* in fini perdi pouvwar pou kontrol *PUC*.

Board PUC in nepli an kontrol *PUC* e Minis ou nepli an kontrol lenstitisyon ki tonm anba ou responsabilite. Akoz ou fer zis en sel keksoz ou. Ou donn *directive*, me se *PE Act* e sa *Public Enterprise Monitoring Commission* ki fer tou larestan travay.

E ou Minis ou *subject to* en rapor li i pou donn ou lo sa *Board*. Be ou konman Minis ou annan drwa ou. Si ou annan ekspertiz dan ou domenn, ki ou pe *manage* konman en Minis, ou devret kapab regard ou *Board* mannyer pe fonksyonnen.

Nou ti *warn* Mr Speaker, poudir sa pou en danze reel pou nou bann lantrepriz piblik. Akoz ler ou pou rod dimoun pou met lo *Board*, bann dimoun ki konpetan dan domenn par egzanp lenerzi renouvlab, bann dimoun ki konpetan dan domenn *sewage*, sa bann dimoun i annan en *mind of their own*.

Zot bann profesyonnel, bann teknisyen ki pa pou le les nenport ki *pencil pusher*, oubyen birokrat vin dir zot ki pou fer.

And that's why PUC in fonksyonnen ziska la. Akoz son *Board* ti annan serten kontrol pou li pran bann desizyon ki i bezwen pran dan benefis son lorganizasyon. Be sa ki nou pe fer ozordi Mr Speaker, se ki nou pe retir sa avek *PUC*. Nou pe anras li sa.

E mon tant pou mwan dakor en kote ek Onorab Andre, me osi pa dakor akoz i pa'n le al pli lwen ek sa largiman. Akoz in fini war li menm Onorab Andre kote problemm i ete li. Me mon konnen i pa kapab dir.

Akoz seksyon 58 ki Onorab Andre in fer referans avek. E ler nou regard “*for the providing of broadening of the pool of relevant expertise*” ki Minis pe koz lo la that’s not the case Mr Speaker.

Sa seksyon i fer kler ki poudir sa ki pe arive ozordi dan Lasanble, se nou pe satisfer sa ki Lalwa *Public Enterprise* i demann nou. E sa i vedir ki konpozisyon en *Board*, i ava annan en *Chairperson*, *Vice Chairperson*, en reprezantan sorti kot Minister Finans, en reprezantan sorti kot Minister Lanvironnman - dan sa ka akoz i *parent Minister*.

E ou ava annan *not less than 5 and not more than 7 persons to show up in an Executive Directors*. Si mon mal ozordi, mon krwar dan *PUC* son bann direkter ki la, i deza bann dimoun ki sorti dan bann domenn respektif, kot zot annan *expertise*.

Me Minis pa'n fer mansyon lo la, in fer mansyon *fulfil quota* ki Gouvernman i bezwen annan lo *Board PUC*.

E sa i *raise* en lot problemm pou mwan Mr Speaker. Mon pou anmenn sa dan sa deba, akoz i relevan akoz i konsern gouvernans. Apepre 1an edmi pase a 2an pase, *PUC* ti deside pou li donn en bonous son bann travayer.

PMC atraver en let ki *Cabinet* ti fer li ekrir ti *advise Board PUC* ki i pa kapab fer sa. Now *PUC* ki konn son *bottom line*. *PUC* ki konnen ki kantite travay son bann travayer in fer,

pou delivre pou li. So ou bezwen les sa *Board* deside.

Me apre tou selman Mr Speaker, ti annan en *safeguard* pou Gouvernman, *without having* pou servi *PMC* - son *safeguard* se la i la. Akoz dan Lalwa *PUC* i dir ou - si mon pa tronpe seksyon 7 - i dir ou Minis i ava donn direktiv Polisi e stratezik *PUC* ler i neseser.

E byensir en Minis pou ki ansarz lenerzi e nou annan nou zis en *power producer* - zis en *utilities corporation* ki *entirely own by* Gouvernman. Sa Minis ti pou kapab dir li be gete an relasyon avek Polisi ou pa kapab fer sa. *Final decision* ti rest ek mwan.

Be nou'n konpletman fer en kontour la, e mwan mon krwar prezan i pa Minis pou Lanvironnman ki pe ansarz bann *Public Enterprises*, se Minister Finans ki pe ansarz sa bann *Public Enterprises by remote, rather than* sa Minis ki la ki sipoze fer son louvraz.

Mon napa rezon pou dout konpetans Minis Flavien Joubert. In en dimoun ki'n travay dan domenn lanvironnman, dan sa domenn. I en *expert* dan son domenn; mon napa dout pou dout son konpetans. Me akoz son prop Gouvernman pe dout son konpetans? Sa ki kestyion ki

nou bezwen demann nou lekor ozordi.

E Mr Speaker, si nou pran sa lamannman ki nou pe fer an konteks avek de lezot seksyon. E sa se de seksyon dan Lalwa *Public Enterprise* se seksyon 26 ek seksyon 27. Mon'n fer serten referans lo la, me i enportan pou Lasanble fokaliz lo lenportans sa de seksyon Mr Speaker.

Akoz *as it stands* ozordi, si en Minis in donn en *policy directive* en *Utilities Corporation*, i pa sa Minis ki pou responsab pou okenn *fault* ki arive dan sa direktiv, me se plito sa *Board* Direkter ki pou responsab, akoz ki mannyer nou'n *structure* sa *clause* ki mannyer in ganny ekrir.

So, the Board of Directors i responsab pou en desizyon ki zot in bezwen pran akoz Minister ki'n demann zot pou pran. Be nou pou ganny difikilte pou ganny dimoun pou vin lo bann *Board of Directors*.

Mr Speaker, nou pou ganny difikilte akoz pa bokou dimoun ki pou anvi travay anba sa *level of control*.

Akoz ler nou donn sa bann dimoun loportinite pou travay dan nou bann antrepriz piblik, lentansyon ki nou le se ki zot devlop sa bann antrepriz zot fer

li vin prodiktiv. Me fer li kapab delivre lo son fonksyon.

I annan plizyer keksoz ki pe arive dan domenn lenerzi. Sesel ozordi - lenerzi renouvlab mon krwar nou annan en Lalwa ki pe vin devan Lasanble, ki konekte avek zisteman en *floating PV*. Mon pa pou al dan sa Lalwa la, mon pa kapab *preempt* deba lo sa Lalwa.

Me i annan plizyer keksoz e plizyer keksoz ki pe arive ki pou fer, ki *PUC* byensir pou bezwen sanz son *ambit*. Me eski si bann eksper *PUC* i santi poudir i pa devret bouz dan sa direksyon?

Overloading dan *PUC Board* avek fonksyonner Gouvernman, pa pou fer ki Gouvernman pou pouς *PUC* dan sa direksyon, akoz serten dimoun dan Gouvernman i anvi fer faver pou lezot dimoun.

Sa i reel, i kapab arive. E se pou sa rezon ki mwan mon krwar poudir, sa lamannman ti devret vin kler lo latab. *But at the same time* Gouvernman ti'n devret pran konsyans, ler ti pe amann Lalwa *Public Enterprise*.

Akoz lamannman dan Lalwa *Public Enterprise* ki nou'n fer, i en depar konplet lo sa ki Gouvernman ti pe dir depi 2021, an se ki konsern son Polisi an relasyon ek bann *Board*.

Gouvernman in kontinyelman dir avek nou poudir i annan tro bokou *Board*, bann *Board* tro gran, i tro gro. Me avek sa lamannman *Public Enterprise* i pou fer ki tou bann *Board* ki ozordi i annan 7 dimoun pou vin 9.

Pou servi term ki Prezidan li menm in servi, i bann desizyon kanmaron. I bann desizyon ki nou pa devret pran, akoz ler nou zwe avek Polisi ki konsern ladministrasyon Gouvernman, i kree en lensertitud parmi ladministrasyon Gouvernman. I napa nanryen pou fer avek politik sa, i annan pou fer avek bon fonksyonnman en ladministrasyon.

Me i paret poudir nou reve en zour nou deside pou fer en keksoz. E apre ler nou'n fer li ki nou war son lenpak. Me kantmenm dimoun in dir nou, nou deside pou al avek *no matter what* nou pou mor ek nou boul.

Mon ti krwar in fini sa kalite politik dan Sesel, malerezman i ankor la.

An konklizyon Mr Speaker, mwan mon krwar Minis i bezwen *être* realis lo sityasyon ki son bann antrepriz ki pou tonm anba son responsabilite pou trouv zot lekor ladan.

Bann ki annan en kad regilatwar par egzanp SNPA napa problem, pou ou *frontload* li avek zofisyé Gouvernman, akoz i zwe en rol regilatwar. E i fer en rol konman – i fer *public service*.

PUC i provide both en public service and it's also there for the public good. Savedir PUC i bezwen kapab as part of the public good, manage son finans, zener son prop finans e fer sir ki sa finans ki i annan i permet li pou fer son aktivite san ki i bezwen rely lo Gouvernman pou ed li avek son loperasyon, son bann operational cost.

Sertennman Gouvernman i ava al rod *loan* pou donn li, sa i neseser. Nou a rod *loan* pou donn li. Nou a rod sipor bann lezot landrwa pou li *deal* avek bann size, parey *non-revenue water*, pou li *deal* avek 33KV. Parey Gouvernman US ti fer e mon'n war Prezidan Ramkalawan pe ouver rido ankor.

So i lozik pou nou fer sa. Be lo en pwennvi operasyonnel nou bezwen *allow* bann antite. *And that is the reason why* nou rod en Seselwa ki kalifye pou ansarz sa bann lorganizasyon. Me sa ki nou pe fer avek sa Lalwa *PMC*, avek sa Lalwa *PE* e atraver *PMC* se ki nou pe si oule

tir ledan sa bann dimoun ki ansarz sa bann lorganizasyon.

Nou pe fer zot vin *redundant* akoz en lot dimoun ki pou *run* zot lorganizasyon. *At the end of the day* se sa ki pou arrive.

Mr Speaker, mon ti a kontan enplor Minis pou revwar sa seksyon 58 dan Lalwa *Public Enterprise Act*, pou li fer en enteresyon opred son *Cabinet* e regarde dan son totalite e fer en *stocktaking* avek tou bann *Public Enterprises* ozordi.

Akoz sa Lalwa i kapab ganny amande. In ganny pase, i *still* kapab ganny amande pou vvar si bann *Public Enterprises* i konfortab, oubyen zot santi poudir *that is the most efficient way* pou zot kapab fonksyonnen.

As it stands la Mr Speaker, mwan mon pa krwar poudir *that is the best way forward*. Ziska la *PUC* in fonksyonnen avek en *Board* ki permet li pou li reste alafot.

Mon pa'n zanmen tann *PUC* vin devan pou Gouvernman pou sey rod ni en sou pou fer *run* son loperasyon. So i montre poudir *if something is not broken why try to fix it?*

Avek sa Mr Speaker, mon ti ava demann Lasanble pou seryezman regard desizyon ki nou pe pran e retourne Lalwa

kot Legzekitiv, e demann zot pou vin ek en lamannman dan *Public Enterprise Act*. Si zot pou bezwen fer li marye ansanm avek bann lamannman ki pou vini, avek bann lezot *Public Enterprises*, ki pou bezwen annan sanzman ler zot propozisyon *Board pa meet the requirement of Lalwa Public Enterprise*. Mersi Mr Speaker.

MR SPEAKER

Mersi Onorab. Onorab Sandy Arissol?

HON SANDY ARISSOL

Mersi Mr Speaker. Bonzour Minis avek ou lekip e bonzour tou bann Manm. Mr Speaker, mon krwar tou bann pwen ki'n fer resorti mon krwar i relevan. Parske se isi dan Lasamble Nasyonal kot bann Manm nou ganny sans eksprim nou lekor, pas lopinyon, demann klarifikasiyon.

E osi bann Manm ki asiste *Bills Committee*, se zot ki ganny sa sans kekfwa avan nou lezot Manm ki pa lo *Bills Committee*. Ennler zot ouver pou nou osi kapab vini, be avek lezot responsabilite ki nou annan nou pa ganny sa posibilite.

Pou zot kapab ganny sans koze avek bann teknisyen anndan, eksprimen, rod

klarifikasiyon e souvandfwa parfwa zot anmenn bann lamannman si neseser, e fer osi bann kritik kot i neseser.

So mon krwar pwen ki'n ganny fer resorti, i ava enportan Minis dan son *summing up*, i ava dir avek nou an relasyon avek Polisi. I ava dir ek nou si i santi poudir i annan okenn Minis ki pe dout son konpetans, si Gouvernman pe dout son konpetans, e i ava eksplik nou enn, de lezot keksoz an relasyon avek sa lamannman ki pe ganny fer ozordi.

Mr Speaker, selman mon anvi retourn lo pwen ki Onorab Michel Roucou. Onorab Michel Roucou, in koz en relasyon avek delo avek elektrisite. Nou pe koz lo *Public Utilities Corporation (Amendment) Bill*. E letan ou koz lo *Public Utilities*, premye keksoz ki dimoun ki pe ekout nou laba deor, zot mazin delo ek elektrik.

Prezan nou konman bann politisyen, nou bezwen osi demann avek Minis ek son lekip, Letan bann lamannman i vini par egzanp, pou *Public Utilities Corporation*, sa dimoun pou demann nou be kwa ki mwan mon gannyen ladan? Ki ou'n al vote ozordi, kwa ki mwan mon gannyen konman sa konsonmater *PUC*?

Mon mazinen sa ki Onorab Michel Roucou ti pe rode en pti klarifikasiyon. Ki mon krwar tou klarifikasiyon i enportan an relasyon avek demann en kestyon, rod klarifikasiyon.

Par egzanp, letan Onorab Pillay in koz an relasyon avek *relevant expertise*, mwan osi mon anvi demann sa kestyon an relasyon avek sa. Parske *PUC* zot ti deza annan bann dimoun lo zot *Board* ki pe fer en travay.

Kestyon ki mon ti a kontan demande la, an vi ki nou annan sa lamannman, eski plis *to broaden the pool of relevant expertise?* Eski avek plis dimoun lo *Board*, sa i pou fer ki dimoun Bel Ombre ki ganny sa bann facilite servis avek *PUC*?

Ki letan dimoun Bel Ombre ankor enn fwa i tann *Public Utilities Corporation* i mazin delo ek elektrik, i pou ganny en pli bon servis. Se sa pwen ki Onorab Roucou mon krwar ti pe fer.

Eski alor mon ti a kontan demann Minis, letan i pou eksplik nou tou sa bann teknikalite ki'n tann koz lo la. An menm tan Minis, donn nou en pti pe lesplikasyon an relasyon avek servis. Ki dimoun pe espekte la deor, letan nou

konman bann Manm Lasanble nou pe vot sa lo zot par.

Par egzanp, eski sa *Board* avek plis ekspertiz, avek plis dimoun zot pou osi mazin an term *go green* gradyelman, par egzanp? Parey nou'n vvar lo bann zil ki nou trouve. Eski *PUC*, avek sa *the pool of relevant expertise* ki pe agrandi, eski *PUC* nou pe espekte plis servis? Par egzanp mwens koupir, mwens koupir elektrisite. Bann facilite kot *PUC* atraver sa *pool of relevant expertise*, atraver agrandi zot *Board*, sa i a fer ki a zot vvar plis larzan, pou zot kapab konekte distrik Bel Ombre par egzanp avek *STP*, ek tou lezot distrik.

Eski atraver sa *pool of relevant expertise* ki pe agrandi, eski sa i ava ed *PUC* pou li kapab akonplir sa *master plan STP*, ki nou ti tann koz lo la pou plizyer lannen?

Konmsi sa i ava enportan pou letan nou konman bann reprezantan elektora, nou ava pe demann sa bann kestyon. Enkli bann kestyon ki'n ganny demande lo lapar Lopozisyon osi. Mon krwar Minis ava dan en pozisyon pou klersi nou pou nou gete an relasyon avek kwa ki nou, nou gannyen kwa ki dimoun i benefisyé ladan.

Mr Speaker, mon ti a kontan aret la. Zis mon ti a

kontan ganny en pti pe lespri Minis avek son bann teknisyen byensir, pou gid nou e fer nou konpran kote *PUC* i ete.

Me an menm tan mon ti a bezwen dir Mr Speaker, nou kontan travay ki *PUC* pe fer. Parey nou tou nou bezwen *PUC* dan nou lavi toulezour avek delo potab e en sistenm *sewage*. E osi elektrisite ki ed nou dan sa travay, e ed nou fanmir kot lakour.

E nou osi bezwen pran kont poudir in annan enn de rapor ki'n antre an relasyon avek vol kot *PUC*, par egzamp. Ki tanzantan ou ganny en pti mesaz an sou sekre. Ou ganny en *email* ki vini oubyen en pti *sms*.

So i enportan dan sa travay ki nou pe fer ozordi avek sa lamannman, parske souvandfwa se travayer *PUC* Desanm ki anvi en bonous. So i enportan pou letan *PUC* i annord. La nou a kapab wi, dir tou zafer i annord e wi, travayer i a ganny en bonous.

Be nou pa kapab annan serten aksyon ilegal ki pe pase *at the end*, ou espekte ou menm ou ki ganny en bonous ankor Desanm.

So tousala Mr Speaker, mon krwar Minis i ava dan en pozisyon. En Minis konpetan ki nou'n met la. I ava kapab avek

tou son ekspertiz ki i annan enkli bann zofisyen *PUC*, ki'n la dan sa profesyon pou plizyer lannen. Zot a kapab gid nou e eksplik nou en pti pe an relasyon avek sa *Public Utilities Corporation (Amendment) Bill, 2023*. Mersi bokou Mr Speaker.

MR SPEAKER

Mersi Onorab. Onorab Uranie?

HON ROCKY URANIE

Mersi Mr Speaker. Bonzour Minis ek ou delegasyon. Bonzour tou koleg Onorab e mon ti anvi zis profit sa lokazyon ozordi Mr Speaker, pou *wish* tou bann *teachers* en *Happy Teachers' Day*.

Mr Speaker, mwan ki mon anvi konnen, eski Minis i vreman santi ki i mank ekspertiz lo son *Board*? Akoz sa Lalwa i senp. Oubyen zis i anvi fer grosi son *Board* pou satisfer Lalwa *Public Enterprise Act* ki'n pase. Eski Minis i vreman santi poudir i manke sa lekspertiz, oubyen i bezwen fer sa zis pou satisfer sa Lalwa?

Akoz si sa i zis pou satisfer sa Lalwa, savedir nou annan lezot ankor bann *Board* ki si zot pli ba ki sa, zot osi zot pou bezwen petet vin pli gro. E nou'n tann plizyer *statement* ki'n ganny fer dan lepase, par sa Gouvernman ki o pouwwar,

kot zot ti vreman *boycott Board*. *Broad* tro gro, tro bokou *Board*. Nou bezwen koup lo *Board*, tro bokou depans.

E petet la ti en fason ki nou ti kapab fer *savings* lo kout la kantite dimoun lo *Board*. So be nou konnen nou bezwen veye avan nou fer bann *statement*, akoz apre parey nou dir nou kras anler apre i tonm lo nou figir.

So nou vwar sa bokou nou vwar sa Gouvernman kantmenm zot pa dakor eskize pou servi sa term. Mon pou dir ankor, en sistenm kanmaron nek nou fer e nou vin avek bann keksoz, ki zis nou dir nou fer bann *statement*, san realize san vreman asize.

E ler nou lo kote isi, nou met bann pwen devan, zis akoz zot annan mazorite zot vote, san realiz reperkisyon pou satisfer serten dimoun.

E nou ti dir nou poudir sa *Public Enterprise Act* i annan serten keksoz ladan, ki nou bezwen veye. E la nou vwar *PUC* i bezwen - malgre petet i annan tou son ekspertiz - mon pa konnen Minis a dir nou, i bezwen zis sanz pou li pou satisfer sa Lalwa *Public Enterprise Act*.

So alors Mr Speaker, mon pa pou fer bokou komanter lo la, akoz parey mon dir sa i

ptipti. Zot pe zis fer *Board* vin pli gro. E mwan mon ti a kontan vreman konnen si *PUC* napa en lot fason fer – petet - pa zis *PUC*, me petet Gouvernman li menm regete si fodre *go back* lo sa Lalwa pou sanze, pou war, si napa en lot fason fer.

Akoz si ou annan tou lekspertiz, la lekel ki vreman ki ou pe al azout lo *Board* zis pou satisfer Gouvernman?

So alors mon ti a kontan zot *go back* e vreman gete pa zis pas sa Lalwa silvouple. *Go back* gete ki vreman pouvwar Minis pou annan e lezot dimoun lo sa *Board*. Mersi Mr Speaker.

MR SPEAKER

Mersi Onorab. Onorab Woodcock?

HON WAVEL WOODCOCK

Mersi Mr Speaker. Parey plizyer entervenan avan mwan in dir, rezondet pou sa lamannman ozordi, se pou senpleman increase la kantite Manm *Board* pou sorti 7 pou vin 9. I kler parey in ganny eksplike poudir le rezondet, se ki pou broaden the pool of relevant expertise on the *Board*.

E mon pa krwar poudir Minis ouswa *CEO PUC*, in zis pran sa desizyon par azar, ouswa zis zot in leve ozordi zot in deside vin avek sa

lamannman devan nou Lasamble. I bezwen annan en rezon akoz ki zot santi zot bezwen bann *expert* lo *Board PUC*, pou bann travay ki zot annan pou fer.

E petet parey plizyer Manm in demande *PUC, CEO, Minis*, i kapab donn detay, akoz ki zot santi poudir zot bezwen sa de *extra manm* lo *Board*.

Onorab Andre in donn en legzanp pou dir, dan bann letan kot nou ti pe fer fas avek kriz ekonomik *obviously*, i annan serten *Board* ki'n ganny *streamline* kot nou annan *less manm* *Board*. Me an mezir ki nou lekonomi pe aranze, i annan serten bann *experts* - bann *expertise* ki nou pou bezwen, lo serten bann *Board* ki nou annan.

Me prenon kont tousala, mon krwar i enportan pou nou fer resorti, akoz mon santi poudir i annan en *misapprehension* ki serten Manm lo lot kote latab, bann entervenan pe sey kree.

Ler mon'n ekout Onorab Uranie e osi ler mon'n ekout Onorab Cosgrow, zot in koz lo bann *Board* ki nou Gouvernman ler nou ti la menm dan sizenm Lasamble, kot nou ti toultan dir poudir i annan tro bokou *Board* Sesel. Mon rapel en letan nou ti dir, i annan

environ plis ki en 100tenn *Board* dan pei Sesel.

E non selman *Board* nou ti tann plizyer bann lazans, bann antite, bann *Council* ki ti ganny kree. Bokou *Council*, bokou lazans; bokou bann *Board* bann *Council*, bann lazans pa ti pe neseserman desarz zot responsabilite. I annan *Board* parey nou ti kontan fer fars. Zot zwenn petet en fwa, de fwa par lannen. Zot vini zot manz gato, bwar dite apre zot al se zot. Zot kolekte en *fat cheque at the end of the month*.

E alor nou ti dir konman en Gouvernman, poudir fodre ki nou koup la kantite *Board* ki annan Sesel. Be Mr Speaker, sa ki zot pa'n dir, ozordi senpleman ki nou pe fer, nou pe koz lo an antite ki vreman enportan pou Sesel.

PUC ki *deal* avek delo, ki nou popilasyon i konsonmen ki vreman enportan ki nou bezwen. E osi i annan plizyer bann proze ki pe vini, ki enkli ozordi nou annan proze danm ki'n fini. Danm La Gogue lo Mahe e byento i annan en lot danm proze danm ki pou konmanse.

Par lagras Bondye byento nou ava ganny sa danm Laplenn Hollandaise. Mon konnen i annan bann lezot gran

proze ki *PUC* i anvi fer pou benefis nou bann zabitan.

Annou pa blyi zistwar proze danm Laplenn *Hollandaise*, kot nou ti ganny tou bann lekipman neseser, ki nou ti bezwen pou fer sa danm Gouvernman Zapon, me apre kanmiyon tou bann materyo, tou bann tiyo tou keksoz ti zis disparet!

E i enportan ki nou annan *the right expert*, pou fer sir ki sa pou bann proze i ganny enplimante. Nou annan sa bann *expert*, pou fer sir ki sa bann proze ki nou bezwen.

Mr Speaker, mon a koriz sa *misapprehension* ki Onorab Wallace in sey zete, pou dir nou, nou pe *retract* lo nou bann desizyon. Nou pe mars an aryer, parey in dir nou pe mars an kanmaron.

Me selman Mr Speaker sa ki zot, zot pa'n dir - ki zot pa pe dir Mr Speaker, ki ou pa bezwen en boul kristal en sorsye, pou ou war ki nou Gouvernman in fer depi 2020, 2021, ziska 2022, ziska 2023 la. Annou en pe lalis la kantite *Board* ki nou Gouvernman in *repeal* depi 2021 ziska la.

Not only Board Mr Speaker, plizer lazans ki nou Gouvernman in *repeal*. E sa bann lazans *obviously* zot annan zot *Board* ki'n ganny

repeal. Ki savedir nou'n koup lo lakantite larzan ki nou ti pe depanse lo *Board* e bokou bann lazans ki zot ti kree.

Annou pa blyie Mr Speaker, dan lepase Gouvernman avan, zot ti kre bokou bann *Board*, bokou bann lazans. E dan sa bann lazans ek sa bann *Board*, lekel ki zot ti mete? Zot ti met bann *ex MNA*, bann *ex Minis* lo sa bann *Board*, ouswa lo sa bann lazans, zis pou kre en *job* pou zot. Pou zot ganny en saler R50 mil- R60 mil ouswa en *allowance* R30 mil- R20 mil par mwan!

Mon a donn legzanp enn de sa bann *Board* Mr Speaker, ki nou'n *repeal*.

Mr Speaker; enn *APDAR*. *APDAR* pa nou'n *repeal*. Responsabilite *APDAR* ozordi in ganny transfer anba Minister Lasante. E *APDAR* ti annan en *Board* li. Sa *Board* nepli, nepli. E mon pa pou al an detay lo la. Nou tou nou konnen akoz sa *APDAR* ti ganny kree, lekel ki ti ansarz *APDAR*.

E nou tou nou konnen ki ti arive *APDAR*, Mr Speaker, kot zot ti annan en facilite ekipe avek tou bann servis neseser. Zot kit sa facilite pou al lwe en lakaz - de lakaz R50 a R60 mil par mwan, kan zot ti annan bann facilite e i annan lezot keksoz ki'n arive Mr Speaker.

Si mon pou al an detay bann keksoz ki'n arive lo bann *Board* Mr Speaker nou pa pou sorti la ozordi.

E *ANHRD* osi i en lot lazans ki'n ganny *repeal*, ki ozordi son responsabilite in ganny transfer anba Minister Ledikasyon.

National Aid Council osi Mr Speaker in ganny *repeal*. E ozordi son responsabilite in ganny transfer anba Minister Lasante. Parey mon'n dir Mr Speaker, en kantite *Board* - en kantite lazans ki enkli zot *Board* ozordi, in ganny dizourd, in ganny *dissolved* ouswa in ganny *repealed*.

Council for the Elderly ozordi Mr Speaker, ozordi i en divizyon anba Minister Lafanmir. E si mon pe get ozordi Mr Speaker, mon war poudir travay, aktivite pou bann *elderly* ozordi in ogmante dan nou pei.

Annou pran legzanp mon distrik Grand Anse, Praslin. Depi ler novo klib 55 in formen, zot in fer 3 aktivite dan lespas pa ni menm 3 mwan. Yer zot fek al vizit *State House* - zot fek al vizit *State House* apre zot in al fer letour Mahe. Zot in al Misyon partou.

Mr Speaker, i montre poudir bann desizyon brav e enportan ki nou Gouvernman

in pran, ki non selman in koup lo depans, me selman sa bann *Board* ozordi, sa bann lazans, sa bann *Council* ki'n ganny transfer anba Minister nou war rezulta ozordi.

E i pe ede redwir bann kou ki nou ti pe depanse - sa bann milyon ki nou ti pe depanse lo plizer bann *Board* - depanse lo plizer bann *Board* ki nou ti annan.

SNYC Board; menm *SNYC* Mr Speaker ti annan en *Board*. E ki ti neseser sa *Board*? Ki sa *Board* in fer. Ozordi sa *Board* in ganny *repeal* e tou fonksyon in ganny transfer anba Minis responsab pou Lazenes.

The Council remains Mr Speaker. *SNYC Council remains* me selman sa *Board* in ganny dizourd, nepli egziste. Sa rol ozordi pe ganny antreprann par Minister pou Lazenes.

Mr Speaker, *Seychelles Tourism Board*, en lot *Board* ki'n ganny *repeal*. E ler nou *repeal STB*, eski avyon in aret apoze? Eskei tourism ozordi - ? Ler ou pou kalkil sa bann lannen presedan 2020, 2021 tou le lannen since *COVID*, nou war logmantasyon lo larive bann *airline*.

La nou konnen poudir *Condor* plizer bann *flight*, sirtou bann *flight* dan bann pei arab *Etihad*, *Emirates* pe al

ogmant *flight* pou vin 2 fwa par zour.

So, Mr Speaker, nou'n *repeal* sa bann *Board*, transfer zot responsabilite anba bann Minister ouswa departman ki konsern zot. E nou'n vwar Mr Speaker, poudir Mr Speaker keksoz i kontinyen marse, keksoz i kontinyen progrese e nou'n koup larzan partou.

Seychelles Agriculture Agency Mr Speaker, en lot lazans ki nou'n *repeal*, ki son fonksyon in ganny transfer anba Departman Lagrikiltir. Mr Speaker, pa i pe fonksyonnen. *In fact*, i pe fonksyonn pli ozordi Mr Speaker, ki oparavan la resaman fek fer vini kargezon manze zannimo.

Kantmenm zot pe rod lipou parey labitid, zafer antibiotik dan lavyann, kan lannen pase zanmen zot in rode si i annan antibiotik dan bann lavyann poul, dan bann lavyann ki'n ganny enporte sorti aletranze.

Zis akoz zot oule defann sa bann lakonpannyen manze zannimo, ki'n benefisyé lo *subsidy*, lo lasyer larzan Lepep Seselwa Mr Speaker. Zot pe lager ek Gouvernman akoz konpetisyon pou ede fer manze pri zannimo desann! Zot rod lipou partou Mr Speaker.

Mr Speaker, i kler ozordi poudir konpare avek sa ki US pe dir, nou ozordi nou Gouvernman in ferm plizyer sa bann *Board* ki ti pe pran bokou larzan. E ozordi nou'n vin fer en *request* avek –

PUC in vin devan Lasanble avek Minis ki responsab pou fer en sel *request* avek nou Lasanble, pou zis azout zis de manm *extra* lo son *Board*. Oule dir mwan dir oli problem Mr Speaker? 2 manm?

Pou tou sa bann lazans, tou sa bann *Council*, tou sa bann *Board* ki nou Gouvernman ozordi in *repeal*; tou sa larzan ki nou'n koupe, tou sa bann gaspiyaz ki nou'n anpes arive dan Gouvernman lepase ozordi; tou sa bann larzan ki ozordi nou'n al negosye pou sov nou pei, enkli sa gro det *Air Seychelles* ki nou'n negosye, Mr Speaker, ozordi nou demann de *expert*, pou azout de Manm lo *Board PUC*, nou vin gele?

Mr Speaker, konpran sa bann keksoz. E mon pa ganny en konpran. Sanmenm sa mon dir toulstan, sa kalite panse, sa kalite rezonnman Lopozisyon ennler i *baffle* mwan. Me selman Mr Speaker, mwan mon santi poudir sa *Bill* ki devan nou, i en ki telman senp. Mon pa war akoz ki nou bezwen gele,

fer en bann - rod en bann lipou, en bann zistwar lo la.

E avek de mo sa Mr Speaker mwan mon pou 100poursan siport sa lamannman ki'n vin devan nou Lasamble. Mersi bokou Mr Speaker.

MR SPEAKER

Mersi Onorab. Onorab John Hoareau?

HON JOHN HOAREAU

Mersi Mr Speaker. Bonzour, bonn apre midi plito, bann Manm *panel* la e bonn apre midi tou dimoun ki pe ekout nou. Mon krwar i neseser pour nou re-gid en pe sa deba la, apre midi, akoz i annan serten konfizyon ki'n ganny senmen lo sa size.

Premyerman ler nou get *PUC*, *PUC* i en lorganizasyon ki dapre son *annual report 2021*, mon napa son *latest*, i *one of the largest companies in Seychelles*, avek en reveni 1.6 bilyon par lannen avek en *net profit*, 499 milyon par lannen avek en *workforce* 1172 dimoun.

I pa enn pti lakonpannyen Mr Speaker, ou ava dakor avek mwan ki i en lakonpannyen ki annan en kantite *assets* premyerman, e i bezwen fer sir i rann en servis a omwen 46 mil

household dan Sesel, lo Mahe Praslin e La Digue. Alor ki sa lakonpannyen pe demande ozordi?

Sa lakonpannyen pe demann pour ogmant son bann *Board members* pour sorti 7 pour al 9, e byen evidaman avek tou sa kantite *assets*, avek tou sa kantite volim biznes ki zot annan, plis ankor zot pe *oversee* enn pti pe travay - zot travay konzwentman avek *Utilities Regulatory Commission* ki pour vin son *Bill* pli tar - *sorry* ki nou fek pas son *Bill* e la pour vin en amannman pli tar.

E sa ki nou pe dir se ki sa lorganizasyon li menm i bezwen, i bezwen annan plis dimoun, lo son *Board*, pour kapab ed son gouvernans pour li kapab *manage* tou sa ki i sipoze *manage* e pour fer li pli efikasman parey Onorab Loizeau pe dir nou la deryer la.

Mr Speaker pour sorti - ler ou pe get sa 7 manm *Board* ki *PUC* i annan, i annan 4 ki deza lo rekemandasyon par *PE Act*, vedir i en *Vice-Chairperson*, en *Chairperson* e osi en dimoun ki ganny rekomande par Lanvironnman, enn ki ganny rekomannde par *Ministry of Finance*, so i fer li deza 4 dimoun, plizoumwen lo administrativ, fer li reste 3 dimoun lo kote ekspertiz.

Ler nou get sa volim biznes, nou kapab konstate poudir *PUC* i bezwen annan plis dimoun ki *slightly specialized*, oubyen *more specialized* si oule, dan domenn kontabilite, petet dan domenn ki mannyer pour zer biznes dan li menm ensidswit. Zot, zot *best* pour konnen ki zot demann, ki zot nesesite.

Alor pour mwan, mon pa vwar difikilte pour donn sa lorganizasyon ankor de dimoun, pour ed zot dan zot *management*. Mon krwar largiman ki'n ganny met devan, par *LOTO*, i pa vreman en largiman ki solid, parske li in koz lo *PE Act* e dir poudir i annan en lot - si oule en lot form gouvernans lo *PUC*, i pa neseserman vre;

Parske *PE* (*Public Enterprise Commission*) i get lo laspe finansyel sa lorganizasyon, i annan en drwa *oversight* lo laspe finansyel, me i napa en drwa *oversight* lo laspe administrative - desizyon biznes ki *PUC* i pran, desizyon ki mannyer zot pour agrandi zot portfolyo ensidswit, sa i toutafe depan lo son *Board members*, ki nou pe koz lo la.

Mr Speaker, mon krwar poudir *PUC*, i en biznes kle dan Sesel. I en biznes ki rann en kantite servis. Parey mon'n dir,

46 mil *households* i depan lo li. Alor mon pa vwar li en problem pour nou akord *PUC* ankor de manm, avek sa Mr Speaker zis pour fer note ki sa lamannman osi i pe koz lo *quorum*.

An vi ki avan *quorum* ti 3 *members*, la i pe fer li 6 *members* setadir i pe menm fer sir ki lakantite Manm i koresponn avek bann regleman, ki ganny mete dan *PE Act*. Alor pour mwan sa i enportan e sa i devret ganny pase e mon pour donn mon siper pour sa. Mersi.

MR SPEAKER

Mersi Onorab. Mon ava envit Minis pour donn son repons e konklizyon lo deba.

MINISTER

JOUBERT

Mersi Mr Speaker e mersi bann Manm pour bann kontribisyon ki zot in fer ozordi bomaten, ouswa plito apremidi Mr Speaker.

Mr Speaker, mon a komans par en size ki annan pour fer avek sa prezantasyon li menm. Onorab Andre in koz lo bann kantite dimoun ki sipoze dan sa Lalwa, ki'n ganny prezante dan Lalwa *PUC* parey amannman pe demande, me son definisyon lekel ki pour dan

FLAVIEN

konpozisyon sa bann dimoun, i dan Lalwa *PE*, i dan Lalwa *Public Enterprise*.

Mon pour dakor ek Onorab Andre ki wi i annan serten posibilite ki dimoun i kapab konfize, me mon ti ava voudre ki dan Staz Komite, si bann Manm i vwar li neseser zot kapab vin avek bann sizesyon lo kwa nou kapab - ki nou kapab fer pour adres sa size.

Me an prensip i merit kler me si nou vwar ki konfizyon adisyonnell i kapab leve, mon krwar i ti a byen si nou kapab fer antre sa bann ptipti sanzman, pour fer li pli kler ankor.

I annan en pwen ki'n leve kot i konsern *Board members* e mon krwar Onorab *Leader Lopozisyon* in fer sorti sa pwen Mr Speaker, kot i konsern reprezantasyon Gouvernman lo *Board* e lefet ki possibleman lenplikasyon sa sanzman se pour fer antre manm sorti kot Gouvernman lo *Board PUC*.

Annefe Mr Speaker i deza annan de manm ki sorti kote Gouvernman lo *Board PUC*; enn sorti kot Minister e enn sorti kot Minister Finans

E i pa lentansyon nou Minister e *PUC*, pour ogmant lakantite dimoun sorti kot Gouvernman lo sa *Board*. Alor logmantasyon i pour lo bann

dimoun ki aktyelman an deor *PUC*, me ki annan serten konpetans ki *PUC* pe rode, pour agrandi kapasite son *Board* pour li fer son louvraz.

I annan en lot bout osi ki Onorab *Leader Lopozisyon* in fer sorti, kot i konsern *powers* Minis i ganny retire, par sa Lalwa *Public Enterprise*, ki in fer referans avek de seksyon, mon krwar 26 ek 27. Me letan mon get seksyon 100, Mr Speaker anba *Public Enterprise Act*, i osi koz lo lefet ki sa de Minis,

“The Minister and the Minister responsible”, savedir sa Minis ki responsab sa antrepriz ansanm avek Minis ki responsab sa Lalwa *PE*, ki Minis Finans, zot devret annan – zot annan *powers*, pour zot donn *policy directives* lo sa *Public Enterprise*

E letan mon pe get sa *clause*, lenplikasyon se ki sa de Minis i bezwen koze e apre donn direksyon sa lantrepriz piblik.

Alor pour mwan i annan posibilite pour sa de antite komunik ek kanmarad e donn en direksyon ki komen, e non pa ki pouwvar i ganny tire dan lanmen enn e i ganny mete dan lanmen en lot atraver sa *Public Enterprise Act*.

Lot keksoz Mr Speaker se ekspertiz. Mon konnen plizyer Manm parey Onorab Roucou,

parey Onorab Arissol in lev sa pwen lo ekspertiz ki *PUC* i bezwen, e osi Onorab Uranie *from* sa kote latab, ki nou pe rode lo kote ekspertiz.

PUC ozordi i annan serten dimoun ki annan ekspertiz lo *Board* me nou krwar i kapab ganny aranze, e i kapab ganny agrandi par serten novo konpetans adisyonnal, sirtou lo kote teknik ek environmantal, ki bann keksoz ki vreman demande lo kote *PUC*.

Sirtou letan nou pe kalkil novo lenstalasyon, novo fason zener elektrisite. par egzanp lo kote lenerzi renouvlab. E osi nou bezwen konpran Mr Speaker ki *PUC* son model biznes pe evolye, an mezir ki i fer sa bann demars.

E nou bezwen bokou plis dimoun avek konpetans finans e ekonomik, pour vreman apiy sa lorganizasyon dan son travay ki i pe fer, pour li asire ki son biznes i kontinyen fonksyon dan en fason normal, e ki son rannman ek servis ki i donnen i toultan reste lo en o nivo.

Alor i annan sa posibilite pour nou kapab avek sa lamannman pour nou kapab anmenn novo dimoun, ki annan novo kapasite, ki ase rar Sesel aktyelman me selman ki nou a sey rod fason pour nou

trouve, pour ed sa *Board PUC* pour li fonksyon pli byen.

E zis pour fer rapel Mr Speaker, ki *PUC* i parey ti annan en *Board* i annan bann sou komite avek son *Board*. Annefe ti annan 6, mon vvar in ganny rakoursi pour vin 3 sou komite me i annan repetisyon lo sa bann sou komite akoz napa ase Manm, ki fer ki menm dimoun i lo 2 diferan sou komite.

E nou ganny problem pour kapab arrive fer tou travay ki sipoze ganny fer par sa bann sou Komite.

Alor nou ekspekte ki avek adisyonnal 2 dimoun lo *Board PUC*, nou a kapab annan ankor dimoun ki ava donn lanmen, pour nou fer sa travay fonksyonnen e ki sa bann sou komite ki annan *Audit and Risk, Remuneration, Finance and Investment*.

e apre i annan bann lezot travay ki pe fer ankor akote par egzanp lo *risks, corporate governance* e osi *ethics* ki merit ganny fer. Nou a ganny ase dimoun ki pour kapab adres sa bann problem.

E lot keksoz Mr Speaker, ki mon krwar in sorti se, ki kalite servis Onorab Arissol in lev sa pwen, Onorab Roucou in demann sa pwen ki lenplikasyon i annan pour

kliyan, pour bann dimoun ki ganny servi par *PUC* e ki i vedir sa sanzman dan sa *Board*?

Enn parey mon'n dir, se ki *PUC* pe ganny demande pour li fonksyon pli byen pour li annan plis, a en plis bon gouvernans. E *PMC* letan i vini kot *PUC*, i rode sa lenformasyon, i gete si *PUC* i vreman annord lo kote son direksyon. Eski son bann travay pe ganny fer byen? Eski i pe swiv son bann plan ki annan? Eski i pe swiv bann lareg ozordi?

E alor avek sa bann, sa bann sanzman lo *Board* nou ekspekte ki *PUC* i a kapab pli byen konform avek bann norm loperasyon e antrepriz, ki ganny demande par Lalwa e par bann pratik kouran dan pei. Sa i en keksoz lo kote *management* son lorganizasyon li menm, pour asire ki nou annan en lorganizasyon ki lo en o nivo.

Me kot i konsern kliyan, enn bann keksoz ki nou ekspekte se si *PUC* pe ganny *manage* byen, ou ekspekte en pli bon servis en pli bon kalite lenvestisman, en pli bon analiz dan son bann travay ki i fer, bann pli bon desizyon, ki kapab annan en lenpak lo sa ki kliyan i persevwar koman bann dimoun ki benefisy'e avek *PUC*.

Dezyenm keksoz ki, e i relevan la, e ki nou'n deza komans travay lo la avek *PUC* ki mon krwar i mars ase byen, se ki konmela *Board* i bokou pli enplike dan bann size ki kliyan i met devan.

Par egzanp ler i annan serten dispit serten problem ki ganny leve par serten kliyan, kot zot pe konplent poudir serten problem pe arive. Ouswa ki *staff* menm pe ganny difikilte avek kot zot dir, "mon pa zanmen ganny zwenn avek *management*, mon pe ganny problem dan nou travay." ouswa bann kliyan pe konplent. *Board* i antre bokou plis ladan e *Board* i osi fer son analiz i donn son rekomandasyon avek *management PUC*.

Alor nou pe ekspekte ki dan en ka kot ou annan en pli bon *Board*, en pli bon repartisyon lo *Board*, e en pli bon kapasite *Board* pour li pran sa responsabilite.

Board i annan son lespas pour li travay en pe plis lo sa bann size ki enpakte direkteman bann dimoun ki pe benefisy'e avek *PUC*, e rezourd en pe sa bann problem ansanm avek sa lorganizasyon.

E nou pa ava depan zis lo bann dimoun ki lo bann dimoun ki lo laliny administrativ *PUC*, pour zot sey

rezourd sa problem e parfwa i pa lo satisfaksyon swa bann staff, swa bann kliyan.

Alor nou ekspekte ki avek en *Board* ki ranforsi, i a kapab ed *PUC* fer travay bokou pli byen, e zot a kapab enterfer bokou plis dan bann keksoz letan i leve,

E sa osi i aplik pour bann keksoz par egzanp bann plan ki annan lo kote nasyonal, letan ou annan dimoun ki annan lekspertiz ki kapab diriz sa lorganizasyon, zot a kapab osi asire ki bann proze e bann programm ki *PUC*, i mars bokou pli byen.

E zot a kapab donn pli bon direksyon avek *management*. Akoz parfwa dan bann ka parey ou kapab vwar *management* ganny kite li tousel, si i annan en *Board* ki feb, ki pa pe vreman donn li sa direksyon ek sa gidans,

Ou pour ganny en *Board* ki – en *management* ki li i vwar li apar e son *Board* i zis la koman en *sort of* dekorasyon ki pa pe donn li sa bon siper.

Alor nou pe ekspekte ki en *Board* i a kapab pouss *management PUC* pour fer li mars pli byen.

Lot keksoz Mr Speaker, se i annan plizyer lesanz lo kote konsistans dan Lalwa ek Polisi. Mon krwar Onorab Woodcock

in reponn en bon pe sa bann size, mon pa pour al ladan.

Lo nou kote nou krwar ki an tou ka, malgre tou bann komanter, tou bann lopinyon, *PUC* li i bezwen fer sir i annakor avek bann Lalwa ki an egzistans.

E se sa nou lentansyon se fer sir ki *PUC*, son lafason ki i fonksyonnen i annakor avek bann rekomandasyon ki deza la dan Lalwa dan pei.

E mon krwar i enportan ki nou kapab fer sa marse e fer sir ki toulstan *PUC* i azour avek tou son bann travay e son fason fonksyonnen.

Ozordi mon poudir ki *Board PUC* ek *management*, zot relasyon avek *PEMC* i tre pros e nou vwar ki deplizanpli i annan sa enteraksyon regilye avek *PEMC*. E mon krwar i enportan pour nou kontinyen fer sir ki *PUC* i *compliant*, pour ki sa relasyon i kontinyen grandi.

E nou ganny nou en konpannyen ki nou nepli annan bann lafreyer poudir tel keksoz pe mars mal dan sa konpannyen. Nou konnen poudir i transparan, i annord e i annakor avek Lalwa san ki nou bezwen annan okenn lenkyetid.

Leader Lopozisyon in koz lo *mislead* Lasanble, kot mon krwar mon'n fini reponn sa pti

bout Mr Speaker. Mon pa *mislead* Lasanble pour fer antre dimoun Gouvernman lo *Board PUC*, me nou pe zis fer azisteman, ki aktyelman pour permet nou met plis dimoun ki annan konpetans e non pa zis dimoun Gouvernman dan - lo *Board PUC* ek – mon krwar mon ava aret la Mr Speaker.

Mon pa pour al plis ki sa. Mon krwar mon'n reponn en pe bann pwen ki'n ganny leve. I annan serten ki'n tonm dan kanmarad. Me si i annan okenn Manm ki santi mon pa'n vreman adres son pwen an detay, mon ava al en pe detay avek zot kestyion, ouswa okenn lezot pwen ki zot pe met devan. Mersi Mr Speaker.

MR SPEAKER

Mersi Minis. Bon nou ava prezan apel Manm pour vot lo *Bill* lo *Second Reading, general merit*. Manm ki an faver lev lanmen silvouple? Mersi Manm ki kont?

Alor lo *general merit Public Utilities Corporation (Amendment) Bill*, 2023, 20 Manm in vot pour 0 kont e 9 in *abstain*. Donk *Bill* in aprouve lo *general merit* e Madam Clerk a fer *Second Reading*.

MADAM CLERK

Mersi Mr Speaker. *A Bill of an Act to amend the Public Utilities Corporation Act (Cap. 196)*. Mersi Mr Speaker.

MR SPEAKER

Mersi. Nou a prezan pas dan Staz Komite pour nou pran *amendment* lo *Bill* e osi klarifikasiyon kot i neseser. Lekel ki pour -? Onorab Andre ou pour prezant amannman.

HON CLIFFORD ANDRE

Mersi Mr Chair. Mr Chair, avan mon komanse, mon ti a kontan fer resorti ki mwan mon enn ki dir mon lopinyon e dan *LDS* mon annan sa liberte pour mwan kontinyelman dir mon lopinyon.

Semenn pase letan zot ti koz lo *tinted*, mwan mon *abstain*, alor i montre poudir nou annan sa liberte, me ki mannyer nou egzers sa liberte sa i ganny pran dan konteks e mwan mon kontinyelman fer li letan mon santi li i neseser. Mersi Mr Chair.

Letan nou pe pran sa *Bill* nou annan lo paz 1, nou annan zis de lamannman annefe Mr Chair, premye nou'n *delete* dan dezyenm laliny apre 2023, “*and amends the Public Utilities Corporation Act, Cap. 196 (hereinafter referred to as the “principal Act”)*” nou'n *delete* sa.

Mon pa krwar i annan okenn *issue* avek *panel* lo sa enn. Dan lamannman seksyon 4 Mr Chair, mon ti a propoz sa par lefe ki sa lamannman ti pase 2010 i lir koumsa, “*the corporation shall be administered by a Board consisting not less than 5 and not more than 7 members appointed by the President by notice published in the official Gazette*”.

Mon ti a sizere ki nou fer koumsa kekfwa pour enkorpor, esey enkorpor Seksyon 58 ladan si nou ti dir, “*the corporation shall be administered by a Board consisting of*

a) Chairperson –

Mr Chair mon ti a kontan *move* sa anliny avek seksyon 72 - *i mean* – wi seksyon 72 dan nou *Standing Order*, kot i dir, “*it's a*” - pour *relax bann provizyon “in favor of simple amendments”, zis pour nou accommodate sa ki mon pe fer sa -*

“shall consist of

- (a) a Chairperson;*
- (b) a Vice-Chairperson;*
- (c) one representative or nominee from the Ministry of Finance;*
- (d) one representative or nominee from the parent Ministry; and*

(e) not less than five and not more than seven persons, who shall be non-executive Directors.”

Sa i pour pran konsiderasyon sa ki mete dan *PEMC Act* e osi ladan, me selman nou ti ava osi mete a lafen, “*which shall be appointed, by the President by notice in the official Gazette*”, apre i reste parey.

MR SPEAKER

Si mon konpran byen, ou pe *amend* sa *amendment* ki mon vwar dan *tracked version* avek pour enkli sa *wording* ki dan *Public Enterprise*.

HON CLIFFORD ANDRE

Definitivman.

MR SPEAKER

Ok. Onorab Pillay?

HON SEBASTIEN PILLAY

Mersi Mr Chair. Mr Chair *this is not an amendment to an amendment*. Mon konpran ki Onorab Andre pe fer. Onorab Andre pe sey *simplify* lavi Minis, *by pran clause* ki dan Lalwa PE e met li la, *which is, mwan napa problem ek sa mwan!*

Be mon problem prezan ler i fer sa, 4(2) i bezwen tonbe. Akoz ou konnen ki arive Mr Speaker, ki arive, i annan en

travay ki pa'n ganny fer par – e mon krwar Minis, sanmenm sa mon ti pe dir ou - *this ou bezwen go back to the drawing board.* Akoz?

Ou bezwen *align* ou bann provizyon *for appointments*, avek Lalwa PE e osi *tenure of office* pour bann *Board* avek Lalwa PE.

Par egzanp, Lalwa PE i dir ou poudir Prezidan i apwent en manm *Board*, avan konsiltasyon avek en *National Committee responsible for Senior Nomination*.

As it stands Lasanble pa konnen lekel sa Komite *responsible for senior nomination*. Nou pa konnen nou.

So i pa fer provizyon dan Lalwa PUC ki mannyer sa dimoun pour ganny apwente. Me selman i dir ou poudir Prezidan i ava apwente en *Executive Chairman*, be PE pa koz lo *Executive Chairman*. *Does it? I refer to it as another name.*

So that's why ki mon krwar i enportan ki annan en travay ki ganny fer en pe pli sistematik, e pli larz pour *align* serten provizyon apwente e serten provizyon sa Lalwa PUC avek sa ki nou fer, akoz ou pour vvar lezot landrwa kot i annan bann *lapse*.

Ki mon pe propoze ek Gouvernman. Lalwa in pase lo merit, *ok Lalwa in pase lo merit*, ki nou pa *proceed to en Third Reading* lo la, akoz i pour bezwen annan sanzman ki bezwen ganny fer ankor, pour satisfer bann nesesite ki Lalwa, *Public Enterprise* pe demande.

Mon ti a kontan ki Attorney Zeneral i *weigh in* lo la, akoz i pour enportan pour nou konpran si zot in kalkil zis sa pti bout sanzman, lo nimero e *quorum*, me zot pa'n kalkil apwente man ki pour ganny fer apre.

In pa'n kalkil kondisyon lo ki sa bann manm *Board* pour ganny apwente apre. Akoz Lalwa PUC i pour pe dir enn, e Lalwa PE pour pe dir en lot. So, i bezwen annan en balans ki bezwen etablir ant le de.

MR SPEAKER

Mersi Onorab Pillay. Sertennman, mon pou kontan ganny lopinyon *Attorney General* lo la. Me selman mwan mon pe dir dan term mon louvraz, nou annan en *Bill* devan nou en *amendment Bill*, e nou pe prosed lo la.

Ai i annan lezot *amendment* ki bezwen ganny fer, sa i bezwen ganny konsidere separeman. Mon pa krwar – Onorab Andre.

HON CLIFFORD ANDRE

Mr Chair, mon ti a kontan met devan Lasanble ki i annan sa lamannman ti pase 2010, ki ti *repeal* sa *executive Chairman*. So i deza ganny *repealed*. E dan Lalwa *PUC* i kler kot i dir “*The President shall appoint one of the members to be the Chairperson*”, i pa koz ou *executive Chairperson*.

So, mon pe konpran ki Onorab Pillay pe dir, me selman si i dakor, si nou tonm dakor poudir - parey ou'n dir Mr Chair - ki sa lamannman ki devan nou la ozordi, se sa enn e ki nou enkli seksyon 58 *PE Act* ladan e i lir parey mon'n propoze, mon krwar nou kapab bouze pour nou fer zistis avek sa lamannman ki devan nou.

MR SPEAKER

Mersi.

HON CLIFFORD ANDRE

Bann ki a vin apre pli tar nou kapab fer - akoz i deza annan sa divizyon *regulatory work* avek fonksyon *PUC*, so nou kapab pran li ler i vin devan nou. Mersi

MR SPEAKER

Mon a permet *panel* adres sa premye. Minis oubyen okenn manm ou *panel*. Wi. Minis?

MINISTER**JOUBERT**

Mr Speaker, mon krwar petet i enportan ki parey Onorab Andre in dir nou refer lo sa Lalwa 2010. E letan ou met sa bann propozisyon anba Lalwa 2010 sa bann amannman i aktyelman fer sans, san ki nou bezwen al fer en gran letour dan Lalwa li menm.

Me selman zis pour fer remarke Mr Speaker, ki evantyelman nou pe considere ki Lalwa *PUC* apre ki bann sanzman ki nou vin devan Lasanble avek resaman, kot i konsern *Utilities Regulatory Bill*, bann Lalwa konsernan elektrisite eksitera.

Nou pour retournen dan Lalwa *PUC*, pour nou fer bon netwayaz e annan en Lalwa ki konplet e pli reflekte tou sa bann provizyon ki ganny demande dan Lalwa *Public Enterprise*.

Alor i pour annan en lokazyon pour kot nou pour retourner ankor, me selman sa voyaz ek enn novo Lalwa *PUC*, me nou pa ankor kapab konfirm sa, be selman sa i lentansyon. Me ozordi nou le zis met sa annord, sa bout kot i konsern *Board*, e referans i spesifikman sa amannman 2010. Mersi.

FLAVIEN

MR SPEAKER

Mersi. Onorab Pillay?

HON SEBASTIEN PILLAY

Mersi Mr Speaker. Letan Minis pe koze mon pe get sa bann lamannman 2010, *ok*. Mon ava *concede regarding* sa pozisyon *Chairman, Vice-Chairman* eksetera *regarding* lamannman ki pe ganny fer.

Be selman i *still remain* ki ou pour annan lezot lamannman, par egzant lo ki kondisyon e term sa bann dimoun ki pe al ganny apwente lo sa *Board* pour ganny apwente, eski pour bann kondisyon ki pour ganny determinen par *Board PUC*, oubyen zis bann kondisyon ki'n ganny determinen atraver nouvo demann ki Lalwa *PE* pour demande?

Akoz mon pa konnen eski zot pe dir mwan poudir sa kondisyon kot "*shall hold office on such term and such condition as the President may determine*" i tonbe, e ki nou pour pran Lalwa *PE*. Oubyen lekel ki pour marse?

Sanmenm ki mon pe dir poudir i annan bann *adjustment*. Mon konpran nou pe fer en lamannman pour sanz lakanlite dimoun ki lo sa *Board*, mon konpran ou Mr Speaker.

Be *ok* be *still, the fact still remains* se ki ler ou pe apwent sa de dimoun, lo ki kondisyon ou pe apwent sa de dimoun premyerman?

Dezyenmman Lalwa *PUC* pa fer okenn mansyon sa *National Committee responsible for senior nominations*. Mon ti a kontan demann ou Mr Speaker, si ou okouran lekel bann manm sa Komite Nasyonal ki fer bann apwentman *senior* dan Gouvernman?

E i pa lozik pour Lasanble Nasyonal pa konnen, lekel sa Komite Nasyonal ki sipoze fer bann rekomandasyon pour bann apwentman. I pa fer sans - *after all* nou Lasanble Nasyonal nou.

E se sa Komite ki pour deside lekel sa bann manm *Board*, avek Prezidan an konsiltasyon ek Minis ki sipoze deside lekel ki vin lo sa *Board*.

Be koman en Manm Lasanble, mon pe vot en keksoz *blind* la si mon pa konnen. So se pour sa rezon ki mon krwar i bezwen annan en serten travay ki ganny fer, pour *align* sa bann prosedir Lalwa avek sa pour nou konnen egzakteman lekel ki annan rol, lekel ki annan responsabilite vizavi sa bann keksoz.

Mon ti a kontan Minis i klarifye *at least* lo ki kondisyon

zot pour ganny apwente, determinen par *Board*, determinen par Lalwa *PE*? Lekel ki pour fer apwentman Komite Nasyonal, *Board* Minis, Prezidan?

Lalwa *PE* i kler lo lekel ki sipoze fer. So nou pa kler lo la, Mr Speaker pour lemoman, mon pe met devan ou pou Minis kapab eksplike.

MR SPEAKER

Wi Minis i kapab donn en klarifikasyon. Minis si ou annan okenn klarifikasyon. Nou a -

MINISTER

JOUBERT

Mersi Mr Speaker. Mon krwar lapwentman tou bann tranzaksyon ki ganny fer lo kote sa lantrepriz piblik, mon krwar sa Lalwa *PE* i fer kler ki tou bann lareg i devret swiv sa Lalwa.

Alor menm si i annan serten keksoz ki annan doutans lo kote sa Lalwa *PUC*, mon krwar nou pour bezwen refer lo sa Lalwa *Public Enterprise*, ki gouvern nou bann lantrepriz parey *PUC* dan pei, e ki fer nou ava tonm dakor e nou ava anliny ek tou bann lezot lantrepriz dan pei.

Me konsiltasyon mon pa pour kapab fer komanter lo la,

lo lekel sa komite pour lapwentman bann *senior* dan pei, me sa i en keksoz ki mon ava kapab rod sa lenformasyon, me mon napa sa lenformasyon avek mwan lo sa komite. Mersi.

MR SPEAKER

I bezwen en dernyen pwen, akoz nou pe konsider bann keksoz ki an deor sa lamannman la.

HON SEBASTIEN PILLAY

Mr Speaker, mon konpran ou largiman be i pa neseserman an deor lamannman, akoz i konekte ek sa lamannman.

Ou pe al apwent de novo dimoun, e ou Lalwa i bezwen fer provizyon mannyer ou apwent sa de novo dimoun; enkli ou Lalwa statitwar ki kree sa korperasyon enkli Lalwa *PE*, tou lede i bezwen *align* avek kanmarad, mon pe dir ou sa.

Now mon konnen mon napa lakantite dimoun pour mwan anpes sa Lalwa *proceed to a Third Reading*, i byen sa. Me selman mon pe met devan ou, ki mwan mon krwar i en vyolasyon privilez Lasanble, ki si en Lalwa i vin devan Lasanble, e nou fer lamannman ek en provizyon ki an dezakor avek lamannman avek en lot Lalwa, i pour vedir poudir ler sa Lalwa pour kit Lasanble *at the time* ki ganny *assented to*, sa

bann lamannman
consequential pa vini, sa Lalwa
 pour an defo ek sa lot.

E i pa louvraz Lasanble
 dan son louvraz Lezislativ pour
 li fer de Lalwa ki pa ankor ek
 kanmarad. So, mon ti a kontan
 klarifye sa.

Si mwan mon dan dout, *as*
 ki pe arive pour annan lezot
 dimoun ki pour dan dout e mon
 krwar, *for the avoidance of that*,
 Gouvernman ti devret fer en
 travay an plis lo la.

Me malerezman parey
 ou'n dir sa i dernyen keksoz, so
 mon le ki Lasanble lo rikord e
 rikord protestasyon Lopozisyon, an relasyon avek
 pas en Lalwa ki son bann
clauses pa'n ganny armonize
 akoz sa enn ki la i *rely* lo sa lot.
 Mersi Mr Speaker.

MR SPEAKER

Mersi. Ou obzeksyon i lo rikord,
 nou a prosede avek sa
 lamannman ki la, parske se sa
 ki devan nou ozordi e nou
 bezwen settle lo la. Onorab
 Andre - ou annan ankor keksoz
 pour azoute?

HON CLIFFORD ANDRE

Zis enn pti bout Mr Speaker. Ou
 konnen mon ekoute, mon
 konpran ki nou la pour nou fer
 en travay, me selman parey

mwan mon fer en *proposal*, mon
 pa kapab vwar tou keksoz.

e mon sir ki Minis osi pa
 kapab vwar tou keksoz. Mon
 krwar dan lespri travay
 ansanm, kekfwa zot ti'n devret
 ganny sa *proposal* ki Onorab
 Pillay pe dir nou, formelman
 oubyen pour nou kapab *at least*
 travay lo la.

Be sa ki la devan nou,
 annou pran li la, e sa lot ler i
 vini nou ava *deal*, oubyen si i
 annan okenn *issue* nou ava
tackle.

MR SPEAKER

Egzakteman Minis, *panel* mon
 bezwen retourn lo pwen. Eski
 zot annakor avek propozisyon
 ki Onorab Andre in mete, pour
 enkorpor *wording* ki dan *Public
 Enterprise Commission Act* dan
 sa lamannman mannyer in
 propoze?

MINISTER

JOUBERT

Wi Mr Speaker, nou krwar i
 kapab ganny pran an kont e
 mon krwar nou kapab bouz
 devan avek sa sanzman. Mersi.

FLAVIEN

MR SPEAKER

Ok. Dan sa ka mon pour
 demann Onorab Andre pour
 propoz son lamannman pour
 nou vot lo la, e nou a kapab
 prosede.

HON CLIFFORD ANDRE

Mersi Mr Chair. Mr Chair mon pe propoze ki seksyon 4 ki'n ganny anmennen pour amande, seksyon 4(1) i lir koumsa, "the corporation shall be administered by a Board consisting of
 (a) a Chairperson;
 (b) a Vice-Chairperson;
 (c) one representative or nominee from the Ministry of Finance;
 (d) one representative or nominee from the parent Ministry; and
 (e) not less than five and not more than seven persons, who shall be non executive Director appointed by the President by notice published in the official Gazette".

MR SPEAKER

Mersi. Panel i dir zot dakor...

HON CLIFFORD ANDRE

Solman par konsekan Mr Chair, par lefe ki nou'n fini dir ki pour annan en Chairperson, mon propoze ki seksyon 4(2) i tonbe akoz 4(2) i dir ou "the President shall appoint one Member as the Chairperson of the Board", par lefe ki'n appoint the official Gazette sa i tonbe...

MR SPEAKER

Korek sa lamannman i ganny mete. *Point of order* Onorab Pillay, wi?

HON SEBASTIEN PILLAY

Mersi Mr Chairman. Mr Chair, nou annan de lamannman la. Nou annan en lamannman pour *amend* en *clause* e nou annan en lamannman pour *repeal* en *clause*.

So nou bezwen - Lasanble i bezwen rikord de lamannman. Ankor enn fwa mon met devan ou poudir, *this is an abuse of the procedure. If the Ministry is not ready with the law, Lasanble pa kapab fer sa bann sanzman on the Floor.*

The repealing of a clause is a substantial amendment Mr Speaker, and it doesn't have seventy-two hours. It's not an amendment to an amendment. With all due respect i pe amann sa clause ki deza la, be osi pe demann repeal of another clause.

So si Gouvernman pa ankor pare ek son Lalwa, *why are you insisting as the Chair to proceed with this? Ou bezwen akt lo tou lede kote in all fairness...*

MR SPEAKER

I en *amendment*, me i en *consequential amendment*, akoz i dir sa kondisyon in ganny

enkli dan sa *amendment* ki in propoze. Ok okenn lot pwen? Onorab Arissol?

HON SANDY ARISSOL

Mr - Mr Chairman mon krwar pour dan lespri travay ansanm parey in ganny dir avek konsiltasyon avek Minis, mon krwar i 12:41, ti a byen si nou ganny sans zwenn enn pti, kou tou lede kote avek Minis, an konsiltasyon avek nou *Legal Advisor*, ki nou annan kot Lasanble Nasyonal, pour fer sir ki lot kote zot annakor ek sa ki nou pe dir, pour nou pa ganny blanmen nou pe fer keksoz nou tousel.

Mon krwar la ariv en moman pour nou pran *break*, an vi ki mwan ki'n anmenn sa proze Lalwa, mon pe demann sa pour nou kapab retranscrire, an menm tan ki nou'n tonm dakor, pe asire poudir sa ki pe ganny propoze i annakor avek tou sa ki nou pe fer dan Lasanble Nasyonal.

MR SPEAKER

Wi...

HON SANDY ARISSOL

En propozisyon dan lespri travay ansanm.

MR SPEAKER

Mon krwar nou kapab prosed koumsa, si *Bills Committee* avek bann sponsors i kapab dakor lo tou lede pwen ki'n ganny met devan e reprezentant li, reprezentant li devan Lasanble, mon napa okenn obzeksyon nou a propoz sa.

Annefe mon bezwen *adjourn* Lasanble e nou annan en poz ase sarze, mon le dir mon annan en vizit en Lanbasader 1er; mon annan *meeting Assembly Business Committee* 1er edmi, donk nou pour bezwen en pe letan, e mon konnen *Bills Committee* osi ti annan lide pour *meet*.

So nou a *adjourn* Lasanble la e nou a retranscrire 2er edmi, *two thirty*. Thank you.

(BREAK)

MR SPEAKER

Bonn apre midi tou dimoun. Nou kapab retranscrire, lekel ki pour donn nou en rapor lo deliberasyon lo *amendment*? Onorab Andre ou pour retranscrire?

HON CLIFFORD ANDRE

Mersi Mr Chair. Mr Chair, mon krwar letan nou ti'n pran *break*, nou ti'n deside ki dan lespri travay ansanm, nou pour ale e revwar enn pti pe ki mannyer sa *Bill*, i pe ganny prezante, oubyen i annan bann

lamannman ki pe ganny fer, so mon ti ava prefere kekfwa la nou ganny *panel* pour gid nou enn pti pe, lo bann propozisyon.

Annefe kekfwa mwan mon sipoze fer sa bann propozisyon Mr Chair. Parey mon ti'n fer sa propozisyon pour pran konsiderasyon *PE Act* e prenon kont lespri ki Onorab *Leader Lopozisyon*, Onorab Pillay ti'n dir, mon annan sa bann lamannman swivan. Nou plito Mr Chair, fer en *complete repeal of section 4, section 4*, nou'n *repealed section 4* e nou ranplas li koumsa.

Board of the corporation part XI,

MR SPEAKER

En moman ou'n dir ou *repeal section 4* pour ranplas li?

HON CLIFFORD ANDRE

Wi.

MR SPEAKER

Savedir ou pe sanz *section 4*, i pa pe *repeal* i pe sanze?

HON CLIFFORD ANDRE

Wi, nou pe plito *repeal* akoz nou pe met en nouveau...

MR SPEAKER

En lot *section 4*?

HON CLIFFORD ANDRE

Non, en nouveau rekomandasyon an referans avek *section 4*. Wi ki zis pour pran konsiderasyon Mr Chair,

MR SPEAKER

Wi.

HON CLIFFORD ANDRE

Wi i pour reste *section 4*, me solman i pour en lot provizyon ki pour pran konsiderasyon sa ki mon'n dir bomaten ek sa Onorab Pillay in dir...

MR SPEAKER

So...

HON CLIFFORD ANDRE

...dan lespri travay ansanm

MR SPEAKER

...ou pe propoz en *new section 4* la. Ok.

HON CLIFFORD ANDRE

So i pour *new section 4 would be as such* Mr Chair. "Part XI of the Public Enterprise Act 2023 shall apply to governance of the corporation".

Se sa Mr Chair, akoz i pour pran konsiderasyon sa eleman lo *quorum*, enkli lapwentman nonm lo en *Board* e lafason ki zot ganny apwente lo *Board*.

MR SPEAKER

Wi.

HON CLIFFORD ANDRE

So i pour pran konsiderasyon tousala savedir *part XI* ki pour ganny mete la, dan (4), akoz li ki pour pran sa konsiderasyon an referans ek tou sa ki nou'n diskite bomaten.

So letan nou retournen i pour annan en *complete revamp of the Act*, me selman i ava bann lezot part, ki relevan ki Minister i santi i neseser pour li fer.

MR SPEAKER

Annou...

HON CLIFFORD ANDRE

Mersi Mr Chair.

MR SPEAKER

Annou *Panel* ou kapab adrese si sa i annord avek sa ki zot oule?

MINISTER JOUBERT

Mersi Mr Chair. Mr Chair, si i satisfer bann prosedir pour nou fer sa travay lo sa Lalwa, nou krwar i *ok*, nou kapab aksepte. Mersi.

FLAVIEN

MR SPEAKER

Wi, annefe mwan an term prosedir ki nou'n fer, mon bezwen regard li koman en *amendment*, en *amendment of section 4*. Menm si ou'n tir tou

sa ki annan dan *section 4* ou'n ranplas li par novo *wording* *section 4 is amended*.

So an term sa kalite prosedir, mon krwar i annord avek sa ki nou fer. So eski Manm i annan okenn kestyon, pwen? *Ok*, be nou bezwen-Onorab Hoareau?

HON JOHN HOAREAU

Mersi Mr Speaker. Mr Speaker dan "*Arrangement of Sections*", mon krwar i annan en lamannman, mon pa konnen si Onorab Andre in fer resorti, so sa osi fodre i ganny resorti *for the records*. So nimero "3" *repealed*, apre i tir sa bout "*Amendment of section 8*".

MR SPEAKER

Onorab Andre?

HON CLIFFORD ANDRE

Mr Chair sa i korek, ki fer ki osi lo 2 *arrangement of section*, dan plas met "*amendment*", nou pour met "*repeal of section 4*", ki i fer sa lamannman neseser. E par konsekan dan *repeal*, dan plas *amendment* letan nou arriv lo 8, nou pour met "*repeal of section 8*", parey i reflekte dan nou *arrangement of section*, e i pour zis koumsa, *section 8 of the principal Act is repealed*.

MR SPEAKER

Section 8, 8 of the principal Act is repealed konpletman. I sorti li.

HON CLIFFORD ANDRE

Yes, yes akoz wi definitivman akoz i pe pran sa konsiderasyon *part XI*, ki pour pran sa eleman *quorum*, ki ganny kouver dan *PE Act*.

MR SPEAKER

Wi. Me petet ou devret eksplike ki ti annan dan *section 8* ki pe ganny *repealed*.

HON CLIFFORD ANDRE

Bon. Ok. Mersi Mr Chair, seksyon 8 ki pe ganny *repeal* Mr Chair sete sorti 3, pour li vin 6. So prezan par lefe ki dan *part XI of the Act*, ki koz lo *Board of Directors*, i annan ki kantite dimoun ki ganny apwente lo *Board*, lafason ki zot ganny apwente lo *Board*, e osi tous seksyon *quorum*. So, *it all*, i ganny pran an konsiderasyon ladan. Mersi Mr Chair.

MR SPEAKER

Savedir tou bann *amendment* i ganny vwar dan *section XI*.

HON CLIFFORD ANDRE

Anba *part XI, PE Act*, wi

MR SPEAKER

Anba *part XI of the Act*. Ok, be nou pe fer diferan keksoz la. Mon ti a kontan tann propozisyon *legal draftsperson* si sa i annord avek mannyer son Lalwa i ganny prezante?

<u>ASSISTANT DRAFTSPERSON</u>	<u>LEGAL VANIA MARIMBA</u>
--------------------------------------	-----------------------------------

Mersi Mr Speaker. Wi sa propozisyon i an *line with everything*.

MR SPEAKER

Ok. Dan sa ka Onorab Andre, mon krwar nou bezwen mansyonn sa bann sanzman ki ou pe fer, e nou a pran en vot lo zot.

HON CLIFFORD ANDRE

Ok mersi Mr Chair, pour ankor enn fwa, pour nou pran konsiderasyon bann diskisyon ki nou'n fer bomaten, dan *Arrangement of Sections*, nou pour annan:-

Short titles, 1.

2. Repealed of section 4 e

3. Repeal of section 8

Eski sa i korek panel, en? So zis pour mwan pa - sa i korek.

MR SPEAKER

Ok madanm *draftsperson* i dir sa i korek, i annord, wi.

HON CLIFFORD ANDRE

Ok prezan mon pour lir ki mannyer sa Bill i aparet.

“Short title,

1. This Act may be cited as the Public Utilities Corporation (Amendment) Act, 2023”. Full stop.

Repeal of section 4

Section 4 of the Public Utilities Corporation Act, Cap. 196 (hereinafter referred to as the “principal Act”) is repealed or is hereby repealed and substituted with the following new section.

“Board of the Corporation”

“4”, ki pour reflekte lo sa main Act, so “4 Part XI of the Public Enterprise Act 2023, shall apply to governance of the corporation”

...

MR SPEAKER

Yes, thank you.

HON CLIFFORD ANDRE

Prezan ekoute Mr Chair. Sorry prezan letan mon'n arriv lo, *“Repeal of section 8”*, li i pour lir koumsa,

“Section 8 of the principal Act is hereby repealed”. Mersi.

MR SPEAKER

Thank you.

HON CLIFFORD ANDRE

Mersi.

MR SPEAKER

Si - eskiz mwan si mon repeete, mon le fer sir ki nou konpran nou tou. Savedir ou pe pran wording ki annan dan *Public Enterprise Act*, e ou pe met li ladan dan ou *government* lo sa part XI. Ok, konpran sa i a ganny – ou pa ankor fini Onorab Andre?

HON CLIFFORD ANDRE

Non-Mr Chair i, nou pa pe – nou pa pe pran li pour reprodwir li ladan.

MR SPEAKER

Non nou pe - Non ou pe zis aplik li ladan...

HON CLIFFORD ANDRE

Wi. Very well...

MR SPEAKER

I pe fer referans avek the original Act...

HON CLIFFORD ANDRE

Yes, yes.

MR SPEAKER

...pe dir this part of the original Act will apply la.

HON CLIFFORD ANDRE

Yes, yes.

MR SPEAKER

Ok. Mon krwar sa, mwan mon'n konpran li tre byen mannyer

ou'n mete la, e si Manm napa lot kestyon nou a ganny Mosyon segonde. Onorab Hoareau.

HON JOHN HOAREAU

Mr Speaker, mon le segonn sa lamannman ki'n ganny propoze. Mersi.

MR SPEAKER

Mersi. Manm ki an faver lev lanmen silvouple? *Sorry?* Ok Manm ki annan faver lev lanmen silvouple? *Thank you.* Manm ki kont. Lo *amendment proposed* dan *Public Utilities Corporation (Amendment) Bill, 2023* - 17 Manm in vot pour o kont, 6 abstansyon. Mersi.

Alor sa *amendment* in pase e nou'n fini avek *amendment*? Ok nou'n fini avek *amendment*. Dan sa ka nou a repas dan Staz Lasanble pour nou fer *Third Reading*.

Byen nou a ganny Mosyon pour *Third Reading*? Onorab Arissol?

HON SANDY ARISSOL

Mersi Mr Speaker. Bonn apre midi ankor enn fwa tou dimoun. Mr Speaker anba *Order 76(1)* mon le *move* ki *Public Utilities Corporation (Amendment) Bill, 2023 as amended*, i ganny lir en Trwazyenm Fwa. Mersi.

MR SPEAKER

Mersi. Segonde.

HON REGINA ESPARON

Mersi Mr Speaker. Mr Speaker mon pe segonn Mosyon, pour ki the *Public Utilities Corporation (Amendment) Bill, 2023 as amended* i ganny lir en Trwazyenm Fwa. Mersi.

MR SPEAKER

Mersi. Manm i a vot lo *Bill* pour *Third Reading*. Manm ki an faver lev lanmen silvouple? Manm ki kont? Vot lo *Third Reading Public Utilities Corporation (Amendment) Bill, 2023 as amended*, 18 Manm in vot pour, 0 kont e 6 abstansyon. *Bill* in pase par Lasanble. Madanm Clerk a fer *Third Reading*.

MADAM CLERK

Mersi Mr Speaker. *This Act may be cited as the Public Utilities Corporation (Amendment) Act, 2023.* Mersi Mr Speaker.

MR SPEAKER

Mersi. *Bill* in prezan pase par Lasanble lo *Third Reading*. E nou'n terminen avek sa *Bill*, nou annan en lot *Bill* devan nou. E i 3er mon krwar nou kapab pran sa *Bill*, menm ki annan, ki letan i kapab kourt,

me selman mon krwar i nou responsabilite pour kontinyen travay kan nou annan en *item* lo *Order Paper*.

Nou a repas dan staz Lasanble silvouple e mon krwar mon bezwen dir orevwar sa delegasyon ki la, akoz zot in fini zot latas avek nou. Mr Valmont, Ms Bradburn e Ms Marimba i reste pour *next panel*. Mersi madanm reporter, ou ava apel nouvo *panel*.

(PUC delegation was excused from the House)

MR SPEAKER

Bonn apre midi Mr Tony Imaduwa *Principal Secretary* pour Sanzman klima e Ms Sharon Gerry *Senior Legal Officer* dan Minister Lagrikiltir Sanzman Klima e Lanvironnman. Mersi pour zwenn nou, pour konsiderasyon sa *Bill*.

Nou pe pran *Declassification as Domaine Public (Providence Lagoon) Bill, 2023*. E nou a pran Mosyon pour *Second Reading* sa *Bill*. Onorab Arissol.

HON SANDY ARISSOL

Mersi Mr Speaker. Bonn apre midi bann nouvo Manm lo lekip *panel* Minis ki'n zwenn nou. Mr Speaker avan anba *Order 69(2)*

mon move ki *Bill Declassification as Domaine Public (Providence Lagoon) Bill, 2023*, Bill 13 of 2023 i ganny lir en Dezyenm Fwa. Mersi.

MR SPEAKER

Mersi. Segonde? Onorab Esparon?

HON REGINA ESPARON

Mersi Mr Speaker. Mr Speaker, mon segonn Mosyon pour ki *the Declassification as Domaine Public (Providence Lagoon) Bill, 2023*, i ganny lir en Dezyenm Fwa. Mersi.

MR SPEAKER

Mersi. Minis mon a demann ou pour prezant *Bill* pour Lasanble.

MINISTER

JOUBERT

Mersi Mr Speaker. Bonn apre midi ankor enn fwa, bann Manm Lasanble Nasyonal e osi bann dimoun ki pe ekoute. Mr Speaker, bann Manm Lasanble Nasyonal ek bann dimoun ki pe swiv nou bonn apre midi.

Mr Speaker, se avek plezir ki nou prezant avek Lasanble ozordi en nouvo propozisyon Lalwa ki an Angle i apel *Classification as Domaine Public (Providence Lagoon) Bill, 2023*.

FLAVIEN

Sa Lalwa i enn ki'n ganny ekrir pour siport bann zefor pour devlop nou Sekter Lenerzi Renouvlab. Parey zot konnen lo lapar Minister ki responsab pour Lenerzi ek Lanvironnman, Komisyon Lenerzi ansanm ek PUC, pe enplimant en proze fotovoltaik 5megawat lo lagon Providence.

Sa proze pour premye proze *Independent Power Production* oubyen – wi. Premye proze *Independent Power Producer* isi Sesel e osi enn bann pli gran laferm fotovoltaik lo delo sale dan lemonn.

Anba sa striktir *IPP*, lakonpannyen ki pour ganny sa *tender*, en lakonpannyen ki apel *Qair* oubyen *Qair* pour fer finans konstrir en *operate* sa laferm fotovoltaik pour en peryod 25an.

En eleman enportan pour garanti sa proze se proteksyon ki – sit ki'n ganny idantifye pour lenstalasyon sa bann pano soler.

Sa i tre enportan, pour donn lasirans sa lakonpannyen ek son bann envestiser e sa sit demarke e proteze e ki akse i ganny restrikte.

An fezan sa nou pa pour zis protez bann lekipman me osi, protez performans sa laferm fotovoltaik anba sa

Kontra ki i pour annan avek Leta Sesel.

An se moman sa sit, i dan domenn piblik, e i osi napa en Lalwa spesifik ki govern pas bay, ouswa pas en *lease* lo sa bann sit kot i annan delo ouswa ki ganny trouve dan domenn piblik. Swivan diskisyon avek Lofis Attorney Zeneral, nou'n deside pour devlop en Lalwa nouveau ki retir sa lespas dan domenn piblik e met li dan domenn prive avek bann demarkasyon spesifik, relye ek sa proze.

E sa pour fer li posib pour nou antre dan en Lagreman avek sa lakonpannyen, pour donn zot serten drwa, lo litilizasyon sa sit an relasyon avek sa proze - pandan letan ki zot pe enplimant sa proze (pardon). Bann provizyon prensipal sa Lalwa se pour reklassifie sa sit delo pour met li dan domenn prive, deklar sa sit koman en sit proteze, e donn Minis pouvwar, pour etablir kondisyon pour itilizasyon sa sit e osi donn en lot drwa pour litilizasyon sa sit par sa operator.

Sa pour ganny fer anba en desizyon Polisi avek Gouvernman. Finalman pour annan en *exclusive right agreement* ki pour ganny etablir avek sa konpannyen *Qair* e

Gouvernman pou donn zot drwa eksklisiv lo sa sit ki'n ganny demarke anba sa Lalwa, pour zot servi pour enstal zot laferm fotovoltaik.

Mersi Mr Speaker. Nou pare pour reponn bann kestyon e klarifikasyon ki bann Manm Lasanble Nasyonal i annan apre midi. Mersi.

MR SPEAKER

Mersi Minis. Nou a ouver lasal pour deba. Onorab Monthy.

HON PHILIP MONTHY

Mersi Mr Speaker. Bonn apre midi Minis avek ou delegasyon. Mr Speaker, mon pa pou tro long, me selman vi ki sa proze i en proze ki retrouve dan labe Providence e ki trouve dan mon distrik Cascade, e ki mon annan serten zabitan ki'n anvoy mwan mesaz, ki pe rod serten lenformasyon lo sa proze.

Zot annan serten mon kapab dir konsern me selman serten lenformasyon osi ki petet zot napa, ki ozordi la ler sa morso Lalwa i devan Lasanble si zot pe swiv, zot a kapab ganny sa bann lenformasyon an menm tan ki diskisyon pe deroule.

Mwan koman en dimoun ki an faver, lenerzi renouvlab i en proze ki mon pour siporte. Ok me selman an menm tan

antan ki Manm Elekte pour distrik Cascade, mon pou bezwen annan serten konsern ki mwan mon ava met devan Minis ler i ava rann son repons, i ava klarifye.

Ok, mon konnen ki sa ti en proze ki'n ganny inisyé anba ansyen Gouvernman depi an 2018, e lagreman ti ganny sinyen resaman mon rapel mon'n ganny envite pour sa sinyatir lo sa bato, me selman anvi ki nou ti annan en komitman mon pa ti kapab attend.

E sa ti ganny sinyen par PUC lo lapar Gouvernman Sesel e avek sa lakonpannyen ki mon krwar i mon krwar mon mazinen i en lakonpannyen *Francais*, si mon pa tronpe - ki spesyaliz dan prodiksyon lenerzi renouvlab.

Parey mon'n dir i en langazman ki mon pour siporte, an vi ki pe ede ranforsi komitman Sesel pour investir plis dan lenerzi renouvlab, pour ede konbat *climate change*.

E mon konsern parey mon'n dir, se byennet lanvironnman dan sa morso lagon e osi lenpak ki sa petet i kapab annan, lo bann zabitan, e spesifikman mon annan en madanm ki reste la dan sa rezyon ki'n anvoy mwan en mesaz detrwa zour pase.

So konsern ki mwan mon pour annan ki ma mete petet Minis i a kapab klarifye se mouvman bato ek bann zabitan dan sa lagon. Eski mouvman i garanti, vi ki sa proze pour okip en sirfas ase konsiderab dan sa lagon?

Nou konnen ki sa bann pano i annan serten refleksyon ki zot kapab anmennen. Eski sa pa pour poz en lenkonvenyan pour bann zabitan ki reste la dan sa rezyon Providence?

Eski i annan lasaler ki sa bann pano i pour emite ki petet i kapab afekte zot? Eski i annan tapaz ki asosye ek sa proze? Akoz deza pa tro lwen nou annan en problemm avek CCCL, ki plizyer zabitan Brillant e Petit Paris - mon konnen ki CCCL pe prodwi materyo konstriksyon a en pri ase tre rezonnab, ki ede fer desann pri konstriksyon dan pei, mon pa anvi ki i sorti ki ale.

Me solman an menm tan, nou bezwen *monitor* son bann aktivite pour fer si ki pa vin en nwizans pour zabitan e pour lanvironnman.

So nou annan CCCL e la pa tro lwen nou pour annan sa proze pano soler. So, i en pe bokou pour bann zabitan sa rezyon.

Mon ti a voudre garanti lasirans Minis ek bann teknisyen ki sa pa pour vin en

problem pour bann zabitan sa rezyon.

E enn pti pe osi Minis si ou ti kapab koz ek nou lo rezulta *EIA* ki ti ganny fer, ki pour asir en pe distrik Cascade e bann zabitan ki sa proze i pour en proze ki pour ki *safe*, ki pandan 25an ki mon pe gete sa Lagreman i dire, i pa pour vin dan en lenkonvenyans pour mon distrik e mon bann zabitan dan distrik, dan sou distrik Brillant.

Se tou ki mon ti annan poudir Mr Speaker, mon a espere ler Minis i fer i fer son repons pour donn mwan sa bann garanti, sa bann lasirans. Mersi.

MR SPEAKER

Mersi Onorab. Mon apel Onorab Aglae.

HON EGBERT AGLAE

Mersi Mr Speaker. Bonn apre midi Minister PS e ou Manm *panel* e tou dimoun ki a lekout. Mr Speaker, sa *Bill* ki devan nou la, mon plito annan serten leklersisman ki mon ti a voudre gannyen avek Minis.

An vi ki *Bill* li menm dan son *title* i zis *Declassification as Domaine Public (Providence Lagoon)* e nou tou nou konnen kote providence i ete, mon sa ki mon anvi konnen - an vi ki osi i

annan bann biznes en kote ki tonm dan sa kategori sa *area* ki deza ganny etablir, *ok?*

E an menm tan lo en lot kote, ou annan bann landrwa ki i annan bann *residential* letan mon pe get sa map ki'n atas ek sa *Bill*. *Ok?*

Premyerman,
klasifikasyon aktivite ou'n nonm fotovoltaik Minister, *ok*. Eski sa i sel aktivite ki pe al ganny permet, akoz i pa mansyonnen dan Lalwa sa aktivite li, mon pa pe vwar mon pa'n vwar petet koriz mwan si mon mal.

Eski si sa ki aktivite ki pour ganny permision pour ganny fer, letan zot pour antre in *agreement* avek en *parties* ouswa en konpani, en konpani li menm, si nou pour antre ek en konpani ki tonm dan sa domenn, dan sa landrwa?

Lot pwen se parfwa nou ganny - i annan bann rekomandasyon, bann *request* ki vin devan *for* - la mon pe koz ou avek *residential*, *it can be in business* osi pour annan bann *reclamation* ki ganny fer, dan sa bann landrwa e in arive dan sa bann landrwa parey Providence laba.

Eski sa pour ganny pran kont osi si i annan okenn demann ki'n vini ki *pending* ouswa ki'n *approve* pour fer

bann *extension and reclamation* dan sa landrwa? Ok, eski zot pour get li ouswa poudir non anba sa novo partenarya okenn endividé ki annan son propriete ki bordaz sa *lagoon* li menm, pour napa drwa fer okenn aktivite?

E dernyerman petet lo en size *timeline*, li menm li. Letan ou pou'n antre anfors avek en parti, en lagreman pour li kapab *go ahead* avek son aktivite ki i ti ganny agree. Eski pour annan en dirab letan ki zot pour preskri?

Parey ler ou pe *lease* en later ou dir be *ok* mon pour pey 60an, 50an, 99an eski sa osi pour pran kont ki pour ganny mete atraver anba nou kot i konsern klasifikasyon anba nou *Town and Country and Planning* tousala pour ganny anrezistre atraver bann prosedir ki normalman i ganny fer, parey si ou ti pe zer mon demann Gouvernman pour *lease* mwan en landrwa, swa pour mwan proteze, ki Lalwa i annan ki permet sa, eski sa osi pour ganny pran an sa laliny an term prosedir?

So, sa bann leklersisman ki mon ti a kontan gannyen pour enn pti pe pli kler lo la. Mersi.

Mr SPEAKER

Mersi Onorab. Onorab Hoareau.

HON JOHN HOAREAU

Mersi Mr Speaker. Bonn apre midi tou dimoun a lekout. Mr Speaker, si nou rapel byen, detrwa semenn pase nou ti pas en *Bill* isi dan sa Lasanble ki apel *Utility Regulatory Commission Bill*.

E sa *Bill* ti annan pour *comme* son bann provizyon ladan, pour annan en Komisyon ki la ki pour debout regle - si oule aktivite lenerzi renouvlab.

E osi regulariz bann keksoz ki annan pou fer avek *PUC*, vedir delo, *sewage* e elektrisite.

Alor parey son bann lobzektif i dir i la pour li mentenir pri stabilite, stabilite dan pri, pour fer sir ki lenerzi i abordab e pour fer sir ki nou pei i zwenn son bann target, par egzanp target pour *renewable energy* par pour 15poursan par lannen 2030, e osi bann *SDGs goal* 13 ki nou pei in siny anba bann Konvansyon *UN*.

Mr Speaker, ozordi *PUC* pe pey environ 926 milyon par lannen lo *heavy fuel oil* avek *light fuel oil*, ki sa de sours lenerzi prensipal ki pe ganny servi pour zener elektrisite.

Si nou get byen dan sa *energy mix*, 85poursan lenerzi

sorti dan *heavy fuel oil*, 10poursan dan *light fuel oil*, ki fer nou 95poursan e ler nou pe get bann *renewable sources* nou vvar poudir *solar farm* i zwe en rol anmenn apepre 1.45poursan, *roof top PV* i apepre 1.61poursan e *wind* i apepre 1.154poursan.

Alor ler nou pe get nou target ki 15poursan *by 2030* nou vvar poudir i annan lespas pour *renewable energy*, isi Sesel pour sa biznes. E Gouvernman byen lontan in realize poudir sa domenn provide lenerzi, i kapab en domenn ki *private sector* i kapab zwen en gran rol pour ede ki Gouvernman i kapab *meet* son bann *target*.

Whilst ki Gouvernman pe konsantre plito lo bann *network* bann *national grid* e osi pour amelyor bann fasilite ki deza an egzistan, Gouvernman osi pe ankouraz sekter prive pour zwe son rol koman *independent power provider*.

E la sa landrwa ki pe ganny tire dan domenn publik i pe ganny - i pe al ganny lwe, pe al ganny *lease* si oule avek en lakonpannyen ki apel *Qair* e sa lakonpannyen i osi annan Seselwa ki *partnership* ladan.

Alor a tout fwa ki Gouvernman pe *provide* lespas pour Sekter Prive antre dan

prodiksyon lenerzi, i pe osi - nou vvar ki Seselwa osi pe ganny en partisipasyon dan sa bann lakonpannyen.

I pa zis etranze ki fer vini, me i Seselwa osi ki pe *join* avek sa bann lakonpannyen pour kapab *provide* lenerzi.

Alor dan li menm sa i pe ede *towards* sa zefor kot nou pe anmenn sa prensip *carbon neutrality* e osi pe donn *job and opportunities* pour Seselwa kapab travay dan sa bann lakonpannyen, e osi i pe met sa ki nou toulstan dir manze dan labous Seselwa.

Mr Speaker, an prensip, mon santi mwan ankouraze ki Gouvernman in pran sa linisyativ pour les bann Sekter Prive, pour kapab antre dan sa domenn *provide* lenerzi, koman bann *producer for energy*, e ki zot kapab vann sa lenerzi avek *PUC* - sa ki nou apel antre dan en *purchase*, *Power Purchase Agreement* avek *PUC* - pour zot kapab vann sa lenerzi.

E ki a lafen dizour Seselwa i ava benefisyé avek en pri lenerzi ki abordab e en pri lenerzi ki stab e osi enn ki vreman ba.

Mr Speaker, an di-z-an sa mon ti ava kontan konnen ki Minis i kapab rann nou sa larepons ler i fer son *summary*. Ki pour arive apre sa 25an ki sa

lakonpannyen pour *lease* sa bann propriyete?

Nou konnen poudir i annan osi problem enternasyonalman avek bann keksoz parey bann *waste*, si oule - ki kapab - dizon prodwi ler ou *decommission* bann gran, gran *farm solar voltaic*, so ki pour arive ek sa bann keksoz? Ki fason pour ganny *dispose*?

Si i kapab dir nou enn pti pe lo sa, donn nou enn pti pe lide ki mannyer sa bann keksoz pour fer, ki i dan fason nou pa pour vvar sa pe degiz nou lanvironnman pli tar, oubyen in ganny *stack* serten landrwa ki nou pa konnen ki mannyer nou pour kapab fer avek?

Mr Speaker, avek sa parey mon'n dir, mon vreman apresye ki Gouvernman in fer, in kree sa loportinite pour les sekter prive antre dan prodiksyon lenerzi. E i annan menm dimoun ki'n telefonn mwan ki'n demann mwan, en pe lenformasyon lo la.

Mon'n diriz zot pour al ver *PUC*, pour al ver *energy* ver *Utility Regulatory Commission* ki pour - ki pe al ganny *set up* byento ki ou ranplas sa *Energy Commission* - pour zot kapab ganny ase nide, ase lide, ase lekspertiz oubyen lansennyman si oule, lo ki fason pour antre dan sa kalite biznes. Mr

Speaker avek sa, mon a remersi ou.

MR SPEAKER

Mersi Onorab. Onorab Cosgrow?

HON WALLACE COSGROW

Mersi Mr Speaker. Bonn apre midi tou dimoun. Mr Speaker, mon kontan mon'n pran laparol apre Onorab John Hoareau, e mon kontan mon tann Onorab John Hoareau dir depi byen lontan Gouvernman in realiz.

Akoz zot la zis 3an zot, me solman depi byen lontan Gouvernman in realiz potansyel lenerzi renouvlab dan devlopman sekter lenerzi Sesel.

E wi, wi i en Polisi, i bann Polisi ki ozordi pe ganny aplike par Gouvernman dizour. Bann Polisi i reste bann Polisi, stratezi, formile par Gouvernman oparavan, bann Polisi byen fonde, bann Polisi avek vizyon kler, kan mannyer Sesel pour bouze an sa ki konsern lenerzi renouvlab.

Mr Speaker, Sesel i reste enn bann pei pli elektrifye dan Lafrik, si pa nimero enn dan Lafrik an term elektrifikasyon; enn bann rar pei kot nou pour ale ki kantmenm en dimoun i reste lwen lo montanny i annan en poto elektrik ki monte malgre *the cost*, en poto elektrik

i monte e i ganny en laliny kouran pour li kapab elektrifye son lakour.

So, i annan en kantite keksoz ki'n ganny fer diran en kantite lannen, pour asir sa nivo elektrifikasyon, nivo lenerzi ki ozordi nou sitwayen nou pep, nou pei pe *enjoy* ozordi.

So basically, ou leve bomaten ou pez en bouton, ou pez en bouton lalimyer i alimen. Si ou lev granmaten menm, pa bezwen alim okenn labouzi, ou leve ou al dan lakwizin ou pez en bouton boulwar i bwi; pez en lot bouton ouver tiyo delo i koule.

So sa en travay ki'n ganny fer, en plan byen kalkile, byen elabore ki'n ganny fer depi de lannen e lannen e lannen.

E mon kontan Onorab John Hoareau i realize ki Gouvernman depi lontan i annan sa bann plan, e i pa bann plan ki'n fek arive ozordi bomaten.

Mr Speaker, sak fwa mon nonm plan, i annan detrwa Onorab konmsi zot enn pti pe eksite lot kote, me selman les mwan kontinyen.

Mr Speaker devlopman lenerzi renouvlab Sesel – non les mwan pran li koumsa; Sesel in toultan ganny rekonné, in toultan ganny apresye pour son

bann Polisi Environnmantal e bann Polisi tre kler an sa ki konsern proteksyon lanvironnman.

E Polisi Developman Lenerzi Renouvlab i tonm osi dan sa laliny proteksyon lanvironnman. In ganny dir boner oparavan ki demars pour amplifie servi lenerzi renouvlab, i en demars ki ganny fer an relasyon avek proteksyon lanvironnman avek proteksyon nou plannet kont sanzman klimatik e Sesel in toulstan *at the forefront of* tou sa bann zafer, malgre nou groser. Me nou toulstan *at the forefront of* sa bann nide, sa bann prensip e sa bann aksyon pour fer sir ki lemonn i bouz ver, pli pre ver en lemonn pli soutenab.

E sa proze lenerzi renouvlab lagon i en proze ki'n komans en pe letan, son bann *process tender*, son bann diferan prosedir in komans en pe letan.

Me mon panse ki avek letan *COVID*, in met enn pti pe retar, petet pour kapab fer bann sinyatir bann diferan dokiman. Me finalman sa proze in vin, in vin – pe vin an operasyonnel, in pran en kantite letan, en kantite zefor en kantite letan, en kantite zefir en kantite dimoun.

E i en proze Mr Speaker ki form parti nou Polisi, Polisi pei pour demokratiz lenerzi renouvlab, pour increase lenerzi renouvlab. E i en proze ki dan le fitir mon santi i devret pe ganny *replicate*, petet pa neseserman lo lagon, me solman lo bann lezot lespas maritim kot nou kapab, nou annan posibilite - mon konnen i difisil petet nou kalite letan ki nou annan, nou vandswet enn ler i fer li difisil, me solman i devret ganny replike.

Me pour mwan vin pli pre avek sa *Bill* ozordi Mr Speaker, i annan enn de kestyon, menm si mon konnen ki poudir sa, or mon santi poudir sa i en proze benefisyab pour Sesel, me mon annan enn de kestyon an ki konsern sa Lalwa ki devan. Nou e lafason petet ki keksoz pe ganny fer pour nou kapab arriv lo nou pwen final.

Mon premye kestyon Mr Speaker, i an sa ki konsern - annefe i konsern sa trwa pwen dan *purpose of the Act*. Mon premye kestyon i an se ki konsern *declassification of* sa *area* pour fer li vin en *public domaine*.

Now, i en area kot ozordi tou dimoun pe kapab enjoy or nenport ki Seselwa i kapab *enjoy*, e napa restriksyon dan sa *area* pour okenn Seselwa.

Boner Onorab Monthy in koz lo bann dimoun ki reste o bor annefe i en konsern en pe letan, bann dimoun ki sirtou bord avek sa bout lakot ki vir lo kote Cascade.

In annan bokou konsern parmi sa bann dimoun lo sa proze ki pe vin enstale dan lagon. Bokou konsern an term valer zot propriete ozordi, valer zot propriete ozordi apre ler sa proze in fini ganny enstale.

So zot santi ki petet ki sa lenstalasyon i kapab degrad valer zot propriete. Zot santi petet akse avek lagon pour zot sirtou atraver bato, bann *pleasure boat* i riske vin en difikilte pour zot.

E zot osi konsernen avek sa lenstalasyon ki pe ganny mete e bann diferan lefe ki sa lenstalasyon petet i kapab annan lo zot koman bann endividé ki viv dan sa landrwa.

So, mon krwar i enportan ki nou adres sa bann, sa bann konsern pour sa bann fanmir sa bann proprieter ki viv, ki viv dan sa landrwa.

Dayer i en konversasyon ki'n komanse depi byen lontan, mwan menm mon rapel mon'n deza zwenn avek enn sa bann proprieter.

Mon krwar i enportan ki Gouvernman i pran kont sa, e

Gouvernman i osi adres konsern sa bann proprieter.

Mr Speaker, mon kestyion an sa ki konsern deklasifikasyon sa landrwa koman en domenn piblik, eski i neseserman bezwen ganny deklasifye koman en domenn piblik, pour kwa pa ki nou - akoz nou annan lezot landrwa ki nou donn dimoun *lease*.

Petet ekliersi mwan an term legal, eski sa landrwa i bezwen neseserman ganny deklasifye pour kapab fer sa proze, ouswa sa zafer deklasifikasyon pour donn serten sekirite sa developer, me konsiderasyon sete pour donn sekirite sa developer?

Eski sa se menm konsiderasyon? Eski ti annan lezot loportinite, lezot fason ki Gouvernman ti kapab ale pour kapab donn sa *area* sa developer, me non san deklasiye sa landrwa koman en domenn piblik?

So sa i en kestyion ki mon pe poze, mon ti a kontan bann dimoun legal i klarifye mwan, i klarifye pep Seselwa. Akoz ou konnen si ozordi nou pe deklasifye en landrwa pour en proze, pour en *purpose* domenn piblik, demen nou ouver en laport presedans kot nou kapab vvar nenport ki dimoun i vini komans demann pour

declassify domenn piblik partou.

Demen ou vwar en gran etranze avek bokou milyon, avek bokou larzan i vini e nou Seselwa, nou komans perdi landrwa kot domenn piblik e nou Seselwa prezan nou bezwen vwar nou pe donn sa bann landrwa sa bann etranze. So, sa i enportan.

E i annan en bout an sa ki konsern lanvironnman Mr Speaker. Eski in annan serten konsiderasyon environmantal dan sa landrwa, an sa ki konsern valer environmantal sa landrwa?

Mon konnen i annan en pe *mangroves*, mon konnen souvandfwa lanvironnman in fer diferan vizit laba, an relasyon ek bann lezot devlopman kot in annan serten restriksyon.

So eski in annan serten reprezentasyon, par egzant atraver bann *environmentalist* bann dimoun lanvironnman ki'n - akoz i annan bokou konmela, bann dimoun ki annan lentere nou'n vwar tou resaman par egzant kot devlopman lotel Anse La Mouche, i annan bann *environmentalist*, bann dimoun ki konsernen avek lanvironnman, ki'n fer serten reprezentasyon.

E rightly so zot annan serten konsern kot zot vwar lanvironnman pa pe ganny byen mentenir, pa pe ganny byen adrese,

Me malerezman Mr Speaker, ozordi ler nou vwar sa bann dimoun vin devan, zot fer serten konsern, zot met serten pwen devan, zot ganny trete koman bann mous, mon pa pour nonm sa lot, zot konnen ki'n ganny dir, konmsi zot pe enterfer dan tou keksoz. Me nou konnen avan 2020 tousala ti posib.

E menm i annan proze ki ti ganny propoze e ki Gouvernman ti bezwen arete, akoz *environmentalist* ti *lobby*, *lobby* tre for, e ozordi ler sa bann menm dimoun i vini, nou tret zot tou sord kalite fason, ki pour mwan Mr Speaker i pa akzeptab.

Si zot annan en pwen konsern, si in annan bann pwen konsern par bann *lobby environmentalist* pour kapab donn en leklersisman lo sa landrwa - si i annan en valer environmantal so Minis petet ou a kapab re klersi sa.

Mon dezyenm Mr Speaker, i an sa ki konsern spesifye sa landrwa koman en *protective area*. Now mwan mon'n al get dan Lalwa *Protected Areas*, e mon'n vwar ki poudir mazorite

or tou bann landrwa ki'n ganny dezinyen koman bann protected areas, sete bann Government assets.

Ok si ou al dan sa lalis, dan sa Lalwa ou pour vwar dan sa lalis, se plizoumwen bann Government assets ki ganny proteze, bann assets Gouvernman byen stratezik ki bezwen ganny proteze.

Me ozordi nou pe demann nou Gouvernman, pe deklasifye en landrwa piblik, en domenn piblik pour pas avek en antite prive. So eski – mwan mon vwar li enn pti pe drol – eski ti napa en lot kalite laranzman ki ti kapab ganny fer, dan plas deklar sa landrwa koman en *protected area* anba *Protected Areas Act?*

Eski nou ti bezwen neseserman deklar li en *protected areas?* Akoz pour mwan mon pa vwar li en *asset stratezik* pour Gouvernman *unless* lezot dimoun i vwar li en lot fason.

Nou annan, nou annan PV lo zil Romainville sa PV menm groser mon panse, annefe enn pti pe pli gro akoz i annan en 5megawat avek 1megawat aepre 6megawat lo zil Romainville i pa en *protected area*.

So ki rezon ki zot in vin avek pour ki zot bezwen deklar

sa landrwa la koman en *protected area* e ganny serten proteksyon parey bann *asset* Gouvernman, parey Por, parey danm, parey SBC, so pour ki rezon nou bezwen deklar li lo sa nivo *protection?*

Eski i annan en motif par deryer pour protez serten dimoun serten lenvestisman ki serten dimoun pe met ladan. So tousala Mr Speaker mon krwar Minis i devret adrese.

Mon dernyen pwen mon pour pran enn pti pe – enn pti morso letan lo la pa bokou. Mon dernyen pwen i an sa ki konsern sa Lagreman pour *Exclusive Rights* pour sa lakonpannyen.

Now, nou'n koz lo longer sa lagreman, longer sa Lagreman komersyal ant sa lakonpannyen avek sa ki pour aste sa lenerzi. E sa lagreman komersyal si mon konpran i pour 25an, sa lagreman pour 25an. Now prezan i bezwen annan en lagreman. Sa exclusive right agreement i pour bezwen ant sa lakonpannyen en Gouvernman, pour donn li exclusive rights lo sa landrwa.

Now eski – an vi ki sa ti en domenn piblik, i ankor en domenn piblik me si sa Lalwa i pase, i pour vin en domenn prive.

So eski Minister, Gouvernman, i pare pour fer piblik sa Lagreman pour Seselwa konnen, kwa ki in perdi an term domenn piblik, e kwa ki sa lakonpannyen pe gannyen an term *exclusive rights*?

Mon krwar i enportan ki sa lagreman i en Lagreman ki vin o piblik o kler, dan mannyer akoz nou pe deklasifye en domenn piblik.

So en lagreman ki ou'n fer *exclusive rights* en lakonpannyen prive, ki ou'n tir drwa piblik mon santi ki poudir i devret vin en lagreman piblik e tou piblik i kapab vwar, tou piblik i kapab konnen, e ki nou pas serten presedans demen nou deklasifye en landrwa, nou donn en lagreman, apre nou kasyet bann *contents of the agreement going forward*.

So, Mr Speaker, sa parey mon'n dir, mon napa problemm avek levolisyon pour devlopman sekter lenerzi renouvlab Sesel.

Mon krwar i enportan mon senserman krwar poudir *this is the way forward*, sa senp le fitir pour Sesel dan la mezir ki nou kapab fer li.

Me mon konsernen avek lafason ki serten keksoz in ganny fer dan sa Lalwa, sirtou an term deklasifikasyon domenn piblik, deklar sa

landrwa koman en *protected area*, ki pour mwan i pa vreman fer sans.

*Then nou ava al – annou deklar, annou deklar sa bann PV lo Romainville, sa bann windmills lo Romainville osi koman bann landrwa *protected areas*, si zot santi poudir sa bann lenstalasyon i devret ganny proteze comme tel.*

So Mr Speaker, mon pour esper larepons Minis pour mwan gete, me solman mon annan serten rezervasyon lo lafason ki sa prosedir pe ganny fer e la kalite Lalwa ki sa in ganny fer anba la. Avek sa mon a dir ou mersi bokou Mr Speaker.

MR SPEAKER

Mersi Onorab. Onorab Andre?

HON CLIFFORD ANDRE

Mersi Mr Speaker. Mr Speaker, mwan osi mon kontan ki mon'n koz apre entervenan ki'n koz avan mwan e ki'n koz apre Onorab Hoareau. Akoz menm si Onorab Hoareau in acknowledge ki depi lontan, me selman sa aktivite pe ganny fer ozordi.

(APPLAUSE)

HON CLIFFORD ANDRE

Alors, nou bezwen apresye ki menm si ou ti annan plan fer zanfan avek en madanm, epi i vwar sa madanm ek en lot msye i fer zanfan, ou pa kapab dir mon plan ti pour mwan fer zanfan akoz ...i pa...

(laughter)

HON CLIFFORD ANDRE

Alors Mr Chair, letan nou pe get sa Lalwa ki la, mwan osi mon ti a kontan konnen kwa ki'n perdi e kwa ki pe gannyen. Mon dir sa Mr Speaker akoz letan mon get Lalwa, e mon'n eksprim sa dan *Bills Committee*, letan mon get Lalwa ki mannyer in ganny fer, mon konnen ki nou bezwen annan bann resours naturel, ki nou servi. Eski apre sa, nou pour kapab vwar en rediksyon dan serten bann servis ki nou gannyen, tel ki elektrik, delo akoz nou pe servi lenerzi renouvlab.

Mr Speaker letan mon'n ekout Onorab Monthy koze, i vre ki son bann konsern i reel, e ki dimoun ki reste o bor i pour santi zot posiblement dezavantaze si zot ti pe servi serten sa bann landrwa, pour zot fer serten zot bann aktivite swa komersyal, swa prive.

Me letan nou pe get sa Lalwa li menm Mr Speaker, letan mon get *Protected Areas*

Act (Cap. 185) mon ti a kontan Minis eklersi mwan lo serten sa bann pwen.

Dan seksyon 5 *clause 5* akoz i pa ankor vin en *Act*, *clause 5 of sa Bill* i dir, “*The specified area shall be a protected area, shall be a protected area*”. Mon krwar i bezwen en pe leklersisman akoz letan nou dir sa i dir an konformite ek seksyon 5-9, “*The Protected Area Act*”. Si nou al dan seksyon 5, i koz ou a *police officer*, sa i apre ki'n ganny klasifye koman en *protected area*.

Me selman si nou get Seksyon 3 of the *protected area* i dir ou, “*If, as respects any area, place or premises, it appears to the President to be necessary or expedient in the public interest, that special precautions should be taken to prevent the entry of unauthorised persons, he may, by order published in the Gazette, declare such area, place or premises to be a protected area for the purposes of this Act.*

And, so long as the order is in force, no person shall, subject to any exemptions for which provision may be made in the order, be in such protected area” ensidswit.

So par lefe ki *Protected Area Act*, i donn sa pouvwar, pour deklar en landrwa koman *protected area* avek Prezidan, kot i dir ou “*he may*”, eski, eski letan nou pe get Seksyon 5, “*The specified area shall be a protected area*”.

Protected area Prezidan ki fer anba *Protected Area Act*. Eski kekfwa - taler ler nou vin dan *Committee Stage* nou pour bezwen azout enn pti keksoz ladan, pour nou kapab fer li vin an konformite.

Ozordi nou pe zwe avek bann Lalwa ki paret mwan ki pe anmenn nou dan en direksyon, kot mon mazinen i dan bon direksyon, e pour nou kapab fer sir ki nou ganny bann keksoz byen.

Ou konnen Mr Speaker, akoz letan mon get, mon get seksyon 8 ki tonm anba sa paramet ki in mete la i-dir ou, “*The President may by notice in writing to the occupier of any protected area direct such occupier at his own expense to take such measures*”.

So i en direktiv ki Prezidan i donnen, be eski ankor letan nou pe get sa lamannman, sa Lalwa ki'n vin devan nou, *it's a first of its kind*.

Nou bezwen aksepte ki poudir pour annan landrwa kot nou bezwen amelyore. Akoz nou

pa kapab *profess* ki poudir tou keksoz ki nou fer i pour egzakteman parfe, me nou bezwen annan e nou bezwen aksepte sa, ki poudir koreksyon bezwen ganny fer, pour fer sir ki i vin pli an konformite e pour nou kapab marse.

Akoz mon dir sa ankor Mr Speaker, se letan nou get regilasyon. Regilasyon i donn Minis, “*The Minister may make regulations, prescribed all matters which are required by this Act to be prescribed*”, so eski nou pa bezwen gete, akoz si *it's going to be declared the protected area*.

So, i bezwen annan en laspe ki nou gete lekel ki pour pran sa responsabilite pour fer sa, sa i enn.

Mon dezyenm pwen Mr Speaker, se ki letan nou pe get dan sa Lalwa, i dir avek nou poudir “*specified area*”, sa *area* ki'n ganny spesifye, means “*the area of the water and the seabed delineated by the coordinates*”.

Si mwan mon reste o bor Minis, mon ti annan en pti *drone*, mon pa en *person* mwan mon *drone* pe ale mon fer li pas en kou laba, i ale i fer letour, letan mon pe get tou lede, tou lede Lalwa menm *protected area* i dir ou anba 3 ok, “*unauthorized person*”.

So ki mannyer, ki mannyer e kote ki i kouver akoz si mwan mon anvi al ek mon *drone* ki mannyer ou pour anpes mwan, akoz dan *protected area* i koz *unauthorized person*?

Mon pa otorize koman en personn, en dimoun mon pa antre ladan mwan, me selman mon anvoy en lekipman pour al ladan, *ok*.

So kekfwa Minis i bezwen ekliersi nou lo sa. Apre mon panse ki – pa mon panse mon konnen mon'n anvoy en lamannman dan devan ki pe koz lo *schedule* ki sa mon san poursan dakor ki Minis i annan drwa, i annan drwa akoz bi *of the regulation* i dir *amend the schedule*, me mwan mon pe propoze ki lamannman ki'n anvoy-e ki depi apartir sa *proposal* ki'n ganny met avek, sa *schedule* ki'n ganny met avek, i pa enn ki an konformite.

E sa *schedule* i sipoze pran konsiderasyon depi *point 70 to 87*, Minis ou a konfirm sa letan ou pe donn ou *wrap up* lo la.

Me selman andotmo, mwan mon santi ki i bezwen annan serten deklasifikayson, oubyen parey Onorab Cosgrow in demande eski i neseser pour annan sa deklasifikasyon pour

kapab permet sa aktivite ganny fer?

Letan nou pran lezot Lalwa, e sa *it's at the pleasure of the President* pour li letan i santi ki i annan serten keksoz, ki kapab deklar en *area as a protected area*.

So pour nou kapab ganny enn pti pe - bokou dimoun pe demann kestyon, me mwan mon pour demann Minis osi, ansanm avek an konformite avek sa ki Onorab Monthy in dir pour kapab sey montre nou ki lavantaz, si i annan okenn ki nou pour gannyen par sa aktivite deklasifikasyon arive pour permet sa biznes ki pe vini fer son aktivite?

E eski ki mannyer nou pour annan en regard, en kontrol koman Minister pour fer sir ki sa envestiser, ouswa sa devloper i fer senpleman sa ki'n ganny otorize pour fer e pa fer lezot keksoz ki pa ganny otorize pour fer?

So ki mannyer nou pour *police* sa? Mon konnen nou'n met "offence" me sa *offence* letan nou get" *offence*" i plito, "A person who is in the specified area without permission contrary" so i pe koz ou lo en dimoun ki'n antre dan sa *area*.

"A person who wilfully and unlawfully removes", so en dimoun ki'n antre ankor pour

vin tir en keksoz. Me eski, nou annan en *safeguard* pour sa dimoun ki li menm li pe fer sa aktivite, pa en dimoun ki'n antre, me selman li i pe fer en aktivite ki pa otorize par – par sa si nou pour annan en *lease* oubyen ki mannyer nou pe fer.

So ki mannyer nou pour kapab anpes li fer serten aktivite ki li i pa devret fer me selman ki en dimoun sorti deor i – si ou dir lapes, be eski li i pour lapes ladan li?

En legzanp mon pe donnен. So zis donn nou en pe leklersisman Minis, pour nou fer sir ki nou tou nou an konformite avek, oubyen nou konpran byen ki pe ganny fer, me selman sa detrwa pwen ki mon'n souleve mon ti a akontan ki leksplikasyon i ganny donnен, pour benefis lezot ki nou osi nou ava kapab vvar ki mannyer nou pour ede si i annan okenn *possible amendment* ki nou bezwen anmennen *proposal* pour fer. Mersi.

MR SPEAKER

Mersi Onorab. laparol Onorab Uranie?

HON ROCKY URANIE

Mersi Mr Speaker. Bonn apre midi ankor enn fwa Minis avek ou delegasyon. Mwan Mr

Speaker, otan ki annan keksoz pour fer avek lenerzi, *green energy*, lenerzi renouvlab, pour mwan toulstan i en dimoun ki apresye bann keksoz parey.

E mon rapel dan en diskour ki defen Prezidan Rene ti dir ki La Digue, en zour nou pour ganny transpor elektrik. Wi, finalman nou'n ganny *club car* elektrik.

Nou'n ganny bisiklet elektrik kantmenm ozordi zot le – zot oule tire.

E mon kontan ki sa proze ti komans inisyé par nou Gouvernman, malgre Onorab Andre atraver ou, pe dir ki si en madanm ti ek ou, ler in vin ek li si li in fer baba i pour li, be pa toulstan ki ler madanm i vin ek ou krwar baba i pour ou, en?

(laughter)

HON ROCKY URANIE

Me Mr Speaker, mwan mon konsern enn pti pe ansanm avek Onorab Monthy, mon partaz en pe konsern Onorab Monthy, Onorab Cosgrow, lo problem ki sa i kapab kree pour bann dimoun dan sa visinite, kot sa proze pour ganny - pour ganny fer. Akoz sa i en gran proze e i pour annan bann aktivite ki byensir ki pour ganny afekte ki bann dimoun ti abitye fer dan sa landrwa.

E osi mon konsern i lanvironnman. Petet si Minis i kapab dir nou, petet ki bann keksoz ki dan lanvironnman la ki pour ganny afekte? E si i annan bann lespes ki zot pour bezwen bouz serten landrwa, si i annan bann lespes ki zot pour bezwen bouz serten landrwa zis pour fer ki tou pa ganny detri?

E sa ki nou pe vwar dan sa Lalwa zot pe vin avek, se deklasifikasyon pour tir en landrwa, pour fer en landrwa vin prive en landrwa ki ti dan domenn piblik fer li vin prive.

E pour mwan mon pe zis mazinen si napa en lot fason fer sa e Onorab Cosgrow in koz en pe lo la. Petet Minis i kapab dir nou si napa en lot fason fer sa dan plas deklasifye sa landrwa, pour kree petet en presedans.

Pour lezot dimoun osi petet demen kapab vini, zot osi zot anvi en bout delo sale petet, nou anvi fer mon pa konnen kwa flote lo la, pour ankor nou vwar bann deklasifikasyon ki bezwen ganny fer, si pa ti kapab fer antre anba en lot kalite, en lot kalite Lalwa dan plas 2 deklasifikasyon.

Apard sa mon *welcome the idea to greener Seychelles*, me mwan mon ti a kontan konnen petet sa proze i pour fer PUC koup en pe lo enportasyon fuel, me eski petet i pour anmenn en

rediksyon dan pri elektrisite li menm vreman pour nou zabitant?

Kot nou'n vwar lo nivo Lafrik ler bann keksoz i ganny inifye, souvandfwa sa bann dimoun ki vin fer sa bann proze, zot ganny gran benefis e bann pti dimoun ater zot pa vwar benefis arriv kot zot ditou.

E si Minis petet ti kapab dir nou, si zot in prozekte, kan ki dimoun pou vwar sa benefis aparet lo zot *Bill*, ler zot pe al peye poudir vre sa proze, ki anmenn en rediksyon dan nou, dan nou lavi e alors nou a kapab *welcome* li.

So sa i mon konsern ki mon ti annan e mon ti a swete petet si vre sa proze i vreman vin en sikse ler Minis i sa – nou osi La Digue ki nou ganny bokou problem elektrisite, petet dan le fitir nou osi nou ti kapab vwar en keksoz parey dan nou landrwa. Mersi bokou.

MR SPEAKER

Mersi Onorab. Onorab Loze?

HON JOHAN LOZE

Mersi Mr Speaker. Mr Speaker, “Seychelles delays planned floating solar plant due to COVID 19” i tit en *interview* donnen par Mr Tony Imaduwa 3an passe avek *Seychelles News Agency*.

Mr Imaduwa i la devan, mon sipoze i a kapab konfirmen li menm a en nenport ki moman. Byen ki nou'n ganny lenformasyon konsernan baba Onorab Andre, *that's neither here nor there*, mon krwar in *overshare* enn pti pe.

Mr Speaker, lo nou kote latab nou pa pour zanmen met okenn *form obstruction* dan sa bann kalite devlopman ki devan nou Lasanble ozordi. Sa i kler. Selman ki nou pour annan toultan, se konsern e *legitimate questions* lo kwa ki pe deroule.

Enn bann keksoz ki mon pour fer ozordi e mon pa pour vin fer bokou *as such* - mon repran kot Onorab Cosgrow in kite lo konsernan sa *exclusive contract* la.

Mon krwar i en demann lezitim ki Lasanble i annan ki Lagreman i vin piblik e ki nou kapab tonm dakor lo la ozordi.

Nou'n annan bokou mon kapab dir nou annan move leksperyans par egzanp ek Kontra *Travizory*, so nou pe met sa demann devan boner, ki demen nou pa ganny dir poudir i annan lenformasyon biznes enkliziv ladan sepa kwa.

So nou met demann devan boner, ki zot kapab konnen zot ki pour mete ki kapab vin piblik en fason, ki dokiman i a vin

piblik i a dan domenn piblik, dimoun i a ganny akse avek.

Rezon ki nou pe demann sa Mr Speaker, se nou pe donn bokou. Minis mon krwar ou kapab agree avek nou ki nou pe donn bokou. Nou pe go as far pour fer en keksoz san presedans ki pa'n zanmen arive Sesel, kot nou pe deklasifye en porsyon domenn piblik Lanasyon Seselwaz pour nou fer ki vin prive. Premyerman.

Dezyenmman, nou pe donn zot en proteksyon eksklizif pour zot servi sa landrwa. So nou pe donn zot bokou.

Mon pa krwar i bokou pour nou Lasanble demande e ensiste, e mwan mon ti a menm fer en demann ki sa i pozisyon tou lede kote latab, ki kontra konsernan sa morso later ki ganny deklasifye i ganny met dan piblik.

I vin en dokiman piblik Minis, sa i ava elimin bokou dout, bokou problem.

Lot swe ki petet nou ti ava avans devan se ki, annou pa servi sa laport ki pe ganny ouver ozordi, koman en palto fann deryer, pour demen tou sa ki annan son ta milyon, sa ki *afford*, i vin met presyon lo nou; i demann nou i dir lala zot in fer, zot deklasifye en bout, mon le ou fer parey; deklasifye sa

lans devan mon *villa*, deklasifye sa bout lans devan mon lotel; deklasifye *a column of water* devan mon *resort* a permet mwan pour *build* en pe bann *floating villas*.

So nou ti a kontan en pe *reassurance* ki nou pa pe ouver en laport pour lezot antre. Mon konnen sa i pa ou lentansyon Minis, be selman *it will fall on your shoulders* pour pran en lasirans devan Lasamble, ki ou pa pe ouver laport tro gran.

Further Minister, Lafrik nou annan en problem nou en. Nou annan diferan lendistri partou atraver Lafrik kot nou pa prodwir eksper pour travay ladan.

Souvan *whether its continental Africa, ouswa Lafrik Oceanic parey dan nou ka, nou vvar ki i annan lendistri egzistan ki kontribye dan lekonomi tan byen ki mal, be nou vvar ki nou nasyon, nou pep li i pa sa eksper ki pe fer marse sa lendistri.*

Minis, parey mon'n dir nou'n donn bokou. Mon konnen negosyasyon in ganny fer deza lo kestyon Kontra e tou, be la nou pe donn en bout an plis la.

So an relasyon avek sa, si possibleman Minis ou ti ava *engage* pour koz avek sa *IPP* la - sa *Independent Power Producer*, sey ganny en

engagement avek li ki nou a kapab *train* nou bann Seselwa si zot, zot a kapab finanse, *train* nou bann Seselwa pa pour vin zis labourer, me pour vin enzenyer, pour vin *managers*, dan sa novo lendistri ki Sesel pe lanse.

Nou pa pour kapab donn en bout nou teritwar, annan sa devan nou laport nou tou nou pour pase, nou vvar i zoli, petet en zour kelken a deklare sa i en *wonder of the world*, Sesel nou annan pli gro, enn bann pli gro *floating solar PV farms*,

Be selman nou pa pe maksimiz son rannman. Nou pour napa sa leksperyans, nou pour napa sa *manpower* ki demen letan en lot pei i ler fer en *floating solar PV*, nou, nou napa dimoun ki nou kapab eksporte pour li al fer sa travay laba.

So si nou ti kapab ganny serten lagreman an retour pour sa kantite ki nou pe donnen ki zot ti a kapab *train* en pe Seselwa nou ganny en pe enzenyer, en bon pe enzenyer mon ti a kapab dir, en bon pe eksper dan sa *field*, e la nou ti a konpran ki nou'n *hand over* en morso nou teritwar, be rannman ki nou'n gannyen atraver resours imen, atraver devlopman nou pep i *vast*, i enorm.

Nou'n ganny bokou plis an retour e mon krwar sa ti ava vin en soulazman pour nou tou ki'n asiz la dan sa Lasanble ozordi, ki'n kontribye anver sa travay.

Mr Speaker, parey mon'n dir mon ti napa bokou. Mon pour termin la e mon get bann larepons Minis kot i vini. Mersi Mr Speaker.

MR SPEAKER

Mersi Onorab. Bon zot in asiz pour pre 1erdtan edmi, nou annan ankor en bon bout pour ale, me selman petet zot *deserve* en *health break*, alor nou a pran en poz la.

Me selman si mon ti kapab rakoursi letan, nou kapab rezwenn 4er20 pour nou ganny enn pti pe letan, enn pti pe lavans lo peryod ki swiv. Mersi, nou a pran pos 4er20.

(BREAK)

MR SPEAKER

Nou a repran deba. Laparol pour Onorab Michel Roucou.

HON MICHEL ROUCOU

Mersi Mr Speaker. Bonn apre midi a tou, bonn apre midi Minis avek ou lekip PS. Bonn apre midi tou dimoun ki pe ekout nou dan lakour.

Mr Speaker, lamazorite mon bann pwen ki mon ti annan lo sa *Bill* ki Minis anmennen, pe ganny tous lo la. Mon pa anvi repet li ankor, me selman pour mwan vin enn pti pe pli kourt, petet si Minis i kapab zis dir avek nou, sa lokasyon ki'n ganny servi pour fer sa *PV farm* la - mon konnen poudir ti annan en diskisyon ki ti pour annan en bout ki ti pour annan *reclamation* ki ti pour ede ek bann zafer endistriyel.

Si ou kapab dir nou ki sa annefe ki sa *PV farm* i pa pour tonm lo sa bout ki li menm li ki Gouvernman pe mazinen pour demen pour zot fer sa louvraz. Mon mazinen poudir sa travay i sipoze ganny fer pour lannen prosen.

E osi Mr Speaker mon pour dakor ek sa pwen ki Onorab Loze in fer sorti ki nou – si i kapab fer sir poudir okenn bann dokiman i ganny met o piblik, pour fer sir ki zabitant Cascade parey Onorab Monthy in dir oparavan, Lepep Seselwa osi i kapab annan nide en pti pe lo ki pe pase, e ki bann kondisyon ki'n ganny mete ladan. Mersi.

MR SPEAKER

Mersi Onorab Roucou. Onorab Pillay?

HON SEBASTIEN PILLAY

Mersi Mr Speaker. Bonn apre midi Mr Speaker, e bonn apre midi tou dimoun ki pe swiv deba. Byensir bonn apre midi spesyal pour bann dimoun ki pre avek kot sa proze pe ganny fer, e kot deklasifikasyon sa landrwa koman domenn piblik pe arive.

Ler mon komanse Mr Speaker permet mwan poudir ki mwan mon'n aprann en lesion dan Lasamble Nasyonal, koman en Lezislater.

Sa zafer koman ou vini ler ou Gouvernman i vin ek en Lalwa ou dir li tou Lalwa i en bon Lalwa, i en bon zafer, i en bon keksoz, apre ou pa konn reperkisyon sanzman ki ou pe fer.

I enportan pour nou note sa Mr Speaker akoz apre ki nou ti aprouv Sivil Kod Gouvernman ti vin avek bann lamannman, *consequential amendments* e i ti sanz serten keksoz.

E rezon akoz sa ki mon pe dir i pertinan pour largiman ki nou annan ozordi, se akoz sa prosedir ki nou pe fer la i trouv son lekor dan Kod Sivil nou pei.

Annefe i Lartik 540, nou Kod Sivil, ki dir ki okenn propriyete ki form par domenn piblik pa pour sorti koman domenn piblik san en Lezislasyon ki dir sa.

Sa ti vin dan lamannman ki nou'n fer lo Sivil Kod. Me avan sa, e lala kot mon vwar ler nou, ler nou fer bann desizyon fodre nou mazin byen. Avan sa pour ou tir en – en landrwa dan domenn piblik Prezidan i bezwen fer sa par en proklamasyon,

e ler i fer sa par en proklamasyon pour bann manm piblik ki enterese pour swiv sa, sa ki i ti pour bezwen fer se pibliy en notis, e apre ti pour donn manm piblik loportinite, pour zot donn zot pwennvi, ou si zot annan lobzeksyon anver sa proklamasyon.

E ki sa ti pou fer, bann dimoun ti ava kapab fayle bann obzeksyon e *ultimately* Prezidan ti pour *refer the matter to* Lakour Siprenm, pour donn en desizyon. Danze avek Lezislasyon, se ler en Gouvernman i deside pour deklasifye en landrwa koman domenn piblik,

E i annan en mazorite e mazorite i zis swiv (bomaten nou ti koz *lo three blind mice*, be i annan en pe plis zot apepre 24 -25 - bon pe zot i annan) ki pour zis swiv desizyon Gouvernman san mazin reperkisyon lo desizyon ki nou pe pran lo bann endividé, ki kapab ganny afekte par sa desizyon.

E mon pe vwar sa vin en tandans, kot i komans vin en problem pour dimoun konplent bann desizyon ki Gouvernman i pran, san ki zot ganny *rebuked* - mon pa pour servi sa mo ensilte, me san ki zot ganny bann komanter ki pa neseser ganny fer anver zot.

Mon'n resaman la vwar en video pe ganny sirkile lo bann dimoun ki'n eksprim konsern pour devlopman Anse La Mouche, ki zot in ganny dekrir koman bann - mon pa pour servi sa term - akoz mon pa krwar i normal pour servi li, me mon krwar i pa akzeptab.

Akoz si ou annan en group environmantal ki deside vin devan e dir poudir zot pa dakor avek sa ki pe arive, ou pa pour kapab anpes zot. Sa i Leta *de loi* ki nou annan dan nou pei e en lekspresyon nou demokrasi, si i annan dimoun ki pa anvi en *floating PV* dan sa landrwa.

E i pour zis parey dan nenport ki devlopman ki Gouvernman i deside fer, oubyen en endividé prive i sipoze fer, akoz se sa ki nou'n dakor pour nou swiv atraver nou Konstitisyon, e sa ki pour annan en sosyete demokratik.

Me ler mon vwar ki aprezan nou pe vin atraver Lezislasyon, mazorite

Gouvernman in fini atraver deba ki mon'n tandem, fini donn son laprouvassyón pour Minis kapab fer sa prosedir pour li klasifye sa landrwa koman en domenn piblik.

Be ki si sa en domenn piblik dan li menm? Ler en landrwa i en domenn piblik, i annan en kantite keksoz ki asosye ek en domenn piblik.

E koman en Manm Lasanble mon pa confortab Mr Speaker pour zis tir en landrwa kot Seselwa, i annan en drwa ilenyab, en drwa si oule siprenm pour ganny akse ek sa landrwa.

E mon santi poudir ki largiman ki sa i en premye fwa, i kapab kree en kondisyon kot nou vwar bann lezot Lalwa ki fer deklasifikasyon bann domenn piblik, ki pour mwan apre i kapab vin en danze, dan le sans ki depandan lo ki pouvwar *lobby* ou annan, ou kapab fer Gouvernman pran bann desizyon dan ou faver.

Parmi bann domenn piblik ki kapab ganny deklasifye, i kapab annan bann striktir kiltirel, Moniman Nasyonal, i kapab annan Arsiv Nasyonal, an relasyon ek Minis pour Lanvironnman, bann *estuaries marshes, rivers, streams, springs*, later ki ganny kouver

oubyen uncovered by the sea at the highest and lowest tides ki ozordi, ki Seselwa i kapab ganny akse avek dan serten landrwa, en Por, oubyen lezot landrwa ki'n ganny *designate as en domenn piblik.*

E rezon mon dir mon'n aprann en lesion koman Lezislater, se akoz nou'n retenir pouvwar pour Prezidan kapab deklar en landrwa domenn piblik avek konsiltasyon piblik, be nou'n retir abilite piblik pour li kapab *weigh in* lo sa desizyon ki Gouvernman pe fer la.

Savedir demen, okenn domenn piblik ki Gouvernman i anvi deklasifye, i pa bezwen *subject li to a public consultation*, si i pa anvi.

I pa bezwen *subject li to* okenn lezot striktir apard ki zis Lasanble Nasyonal, pour li fer sa. Mon pa konfortab avek sa mwan. Malgre tou bann lavantaz ki'n ganny koz lo, la *whether zanfan* pour Onorab Cosgrow oubyen pour Minis Flavien Joubert, sa DNA ki ava determinen, me mon pa konfortab.

E en lot pwen ki mon ti a kontan fer sorti Mr Speaker, akoz i enportan pour nou pa zis pran sa deba akoz a la lezer akoz i kree en presedans serye, par lefe ki annakor avek sa Lalwa ki nou pe fer, nou pe osi

donn en Minis pouvwar pour donn drwa eksklizif, en lot antite ki la pa spesifye si i en antite prive, oubyen si i en antite piblik.

Mon krwar Lasanble i devret konsernen ek sa, akoz pour mwan sa i kree en keksoz ki manke dan sa Lalwa. Si sa drwa eksklizif ti pe ganny donnen avek sa Komisyon Litilite, i ti ava en Komisyon Gouvernman ki Lasanble i pour *still annan droit de regard*, lo la par lefe ki i ganny konpoze atraver en Lalwa.

Me si sa drwa eksklizif pour al pour en antite prive, Lasanble pour napa droit de regard lo la akoz i en antite prive.

E sa pour mwan dan li menm i kree en kestyon ki mon ti a kontan i ganny reponn, akoz dan tou bann desizyon ki Gouvernman i pran, nou bezwen asire ki sa bann desizyon i ganny pran dan lentere popilasyon, dan lentere bann dimoun ki met nou isi.

En dezyenm keksoz ki mon vwar poudir i neseser pour nou klarifye Mr Speaker, e sa mon'n vwar ki Onorab Andre atraver ou Mr Speaker, in *raise* sa pwen. Lekel ki vin avan?

Mannyer Lalwa in ganny ekrir an sa ki konsern bann *protected areas*, seksyon 3 i dir,

kot Prezidan i santi li neseser pour deklar en landrwa koman en landrwa proteze, napa nanryen ki pour anpes li fer sa deklarasyon. Me sa Lalwa mannyer in ganny ekrir, nou premyerman deklasifye sa landrwa koman en domenn piblik, me apre deklar li koman en landrwa proteze. Akoz? Pour mwan i pa fer sans.

Son deklasifikasyon koman en domenn piblik i deza ase pour fer, pour montre poudir i nepli en landrwa kot piblik pour annan akse total lo la, parey dan tou landrwa domenn piblik.

Me nou al *one step further* pour deklar li en landrwa proteze, pou ki rezon? Kwa ki nou pe proteze dan sa landrwa? Eski i annan en nespes maren ki nou pe proteze? Mon pa krwar. Eski i annan lezot keksoz vezetasyon ki nou pe proteze?

Sa i bann kestyon ki pa'n ganny reponn, ki pa'n ganny adrese, ki nou bezwen kapab ganny en konpran, akoz prosedir pe ganny fer dan lafason ki i pe ganny fer ozordi.

Akoz ler ou deklar en landrwa koman en landrwa proteze Mr Speaker, i annan en standar ki vin avek.

E ou a dakor ek mwan par egzanp en Park Nasyonal i

en landrwa proteze e nou tou nou konpran ki mannyer Sesel nou'n aprann par ledikasyon, sa standar ki vin avek, deklar en landrwa koman en landrwa ki ganny proteze.

Prezan Mr Speaker, si nou konsider sa size sa *exclusive rights agreements* e bokou Manm in koz lo fer sa lagreman vin piblik, mon pe demann mon lekor si Gouvernman pou kapab fer sa lagreman vin piblik.

Dan ki format ki i pour fer sa Lagreman vin piblik par lefe ki si i pe siny sa lagreman avek en antite komersyal, ki pe vin fer en aktivite komersyal, en *Independent Power Producer* par egzanp, i pour annan bann clauses ki pour annan, ou pour annan bann probableman *confidentiality clause*, ki pour egziste otour tou sa bann kontra ki ganny negosye, tou sa bann Lagreman ki ganny negosye.

So, i pa kler pour nou ankor enn fwa mwan Speaker kwa ki pe ganny, fer nou konpran nide deryer, sa se provide sa area pou fer sa aktivite. Be mon pa krwar its been *fair* lo bann dimoun ki okip son kote, kote later. *I don't think its been fair on them.*

Dezyenmman *I don't think it's been fair on Lepep Seselwa,*

akoz mon santi poudir nou pe fer en keksoz, nou pe tir en drwa ek nou pep, ki koman en Lasanble nou akt, malgre i donn nou sa pouvwar me mon santi nou, *we are on thin, on thin ice* Mr Speaker.

E ler nou koz lo sa drwa eksklizif Mr Speaker, si ou lir sa clause sa clause byen, ou pour vvar poudir i koz “*for the period of time specified in the agreement and in respect of any of the activities specified in the agreement*”.

Savedir mon pa krwar poudir se Utilities Commission ki pour al fer okenn aktivite la. Se sa antite prive. Which means ki whilst the prescribed entity “might be”, “might be utilities commission” but the actual agreement would be sa enn with the IPP the Independent Power Producer, e ki fer mwan krwar ki nou pa pour zanmen vvar sa kontra.

Alors Mr Speaker, mwan mon pa confortab pour pas en tel Lalwa, e mon pa santi poudir sa size deklasifikasyon, deklar koman en protected area, i en keksoz ki pe ganny fer dan en fason ki kree en serten konfidans, dan lafason ki Gouvernman i le apros son bann size, going forward Mr Speaker.

E mon santi poudir Minis i bezwen donn nou serten leksplikasyon kler, lo kwa egzakteman ki zot le achieve, nou konpran ki sa landrwa in ganny designate as sa landrwa ki zot pour fer sa floating PV wi, be nou bezwen fer sir poudir whatever ki nou fer, whilst i pour dan lentere nasyonal, me drwa en endividé malgré lentere nasyonal i pa perdi son drwa.

e i pour toultan annan son drwa pour li annan en rekour devan, en rekour legal, pour li al rod okenn koz an relasyon ek en desizyon ki'n ganny pran i kapab afekte li,

E sa i aplik pour tou dimoun ki la anndan.

Alors Mr Speaker vwala mwan mon bann kontribisyon pour sa Lalwa ki devan nou, e mon ti a konpran ki i annan serten leksplikasyon ki ganny donnen, pour zisteman klarifye akoz ki nou pe fer sa ki nou pe fer.

E ankor enn fwa mon pour repeate ki enportan ler nou pas en Lalwa, koman Lasanble Nasyonal, annou mazin tou son reperkisyon e tou son bann - si oule - presedans ki kapab pe kree ki demen, i kapab anmenn lezot desizyon ki probableman nou pa pour dan en pozisyon pour nou anpeste. Mersi Mr Speaker.

MR SPEAKER

Mersi Onorab. Mon ava envit Minis pour fer son repons lo deba.

MINISTER
JOUBERT

Mersi Mr Speaker. Mersi bann Manm ki'n fer zot kontribisyon lo size sa Lalwa ki'n ganny prezante, sa propozisyon Lalwa ki'n ganny prezante avek Lasanble ozordi.

Mon a komanse Mr Speaker, par met mon dakor avek bann mo lankourazman, ek bann mo pozitiv anver sa kalite proze dan pei, ki laplipar Manm in fer. Mon krwar i neseser ki nou arive fer sa bann kalite proze, pour ki nou evantyelman vvar nou dan en sityasyon kot nou kantite *renewable* dan pei, sirtou *solar PV* i monte e ki sa i kapab anmenn benefis pour nou.

I annan serten Manm in demande ki kalite benefis i pour anmennen, i kapab anmenn benefis lo kote kou elektrisite, akoz plizanpli ou ekspekte ki i pour annan plis konpetisyon.

E anmezir bann diferan demann i ganny fer pour dimoun vin bann *IPPs*, nou ekspekte ki pri i vin pli konpetitiv avek letan ki nou

kapab akse, kouran elektrisite a en pri redwir.

Lot keksuz ki i anmennen se ki i anmenn stabilité dan pri, akoz ou pe zener elektrisite lokalman e ou pa ganny afekte par bann problem ki pase an deor pei, par egzanp bann pri prodwi petrol.

Me kot i konsern sa Lalwa li menm Mr Speaker, mon krwar laplipar Manm i rekonnert poudir i en premye fwa ki nou pe fer en lesey, pour nou vin avek en tel Prozedlwa, pour fer ki en porsyon domenn publik i ganny deklasifye e ganny servi pour en bi spesifik, dan sa ka kot nou pour met *solar PV*, lo la.

Me solman ti a bon fer remarke Mr Speaker, pour komanse, ki sa landrwa e sa travay ki pe ganny fer la, i pa en deklasifikasyon pour ki pe – en faver, ouswa pe ganny fer pour en konpannyen, se en klasifikasyon pour en proze. Se en deklasifikasyon i ganny fer pour en proze.

E annefe sa deklasifikasyon li menm, ti merit ganny fer depi letan sa proze ti pe ganny met an plas e depi letan sa bann konpannyen ti pe ganny envite pour vin prezant zot bann propozisyon avek Gouvernman, pour sa kalite proze dan Sesel.

Nou a rapel ki en *tender* ti ganny fer, e sa konpannyen in vin devan e li ki'n sa konpannyen ki montre pli - ki'n prezant proze pli enteresan pei alor in ganny selekte. Alor i pa konmsi en konpannyen in vini e in dir Gouvernman, mon anvi fer tel proze, alor fer en laranzman pour deklasifye sa lespas ki mon pour servi.

I plito Gouvernman ki'n dir nenport ki konpannyen vini e mon pour garanti ou de keksoz, enn se lo kote pri, pour ou garanti ki ou pe - sa ki ou prodwi pour ganny aste dan sa peryod ki ou lo Kontra avek Leta, dan sa ka i pour 25an.

E lot keksoz se ki mon garanti ou okenn enterferans pa pour arive ou lenstalasyon letan ki ou la e pe fer sa louvraz, dan sa lespas ki'n ki ou'n ganny donnen pour fer sa travay ladan.

Alor i en lasirans ki pei i drwa sa lakonpannyen, akoz sa lakonpannyen in reponn en demann ki'n ganny fer par Sesel, pour atraver en prosedir *tender*.

Mr Speaker i annan bann pwen ki'n ganny leve par nou bann Manm, plizyer pwen mon pour pas lo la, me apre sa mon pou envit PS Imaduwa pour li koz enn pti pe lo letid

lanvironnman ek son bann pwen ki'n sorti ladan.

E osi mon pour envit reprezantan *Attorney* Zeneral Ms Marimba, pour donn enn pti pe leksplikasyon lo sa size lekel Lalwa ki nou'n swazir pour ganny aplike dan sa ka, e akoz nou'n fer sa swa Lalwa dan sa ka.

Mon a komans avek kontribisyon pour Onorab Monthy, kot in koz lo konsern bann zabitant lo kote mouvman bato par egzanp. Nou a remarke ki sa lespas ki pour ganny okipe par sa - ki pe ganny propoze apre 666mil met kare, e -

Me selman lo de kote, tou kote sa landrwa, pour annan ase bataz pour bann bato kapab traverse pour dimoun kapab sirkile dan delo. E son lespas ki pli etrwat i vir avek aktyel konblaz, kot i pour annan en lot reklamasyon ki pour vini apre, e sa lespas i 20met. Me kot i konsern bann propriete kote later, zot lespas i bokou pli larz, e zot pour kapab kontinyen sirkile libremain san problem.

Tapaz ek *disturbance*, nou konnen poudir sa bann proze i annan en *risk disturbance* letan i pe ganny konstri, me letan in fini met an plas parey nou annan lo Romainville napa okenn problem tapaz. E mon

ava les PS Imaduwa koz lo tou bann lezot size ki annan pou fer avek letid lenpak.

Kot i konsern kalite aktivite ek *reclamation line* ki ti ganny leve par Onorab Aglae, *authorized* aktivite i spesifikman sa aktivite zenerasyon lenerzi atraver *solar photovoltaic*, e i restrikte pour sa.

Alor se sa ki i sipoze pe ganny enskrir dan lagreman e nou ekspekte ki letan ki lagreman i sorti nou a kapab montre avek bann Manm Lasanble, ek bann dimoun ki enterese ki son konteni, pour ki zot a kapab konpran poudir i pa annan lentansyon pour fer lezot kalite aktivite dan sa landrwa.

Reclamation line in deza ganny prevwar e i la, lo en plan. Annefe i lo sa plan ki, ki'n ganny prezante avek sa Lalwa e ou pou vvar ki sa *reclamation line* i sipoze kouver tou bann propozisyon *reclamation* ki pou vini apre lo kote *zone 18 Providence*.

Lo kote *exclusive rights*, eski sa *timeline* i preskri - ki pour arive apre sa *timeline*? Sa *exclusive rights* i pour 25an e alor apre sa 25an sa i ekspire, sa konpannyen nepli annan drwa e Gouvernman i annan tou drwa pour li repran son landrwa.

Me selman annou konpran poudir sa Lalwa i napa en *timeline* pour li fini li, akoz Lalwa normalman parey nou konnen, letan ariv son ler pour fini i ganny *repeal*. E nou ekspekte ki an menm tan ki sa *exclusive rights* i ekspire, Gouvernman i a deside ki pour fer si i pour *repeal*, ouswa Lasanble a sa letan, i deside ki pour fer, si pour *repeal* ouswa si pour *extend*, ouswa ki pour fer avek sa bann pouvwar ki annan lo sa landrwa.

Me *exclusive right* i limite, me deklasifikasyon i pa limite. Alor i annan serten travay legal ki bezwen ganny fer letan ou ariv sa peryod finisyon sa 25an. Ki pour arive ek bann *solar panel* apre 25an? Onorab Hoareau in demann sa kestyon. Mon'n deza reponn sa kestyon Mr Speaker. Dan lepase, nou konnen poudir *decommissioning* bann *plant* parey i ganny mete dan zot lagreman, pour ki zot responsab *decommissioning* a lafen lavi sa proze.

Me nou konnen osi poudir, konmela i annan plizyer linisyativ pe devlope lo bann solisyon pour bann prodwi ki sorti dan sa bann kalite proze. E mon ekspekte ki an mezir nou ale, pour annan plis solisyon ki pour vini.

Ozordi nou annan bokou bann pei ki'n met bann gro lenstalasyon e nou konnen poudir dan detrwa lannen zot pour bezwen komans *decommission*. E alor i annan solisyon ki pe vini, ki nou kapab osi koman en pei servi pour nou fer ale sa bann kalite prodwi.

Definitivman nou pa ti a voudre ki Sesel i ganny ankonbre ankor par bann prodwi parey, vi ki nou napa lespas e nou napa solisyon pour sa bann kalite materyo.

Sa size dat proze ek son letan ki pe ganny fer ozordi, mon krwar in fini ganny reponn, mon pa pour al ladan. Me lapros legal, mon pour demann nou reprezantan *Attorney Zeneral* pour koz lo la.

Onorab Cosgrow in demande, si nou pa kapab vin ek en lot solisyon pour sa kalite lentansyon? Mon krwar reprezantan *Attorney Zeneral* i ava eksplik en pe, kriter Lanvironnman osi mon ava demann *PS Imaduwa* pou koz lo la.

Me Onorab Cosgrow in osi demann en kestyон konsernan akoz nou pa fer li parey lo Romainville, kot i deza annan en sistenm *solar PV* ki aproksimativman dan bann menm groser? Eski nou pa kapab zis met en sistenm *PV*

laba dan lagon e les li koumsanmenm?

Me Onorab sa sistenm lo Romainville i lo later, i lo en kare later, ki fer ki *PUC* ki responsab sa proze, i annan drwa pour eksklir okenn dimoun, pour anpes zot antre dan sa landrwa.

Me dan lagon ki domenn piblik e ki napa okenn drwa ki ganny donnen avek sa konpannyen ki pe fer sa travay, mon krwar i enportan pour nou fer sir ki omwen letan i annan en larantre ki pa'n permet, ouswa letan i annan en lenterferans avek lekipman.

Serten mezir i kapab ganny pran pour *deal* avek sa dimoun, pour anpes serten lenterferans, ouswa pour remet annord serten lareg konsernan sa landrwa. Si nou pa fer sa, nou pour *still*, nou pour vwar nou dan en difikilte, kot sa lakonpannyen pour napa sa lasirans, ki i pa pour ganny enterfer avek dan okenn fason letan son sistenm pe fonksyonnen.

E fodre pa nou blyie ki sa sistenm pour la pour 25an, e 25an i en long letan, fodre nou fer sir ki dan sa 25an ki la, i pa pe ganny okenn enterferans par okenn lezot dimoun.

E prosedir, mon krwar Onorab - plizyer Onorab in koz

lo prosedir e mon kontan sa bann konversasyon ki pe ganny fer lo prosedir. E mon dakor avek – mon krwar tou dimoun i dakor dan lasal ki sa prosedir ki pe ganny fer la i en premye lesey, e mon pa ekspekte ki tou keksoz pour parfe.

Me ti a byen si nou kapab tonm dakor lo en prosedir ki mon krwar i satisfer preski tou dimoun, ki nou konnen poudir bann drwa in ganny respekte, bann rekomandasyon Lalwa in ganny swiv. E ki nou kapab vvar nou avek en solisyon, ki anmenn en serten rekonfor pour sa ki pe fer sa travay.

E nou kapab kontinyen avek sa linisyativ e an plis ki sa, swiv menm lareg dan le fitir akoz parey nou konnen Mr Speaker, i annan lezot lenstalasyon ki pour bezwen sa kalite, sa kalite reasirans dan lefitir.

La nou pe koz par egzanp bann enstalasyon *aquaculture* ki nou pe koz lo la toultan e nou pe sey fer dan Sesel. I annan bann lezot keksoz ki annan pour fer avek leksplorasyon dan nou delo teritoryal, ki evantyelman nou pa konnen ki kapab arive.

Me si i arive nou pour kapab swiv menm model e nou a kapab, nou a kapab bouz devan – akoz nou konnen

poudir pour bezwen annan serten nesesite a en serten moman, pour nou pran serten mezir, pou protez serten *asset* ki ganny mete dan delo Sesel.

E petet en keksoz mon ava fer sorti osi Mr Speaker, se ki dan lepase enn bann rezon ki sa proze pa'n fer progre, se ki akoz nou pa ti ankor vreman fini eksplor bann opsyon lo kote, lo kote legal e nou pa ti ankor vreman arriv lo en solisyon.

Ozordi nou pe vin ek enn ki nou swete nou a kapab aranze e fer marse, me i en keksoz ki nou bezwen fer e nou bezwen devlope menm an menm tan si nou tonm dakor, nou pa tonm dakor. Be selman evantyelman mon krwar nou ava tonm lo en pwen kot nou kapab vin ek en solisyon ki marse.

Ti annan - i annan sa bout kot lekel ki vin avan, lekel ki vin apre? Ki Onorab Andre in demann sa kestyon, mon krwar i en kestyon vreman valab. Eski sa Lalwa i kapab dir poudir sa landrwa i deza vin en *protected area*, ouswa apre ki'n ganny deklasifye Prezidan prezan i konsider li dapre en demann si i pour vin en *protected area or not?*

Sa i en pwen ki mon krwar bann Lezislater ek bann

dimoun *Attorney Zeneral* a bezwen klarifye. Mon pa kalifye pour mwan donn en lopinyon lo la, me mon krwar i valab ki nou demann sa kestyon, pour fer sir ki nou pe swiv tou bann Lalwa ki'n ganny met a nou dispozisyon pour fer sa bann louvraz.

I annan sa kestyon konsernan eski par egzanp, i kapab antre sa landrwa? Mon krwar i pour demann - i pour depan lo bann lareg ki ganny met an plas, letan nou pe konsider sa sistenm li menm.

Sa sistenm i pour flote lo delo, i pour monte desann avek mare, i pour ganny atase dan fon lanmer avek bann, bann kormor parey nou dir, bann mouyaz, e son lespas par lao i annan plizyer fason ki dimoun i sirkile lo sa bann lespas, nou annan sistenm *photovoltaic* lo Romainville e dimoun i anvol *drone* par lao sa bann sistenm.

E nou konnen poudir si sa bann *drone* i pa pe enterfer avek sa sistenm, ou pour napa en problemm. Alor mon krwar i pour en kestyon lareg ki rezonnab, e bann lareg ki permet dimoun kontinyen fer zot bann aktivite san problemm, me osi an protezan (mon pa konnen si sa i en mo) sa bann lenstalasyon kont lenterferans.

I annan en pwen konsernan sa *schedule*, mon pa'n byen atrape – an wi sa - mon krwar sa bout *schedule* in fini ganny rezourd, i ti ganny leve dan bann diskisyon avek *Bills Committee* me in fini ganny rezourd.

Apre Mr Speaker, i annan kot i konsern bann zabitan ki Onorab Uranie in leve, e mon krwar sa osi i tonm dan laliny sa ki'n ganny leve par lezot Manm. Mon krwar i enportan ki nou kapab reasir bann zabitan e si i neseser nou ava re-montre zot bann rezulta ki ti ganny prezante sa bann letan lo kote bann keksoz par egzanp refleksyon eksetera.

E pour zot konpran ki lenpak potansyelman sa sistenm i kapab annan lo zot landrwa. Me dapre bann lenformasyon ki mwan mon annan, i pa en keksoz ki ni fer tapaz, ni koz okenn gran problemm.

E ozordi letan ou get Romainville par egzanp ou pa vvar en lekla ki pe kler dan lakaz dimoun. Alor mon pa tro krwar si i pour annan sa kalite lenpak, me nou kapab osi redonn zot lenformasyon lo bann pwen konsernan sa proze li menm.

Kot i konsern kopi lagreman parey ki Onorab Loze

in leve, mon krwar sa i en kestyon – sa i en keksoz ki nou ava diskit avek *Attorney Zeneral*. Mr Speaker, mwan mon ti a kontan ki laplipar bann keksoz ki nou fer, i ganny devwale san sekre avek piblik, kot i posib.

Me i posib ki i annan serten morso, serten porsyon ki byensir i pour annan serten keksoz ki restrikte, me nou ava get avek *Attorney Zeneral*, ki kantite *maximum* ki nou kapab fer vin piblik e kalite lenformasyon ki kapab ganny mete dan domenn piblik, pour ki dimoun i kapab akse, akse sa bann lenformasyon. I ganny reasirans ki i annan en keksoz - ki sa keksoz pe ganny fer dan en fason transparan e ki napa nanryen ki ganny kasyet eksepte bann keksoz ki bezwen ganny kite konfidansyel ant sa de parti enplike dan sa tranzaksyon. Me bann keksoz ki pa detri – ki pa detri lentere piblik.

Osi Mr Speaker, mon krwar petet Onorab *Leader Lopozisyon* mon krwar in koz lo en keksoz kot lafason ki nou tret bann dimoun ki fer komanter lo size lanvironnman, mon krwar enn pti pwen ki'n leve.

Mwan lo mon kote mon napa okenn problem ek bann

dimoun ki fer komanter lo bann size ki annan pou fer ek lanvironnman, ouswa ki kritike, menm mwan mon'n ganny kritike, me sa i lavi.

e sa i sa ki nou pe fer. E mwan mon krwar kritik i ed nou reget sa ki nou pe fer e i ed nou fer pli byen nou louvraz. Alor mon toulstan dir ek bann *staff* pa bezwen tay kritik, me pa bezwen reakte negativman avek kritik.

Mwan mon pare pour ekout kritik e mon pare pour koz ek bann dimoun ki annan bann konsern pour ki nou servi sa bann konsern pour ed nou aranz sa ki nou pe fer.

Alor mwan pour mwan kritik i pa en rezon pour nou retournen e atak sa dimoun ki'n fer sa kritik, me plito, i en moman pour nou reflesir letan sa dimoun pe fer sa kritik lo sa size ki nou pe fer, ki nou pe travay lo la.

I annan sa konsern kot eski nou kapab pli tar servi sa laport pour deklasifye lezot morso domenn piblik? Mon krwar Mr Speaker, parey mon'n dir lo komansman, sa deklasifikasyon se Gouvernman ki'n kree sa lentansyon letan Gouvernman in apel bann konpannyen pour fer en soumisyon pour zener

elektrisite atraver en *floating PV system*.

Alor mwan mon krwar, nou bezwen kontinyen dan sa laliny. Se pa bann piblik ki vin rod bann faver, ouswa bann prive ki vin rod bann, bann laranzman ek Leta, me Leta li i deklar son lekor poudir pour sa kalite devlopman dan pei, nou pare pour fer sa kalite sanzman ki i ava permet tel dimoun a tel group fer sa kalite aktivite.

Me la mon krwar ti a enportan osi i annan komanter ki'n ganny fer, kontribisyon petet, pa komanter ki'n ganny fer lo sa proze ki pe koz lo lefe ki nou pe, nou pe donn bokou bann etranze. Mon krwar i enportan pour note Mr Speaker ki annan Seselwa ki *shareholder* dan sa konpannyen ki pe vin fer sa lenstalasyon.

E mon krwar i enportan pour note ki i annan plizyer bann posibilite pour ki Seselwa zot menm zot ganny ekspoze avek sa bann travay. E mwan mon soupssonnen, ki sa kalite proze letan i pour vin dan pei enn bann keksoz ki pour arive, se ki i pour aktyelman pran bann Seselwa, ki ti deza pe fer bann travay koman bann prive, koman bann endepandan e atir zot pour zot zwenn avek en konpannyen ki annan en

standing enternasyonal, ki zot pour kapab devlop zot en pe plis.

Me mon dakor ek Onorab Loze ki nou bezwen tonm dakor - nou bezwen fer sir ki dan tou sa bann demars, i annan plis Seselwa ki ganny sans pour zot *train* zot lekor.

PS Imaduwa nou'n fer plizyer diskisyon avek bann lorganizasyon ek bann ki vin Sesel, pour fer bann kalite aktivite pour zot enplik Seselwa e mon krwar dan sa ka osi, i pour annan Seselwa ki pour antre e pour partisip ladan koman bann dimoun ki pe *operate* sa bann sistenm ek bann teknisyen.

Ozordi lo Ile Romainville, se bann Seselwa ki'n *take over from* sa bann teknisyen ki'n enstal sa sistenm e nou vwar poudir Seselwa i kapab *run* sa kalite facilite. E nou napa okenn dout ki lezot Seselwa i kapab *train* e i kapab antre dan sa travay avek sa prive ler i antre.

Onorab Roucou in koz lo lokasyon an relasyon avek konblaz, eski i pour afekte okenn reklamasyon? Mon'n dir poudir reklamasyon in ganny pran kont dan planifikasyon sa lespas, e i annan deza en laliny ki'n deza desinen par Minister Later pour definir byen kote

reklamasyon pour pase, e ki fer ki pour napa okenn konfli ant sa de.

Aktyelman i annan bann demarkasyon ki nou'n fer ater osi tou ansanm avek Minister Later pour demark kot bann laliny, bann kab pour pase, e sa in fini definir kot i pour al zwenn avek *PUC* ater, pour ki napa okenn problem letan sa sistenm i antre, i antre dan plas e tou son bann koridor ki sipoze ganny servi in fini ganny demarke.

Kot i konsern sa ki *Leader Lopozisyon* in koz lo la Mr Speaker, se en kestyon prosedir, ki pour mwan i en keksoz ki valab, i enportan ki nou fer en refleksyon lo la, e mon pa pour, mon pa pour dir wi oubyen non, poudir mon dakor ouswa pa dakor avek sa ki'n dir.

I annan serten pwen ki'n fer sorti dan Lalwa e i enportan ki i fer en refleksyon, mon ava kit sa avek *Attorney Zeneral* pour fer en refleksyon lo la e pou deside si vreman sa ki nou pe fer i pe anmenn nou dan en semen kot Lalwa pour ganny swiv, e ki tou prosedir ki'n ganny etablir dan Sivil Kod par egzanp i pe ganny byen met an aplikasyon e ki piblik son drwa pe ganny respekte.

Alor mon krwar i enportan pour *Attorney Zeneral* pran sa an kont, ki sa bann size konsernan Sivil Kod e *compliance* avek bann lareg, i ganny analize e si i annan okenn problem avek *then* i annan desizyon i ava ganny pran lo sa size.

E lo kote kwa ki vin apre, ouswa ki vin avan? Mon krwar Onorab Andre ti lev sa pwen, kot sa Lalwa i pe dir, deza sa landrwa pe vin en *protected area*, menm avan ki *Protected Area Act* ek Prezidan i deklare poudir sa landrwa i en *protected area*.

Me selman Mr Speaker, mon ti rod enn pti klarifikasiyon avek *Attorney Zeneral*, mon krwar petet zofisyel i kapab klarifye osi la, i annan sa bout ki dir, sa landrwa i pour en *protected area* e accordingly zis seksyon 5 ziskan 9 *Protected Area Act* ki pour ganny aplike.

Alor pour mwan i en pe, mon pa konnen si en fason spesyal anba nou pe koz - la nou pe koz seksyon 5(1) i en fason spesyal ouswa selektif ki pe ganny aplike pour servi *Protected Areas Act*.

E petet sa i fer ki sa bout ki nou pe deklar li koman en *protected area* i kapab marse akoz i pa pe refer antyerman avek Lalwa *Protected Area*, me i

pe selekte serten provizyon anba sa Lalwa.

Me mon *stand to be corrected by* bann dimoun ki bann Avoka ek zot – avek zot sazes zot ava dir nou si vreman sa i en fason normal pour aplik bann provizyon Lalwa.

Declassified ek deklar sa bann lagreman fer li vin piblik, Onorab *Leader Lopozisyon* in demann sa kestyon, mwan mon pour fer en verifikasyon avek *Attorney Zeneral*, e parey mon'n dir tou bann morso Lagreman ki kapab vin piblik, mon pour fer mon demars pour li vin piblik pour ki dimoun, Manm Lasanble Nasional, okenn dimoun ki enterese, i a kapab konpran egzakteman kwa ki annan dan sa bann lagreman.

Akoz mon pa vwar okenn rezon pour nou fer li reste en keksoz prive, san eksepte dan leka kot i pour afekte lentere sa parti, ouswa lentere sa lagreman ki sa bann laranzman ki petet zot pa – i pa i annan pou fer ek biznes, eksetera.

Me apard sa nou konnen poudir sa lentansyon se met en sistenm prodiksyon elektrisite an plas, lo en lespas ki piblik e ki'n determinen par Gouvernman.

E mon krwar alor i pa en problem, i pa merit en

problem pour nou devwale kwa ki nou pe fer dan sa landrwa akoz napa nanryen sekre dan sa ki nou pe fer. E *PUC* osi napa nanryen sekre dan son laranzman avek sa konpannyen akoz li i pe al aste elektrisite pour li met lo son grid, pour li revann avek son bann konsonmater parey en tranzaksyon i merit ganny fer avek en *IPP*, e ganny dirize par Lalwa.

Alor Mr Speaker, mon pour aret la. Mon pa konnen si mon'n mank okenn pwen, me mon ava tous okenn pwen ki Manm i santi mon pa'n kouver dan mon entervansyon. Mersi.

MR SPEAKER

Mersi Minis. Bon, prezan nou kapab apel bann Manm pour vot lo merit zeneral, *Bill pour Second Reading*. Manm ki an faver lev lanmen silvoupe? Mersi. Manm ki kont? Lo merit zeneral *Declassification as Domaine Public (Providence Lagoon) Bill, 2023*. 19 Manm in vot pour, 0 kont e 8 abstansyon. *Bill* in aprouve par Lasanble pour *Second Reading* Madanm Clerk a fer *Second Reading*.

MADAM CLERK

Mersi Mr Speaker. A *Bill for an Act to declassify an area that is*

currently domaine public, to declare the declassified area as a protected area, to allow the Minister to enter into agreements with persons or entities, or public bodies, to allow the exclusive right of use of the declassified area, and to provide for other related matters. Mersi Mr Speaker.

MR SPEAKER

Mersi. Nou a prezan kapab pas dan Staz Komite. Minis in endike ki son zofisyé pour elabor en pe lo bann pwen ki li in kouver. Donk nou a ekout zot leksplikasyon, petet i a klarifye serten pwen ki zot ti pour leve an mezir nou regard *Bill*. So petet sa i ava ed nou al en pe pli vit. PS ou kapab pran laparol.

PS FOR CLIMATE CHANGE TONY IMADUWA

Mersi Mr Speaker. Parey Minis in dir, mon pou kouver en pe lo en pe sa *process* lanvironnman. Me avan mon al lo la, *maybe* i ti pou enportan osi pou donn en pe *background* proze *itself* ki mannyer in komanse.

Proze *floating PV* parey nou konnen flotan lo delo, lagon ti en keksoz ki nou ti'n regarde depi 2015. E nou'n regard bann plizyer sit. Inisyalman sit La Gogue, danm La Gogue ti leve. Me selman ti annan sa plan re

aranz danm La Gogue. E finalman nou'n tonm lo sa sit Providence kot i ete *Zone 18*. E sa ti'n ganny *agree back then* pou servi sa sit.

E nou'n fer plizyer letid lo kote lanvironnman, inisyalman nou ti fer en pe letid sa landrwa *itself* lo kote mouvman laroul pou gete si en tel proze i kapab ganny fer. Akoz i pou lo delo. So, i annan sa risk ki avek mouvman laroul *or high tide* i kapab afekte prodiksyon.

Swivan sa nou ti'n zwenn ek plizyer lezot lorganizasyon, e enn ti Minister Later, Lanvironnman *and so on* pou regarde lo kote lenpak ki sa proze i kapab fer i kapab annan.

E sa proze li menm li in ganny set dan sa landrwa, an prenon kont bann lezot devlopman dan sa landrwa. E enn sa devlopman i sa reklanmasyon. E mon krwar ti annan serten Manm ti demande si pou enterfer.

Non, sa proze son *sitting* son *area* ki'n ganny demarke parey dan sa Lalwa i pran prenon kont sa reklanmasyon ki pe al ganny fer *Zone 18*.

Apre ti annan konsern lo kote mouvman. Ler nou ti zwenn ek lapes ti annan konsern lo kote bato, mouvman pou sirkile. Nou ti aktyelman

lyez ek SMSA pou vwar *what's the minimum requirement* lo kote lespas ki *require* pou bato sirkile. E an servan sa *minimum requirement* nou ti aktyelman set en *buffer* pou *allow* ki i annan sirkilasyon bato dan sa *area*.

Apre ti annan konsern from zabitant lo kote *biodiversity*, lenpak ki kapab annan lo sa landrwa. E ti annan en konsern ki ti pe dir ki, wi konblaz in detri sa *area*, me selman i ti annan serten lespes ki ti pe retournen. So, nou ti fer *biodiversity survey* dan sa *area*, e i ti war ki *biodiversity* ti *minimal*.

Aktyelman ti annan serten keksoz, me selman ti napa naryen ki ti kapab *raise* en *flag* ki dir non, nou pa pou kapab fer sa proze la, akoz i en lasam en *spices* ki nou bezwen proteze. Apre ti annan *issue* lo kote *glaring*. E *glaring* nou ti bezwen lyez ansanm avek Lavyasyon Sivil pou regarde *what's the spesifikasiyon*.

E zot ti *provide* nou avek spesifikasiyon. E ler nou ti pe lyez ek bann *technical expert*, nou ti *factor in* sa *glaring effect* ki i annan, ki pou annan dan *tender process* e *requirement* ki ler bannla pou submit zot *proposal* ki zot fer sir zot annan sa paramet.

E osi nou ti'n ganny dir ki *glaring* pou annan plis from delo ki aktyelman *from* sa *panel*. E on krwar i en pe evidan parey si ou pe get lo kote Romainville, ou get sa laferm lo Romainville konpare avek delo pou ganny plis sa *glaring from* delo ki aktyelman *from* sa bann *panel* ki lo Romainville.

Si ou pe debout par egzanp lo kote delo. Apre ti annan *issue* lo kote *visual*, mon krwar plis konsern ki nou'n gannyen from rezidans se zot pa ti kontan ki sa proze i la. E sa dan proze lenerzi nou apel sa *not in my backyard syndrome*. Savedir mon pa anvi la kot mwan, me selman anvoy ou lot kote kot en lot dimoun. *Then*, i a vin problem en lot dimoun si nou anvoy ou lot kote. Ou konpran?

Ti vin sa *issue* ki nou pa kapab vreman rezourd. Akoz sa landrwa ti ganny idantife *as the best site* pou sa kalite proze ki annan en *minimal risk*. La ki reste avek sa *process environmental*, la ki nou'n ganny sa demarkasyon ki'n ganny donnen par *MLH*, i prezan la ki sa dimoun ki'n gannyen, sa proze pou bezwen fer son *sitting of son bann panel within that area*.

E once i fer sa la, nou pou submit the final amendment to

sa *EIA*, ki prezan dimoun i ava war kote vreman sa bann *panel* pou ganny plase, *within* sa *demarcated* area ki dan sa Lalwa. E mon krwar mon'n kouver tou lo kote lanvironnman.

MR SPEAKER

Mersi PS. *Legal Counsel* oule azout keksoz? Ou annan laparol.

SENIOR LEGAL OFFICER SHARON GERRY

Mersi Mr Speaker. *Regarding* sa *declassification* li menm li i klerman legal, si nou pe get Lartik 540 *Civil Code*, kot i dir koumsa “ki en *property* ki i pa kapab *ceased to be a domain piblik without expressed legislation*, espesyalman since seksyon 5, 6 ek 7 of the *delineation and classification of domain piblik* in ganny *repeal* an 2021. Kot Prezidan li menm li i kapab *declassify* en *domaine piblik* to en *domaine prive*.

E *regarding* kot i konsern *declassification*, whether it's the only solution ki nou lofis in kapab come up with, the Attorney General himself in war ki the only solution, akoz ti only way pou kapab fer the public itself pa akse sa area since i en domenn piblik li menm li, one of

the main componence if it's public access. Thank you.

MR SPEAKER

Thank you, Legal Counsel?
Onorab Pillay ou pou al lo klarifikasiyon?

HON SEBASTIEN PILLAY

Non, non Mr Speaker, si i adres sa pwen nou pa bezwen fer klarifikasiyon. I annan en pwen ki pe konsern nou konsernan lekel ki vin avan. Si i vin Proklamasyon Prezidan, koman sa landrwa i en *protected area*? Oubyen si Lalwa ki bezwen vin avan?

Akoz ler nou get Lalwa ki konsern *protected areas*, seksyon 3 i dir Prezidan i kapab deklar okenn landrwa en *protected area*.

So, eski Lalwa ki pou deklar sa landrwa koman en *protected area*? Oubyen eski nou pou ganny Proklamasyon apre, lekel ki vin avan ant le de? Mersi Mr Chairman.

MR SPEAKER

Mersi. *Counsel?*

SENIOR LEGAL OFFICER SHARON GERRY

Mersi Onorab. Sa *Bill* li menm li seksyon 3, i pa egzakteman about *protected areas* dan *Protected Areas Act*. Akoz ler ou

pe get definisyon en *protected area* dan sa *Bill*, i pa fer *reference to the Protected Areas Act*. Mersi.

MR SPEAKER

So, Onorab Andre, ou annan kestyon?

HON CLIFFORD ANDRE

Wi Mr Chair. Mr Chair, ou konnen, letan ou fer en spesifikasyon en Lalwa, kot ou refer avek en lot Lalwa, e ou met son *cap number*. Savedir sa Lalwa i pou aplikab. Konmsi mwan mon konsernen avek sa, akoz i dir ou “*a specified area shall be a protected area*”. “5(g)” in dir “not en *protected area* is”. Akoz ou’n provide what a *protected area*. Sa i ok.

And accordingly sections 5 to 9 of the Protected Area Act shall apply me ou met en proviso ladan. “*With any necessary modifications, apply to the specified area*” who makes modifi...? You cannot modify a law, because 4 to 9 is already there. How are we going to modify what 4 and 5 says? Parey mon’n dir boner “*a protected area*” i annan en fason ki ganny defini.

Pa zis dir, i ok li, me selman son definisyon “*of a protected area*”, lekel ki fer “*protected area*” i mete dan en

Lalwa. So, en lot Lalwa pa kapab vini sanz sa. Ou ti a sanz sa mo “*protected space*” kekfwa ou ti a dir mwan. Once ou dir “*protected area*” prezan ou refer lo en *Protected Area Act* avek son *cap number causes an issue*.

Sa mwan letan mon pe get li, mon pe sey met mwan koman en *layman*, par ler pa neseserman koman en Avoka. Koman en *layman*, mon war ki i annan problem. Koman en Avoka mon war pli gro problem ankor.

MR SPEAKER

Un instant. Minis si ou panel i kapab adres sa, wi?

MINISTER

JOUBERT

Mersi Mr Speaker. Parey mon’n dir dan mon lentervansyon, i en premye fwa ki nou pe fer sa lesey. Attorney Zeneral osi in fer en kantite zefor, pou sey anmenn en keksoz ki satisfier bann demann ki nou’n diskite. E petet i annan serten rafinnman ki nou bezwen fer pou nou fer sir ki i tonm byen.

Alor i enn bann keksoz ki nou pou rediskit atraver nou *legal counsel* ki la, avek Attorney Zeneral pou nou fer sir ki i annord. Mersi.

FLAVIEN

MR SPEAKER

Onorab Pillay?

HON SEBASTIEN PILLAY

Mersi Mr Chairman. Pou *follow on* lo sa ki Onorab Andre pe dir, nou ti pou napa problemm, si anba kot nou pe koz lo laplikasyon *Protected Areas Act*, Konmsi kot nou ti dir pou dir *is as if* nou pe dir sa Lalwa ki aplike an relasyon ek *protected areas*.

Me sa Lalwa i donn son definisyon *of a protected area*, *that is where the problem lies*. Ou pe kre en, en *area* ki ganny proteze spesifik dan en fason spesifik pou *suit the purpose of this law*. Ou konpran? Me petet ou ti devret dir anler dan ou definisyon, ki definisyon *of a protected area* anba *protected area* pa *apply* an relasyon avek sa definisyon *of the protected area*. Prezan zis en konponan sa lot Lalwa ki ava aplike.

Me selman mon vwar dan pou mwan ler mon pe get, mon'n war en kantite Lalwa pase mwan. Mon vwar li vin en problemm pou nou, akoz en Lalwa i bezwen kler dan son lentansyon ki i pe sey dir. Akoz i annan en fason ki en *protected area* i ganny proteze.

E i pou annan en fason ki sa *protected area* ki ganny proteze dan sa konteks, pou sa

kalite aktivite osi pou ganny proteze.

So, mon pa krwar poudir pou sitan *straight forward* zis pou nou fer sa. E mon pa vwar rezon akoz ki zot bezwen met sa. Zot, pou zot ti plito en *legal requirement* ki dimoun pa antre dan sa landrwa. Me *protected area*, anba *Protected Areas Act* i plito en *requirement* environmantal.

I plito annan en *requirement* ki annan pou fer avek proteksyon, ou konpran? So, zot ti devret petet spesifye, oubyen klarifye dan zot definisyon.

MR SPEAKER

Wi, mersi. Wi Minis ou kapab kontinyen adrese?

MINISTER**JOUBERT**

Mersi Mr Speaker. Mersi Onorab pou sa pwen. Mr Speaker, letan nou pe koz sa *protected area*, mon krwar nou pe koz *Protected Areas Act* ki kouver bann propriete - serten bann propriete sansib dan pei. Me mon krwar i annan en pe konfizyon.

Akoz dan lepase in deza ganny aplike sa menm Lalwa pou bann Ban Afriken, kot nou'n fer Ban Afriken vin en

FLAVIEN

protected area parey Radyo Sesel ek parey Kan Larme.

Me selman apre mon krwar in re klasifye pli tar. Me dan sa ka mon krwar lentansyon si mon konpran byen, lentansyon se ki nou pe kre en kalite *protected area*, pou purpose sa Lalwa ki la.

Me selman petet lafason ki'n ganny ekrir, e referans ki i fer avek *Protected Areas Act* i kre konfizyon. E mon dakor avek tou lede Manm ki'n koze, ki i annan en nesesite pou nou klarifye sa pou evite ki okenn dimoun pa konfize par lentansyon sa Lalwa. Mersi.

MR SPEAKER

Wi, Onorab Andre?

HON CLIFFORD ANDRE

Mersi Mr Chair. Zis ti pou mwan - mon konpran Minis, e Minis in war kote kekfwia ki kapab annan sa issue. Akoz i dir ou section 5 to section 9 shall apply. Annou get en pti kou section 8. Section 8 i spesifikman "The President may by notice." Me selman anba la, Minis ki annan lotorite, ok administre par Minis. Section 9 ankor "The President may by notice in writing requires the occupier".

So, mwan mon santi letan nou pe gete, konmsi, annou pa

kree sa konfizyon, akoz i kre konfizyon. E Minis i fer regilasyon anba sa Lalwa, savedir sa Lalwa i tonm anba son *ambit*. Fine, sa i fantastik, me nou devret posibleman revwar sa referans ki nou fer avek *Protected Area Act*. Akoz i pa sorti parey i devret sorti, parey zot lentansyon i ete.

Lentansyon se pou annan en area ki ganny proteze, ki annan serten proteksyon ki atase avek. Me mwan mon krwar posibleman kekfwia nou ti devret met dan sa Lalwa li menm, dan plas cross refer. Aprezan i annan bann eleman dan sa Lalwa ki vin, mwan si oule ler mon get li i kontradiktwar dan sa sans. Mersi.

MR SPEAKER

Wi, anfen si mon swiv sa ki zot pe dir, i sanble mwan wording sa 5(1)i bezwen ganny adrese. Mon pa konnen si legal draftsperson ek panel i aksepte sa bann kritik. E si zot pe regarde si i annan en mannyer rezourd li, oubyen si zot satisfe avek sa ki la. Onorab Andre, ou ankor pe entervenir?

HON CLIFFORD ANDRE

Wi Mr Chair. Mon pe sey propoz en sizesyon, en solisyon si oule - pou sa problem. Si ou met en

“specified area”, nou pa ankor arriv la. Me selman zis pou zot konsidere la pou le moman. *“The Specified Area shall be a protected area, full stop”*

Akoz si nou pe al met son laplikasyon an referans avek sa lot Lalwa, 4 a 5, nou pe kre en pti pe problemm en pti pe anbigite dan sa sans. Mersi. So letan nou arriv - annefe nou bezwen arriv lo la. Akoz si nou komanse napa lot avan, i annan zis sanmenm sa enn apre pou nou kontinyen.

So, si nou komans par la Mr Chair, i ava ed nou pou nou *at least* vin lo sa laspe lamannman. Mersi.

MR SPEAKER

Panel? Minis?

MINISTER

JOUBERT

Mersi Mr Speaker. Mr Speaker, me selman mwan mon pe... letan nou pe diskite, i annan serten fason ki kapab ganny servi pou koriz sa problemm. Me selman referans avek *“protected area”*, i kapab *still* kre en pe konfizyon.

Akoz nou annan 2 Lalwa ki servi sa term *“protected area”*. Nou annan Lalwa *Protection Lanvironnman*, ki annan pou fer avek bann rezerv, ek bann lespas proteze.

Apre nou annan *“protected area”* ki kouver bann landrwa sansib dan pei. Alor nou kapab war dimoun pe *mistake* sa pou *“protected area”* dan sa 2 lezot Lalwa, pou sa 2 lezot konteks ki egziste.

Alor, petet ti a bon nou reflesir ankor en pe. E nou deside ki mannyer nou pou apel li. Petet *“it shall be protected”*, me selman pa *“it shall be a protected area”*. Thank you.

MR SPEAKER

Onorab Andre?

HON CLIFFORD ANDRE

Si mon kapab ed li, akoz an referans ek sa Lalwa Minis, ou annan en definisyon pou *“protected area”*. So, par lefe ki ou annan en definisyon lo la, i ki si mwan mon pe get sa Lalwa, letan ou’n dir *“protected area”*, so mon bezwen pran sa definisyon ki la.

Si mon pe get en lot Lalwa, dan sa konteks of *Protected Area Act*, la mon ava get li dan en lot i *mean* en Avoka, oubyen en dimoun bezwen get li dan en lot perspektiv. Akoz i an referans avek en lot Lalwa. Si ou ti napa en definisyon la, la ki ti pou kree en pe, en pe difikilte.

So, kekfwa sa solisyon ki nou kapab war pou sa la, ki a fer ki ou a ganny sa *area* ki’n

ganny dezinyen. Epi si i neseser Prezidan i kapab li, met serten kondisyon ki annan anba *Protected Area Act*. Akoz se li ki fer sa.

MR SPEAKER

Onorab Andre, mon pa'n konpran sa definisyon “protected area” ki ou pe fer referans avek. Kote i ete?

HON CLIFFORD ANDRE

I dan *Bill* li menm. Seksyon 2, dan 2enm enterpretasyon i dir “*Protected area means an area in respect of which it is necessary or expedient in the public interest to put in place special restriction to prevent the entry of unauthorized persons; and*” kontinyen Mr Chair apre i al lo “specified area” sorry.

MR SPEAKER

Yes, mon konpran ou. Savedir si sa “Seksyon 5” la i dir “*this is a protected area*” i pe restrict son definisyon avek sa enterpretasyon la ki la, sa mon konpran. I lozik. Onorab Pillay?

Kestyon ki *panel* - en pti kou Onorab Pillay mon a donn kestyon ki *panel* i bezwen reflesir lo la, si sa definisyon anler i ase pou sa ki zot bezwen pou sa Lalwa. Si i ase, i kler. Onorab Pillay?

HON SEBASTIEN PILLAY

Se sa *main* problem prezanz. Akoz ki mannyer zot ti'n *word* zot *clause*, zot ti pe servi zot provizyon ki kre serten lofans. Pa lofans, me ki kre serten aksyon kapab ganny pran avek en endividé ki vin dan sa landrwa.

Par egzanp en dimoun i vini i retir enn sa bann pano soler, e i al avek, Lalwa ki mannyer zot ti pe anvizaze fer son koneksyon avek, se ki anba *Protected Area Act* en zofisyelapolis, oubyen en zofisyelosekirite ki dan sa landrwa i kapab antre dan sa transpor, retir sa pano soler, remet li an plas. Konpran mwan? Se sa konmsi zot lentansyon.

Konmsi zot ti oule preskrir ki i annan en aksyon ki kapab ganny pran, pou si ou annan en *unauthorized entry*. Pou ou kapab zwenn sa *halfway, the only way* pou kapab fer sa se ki si ou preskrir anba regilasyon.

Akoz pou le moman ou problem ki ou annan se ki *as far* ki ou sey servi bann provizyon ki anba sa *Protected Areas Act*, ou otomatikman anmenn sa rol ki Prezidan Larepublik i annan pou fer proklamasyon pou fer isi, pou fer laba.

So, pou nou get *rid of* sa, mon krwar pou kapab zwenn zot tou, fodre zot kapab war en pa fason pou met provizyon anba regilasyon. Akoz kwa ki manke preznan Mr Speaker, Minis i bezwen donn *authority* pou *entry* sa i *ok*. I ganny kler anba Lalwa. Me ler ou'n antre san lotorite, ki arive? Ou konpran?

I kapab *let's say* Gouvernman i dir ok en bout sa landrwa mon pou donn *IPP*. En bout sa landrwa mon pou donn *PUC*. E *PUC* son bann keksoz i *belong to* lekel? To Gouvernman Sesel. Si en dimoun pe antre pe tir keksoz ladan. So, i bezwen annan en fason pou *deal* avek.

Mon krwar petet *Attorney Zeneral* i bezwen gete ki mannyer i kapab fer sa bann bout dan seksyon 5 antre swa dan sa Lalwa li menm, ki vin en *substantial amendment* preznan, oubyen Minis i fer li anba regilasyon.

MR SPEAKER

Mersi.

HON SEBASTIEN PILLAY

I a *solve* sa problem definisyon ki ou pe rode.

MR SPEAKER

Wi, mon krwar mon ti a kontan si *panel* i adres sa pwen. Si sa

definisyon *protected area* i ase avek Seksyon 8 ki dir "The Minister may make regulations to prescribe all matters which are required by this Act" ki ava enkli *matters* pou secure a *protected area*.

So si - Mon ti a kontan si *panel* i adrese si sa i ase koman proteksyon ki zot bezwen.

MINISTER

JOUBERT

Mersi Mr Speaker. Dapre *Legal Counsel* wi, i pou ase. Me mwan lo mon kote mon ti ava petet ganny ou gidans. Eski i vedir ki sa Lalwa alor, nou pou bezwen re travay en porsyon, ouswa eski nou kapab fer sa bann sanzman la dan lasal? E apre bouz devan avek.

MR SPEAKER

Mon krwar sa sanzman nou kapab fer. Akoz wi i en *major amendments*. Me selman i senp, akoz i pe zis *delete* en serten bout dan en *clause*. E son lentansyon i kler. So, mon krwar sa ki a neseser, se ki si Onorab Andre i propoz *amendment* of sa seksyon parey i ti'n endike, si Minis in dir pou dir sa i ase pou li avek sa definisyon, mon krwar Lasanble i kapab fer. Onorab Andre?

FLAVIEN

HON CLIFFORD ANDRE

Mersi Mr Chair. Mr Chair, mon proposed ki nou met dan seksyon 5(1), “the specified area shall be a protected area.” (full stop) Nou “delete” apartir “and accordingly section 5 to 9 of the Protected Area Act (Cap. 185) shall, with any necessary modifications apply to the specified area.” So, nou delete sa nou kit 1 .

Prezan parey Onorab Pillay in dir ki ok, Minis i kapab fer regilasyon anba seksyon 8. Mersi.

MR SPEAKER

Mersi. Mon - petet Manm i aksepte? Ok? Nou kapab aksepte sa. *Panel?*

MINISTER
JOUBERT

Yes, Mr Speaker, nou kapab aksepte sa sanzman.

MR SPEAKER

Tre byen. Onorab Andre, ou a proceed to next amendment please.

HON CLIFFORD ANDRE

Yes. Mersi Mr Chair. Mr Chair, nou al lo 5(2). Nou delete “save”, nou ranplas li par “except”. E lo 2enm laliny, apre “shall” apre “no person shall” nou delete “be permitted to” i

vin “no person shall enter the specified area”.

Mon kontinyen Mr Chair, 6(2) ...

MR SPEAKER

Me dan 5(3) ou pa pe... sorry dan mon versyon i annan amendment dan 5(3). Eski ou pe ... in fini deal avek sa, kwa?

HON CLIFFORD ANDRE

En pti moman Mr Chair, mon ava re verifye sa. Paz 3... ok, paz 3 Mr Chair, nou pou delete lo 3enm laliny kot i annan “or” at the end of 3enm laliny “or specified in any exclusive rights agreement entered into pursuant to section 6” nou pou delete sa. Nou pou met “or the prescribed authority”.

MR SPEAKER

En moman. *Panel*, lopinyon.

MINISTER
JOUBERT

Wi, Mr Speaker, nou legal counsel in fini rikorde sa bann sanzman. E nou dakor avek. Thank you.

MR SPEAKER
*Thank you.***HON CLIFFORD ANDRE**

Nou pou kontinyen lo 6(2) Mr Chair, premye laliny nou pou

delete “concluded” nou pou ranplas li avek “entered into”. 7...

MR SPEAKER

En moman. Onorab Pillay?

HON SEBASTIEN PILLAY

Mr Chairman, dan sa deba in mont detrwa fwa sa size lagreman vin piblik. *Ok? Mon ti a kontan demann Minis, akoz Minis be candid ek nou, to what extent, eski ou krwar i pou posib? Akoz pou nou fer sa vin piblik, fodre nou fer en lamannman la. And the agreement shall be made public. i bezwen vin la, la somewhere la, ok?*

So, e ou pa ankor antre dan largiman avek en IPP, e i pa osi - mwan mon pa kapab osi vi ki Gouvernman in fini fer diskisyon avek en lot dimoun, in fini donn li serten kondisyon - pou mwan prezan al propoze pou sa lagreman i vin piblik. Me Lasamble, ti in unison dakor ki the agreement should be made public.

So, mon ti a kontan avan ki mon propoze si sa i pou annan, i posib i donn en posibilite. Si non Mr Speaker, *then nou pou bezwen dan nou kote nou anmenn lezot sanzman ki pou neseser. Mersi.*

MR SPEAKER

Minis?

MINISTER

JOUBERT

Mersi Mr Chair. Kot i konsern *exclusive rights* mon krwar normalman *exclusive right* i bann drwa ki ganny donne avek en aplikan, ki pe fer tel ou tel aktivite. E mon pa tro asire si ladan, me selman mon bezwen verifye. Si ladan i annan lenformasyon ki privilezye, petet en pti bout lenformasyon i privilezye.

Me laplipar lenformasyon normalman i piblik i merit okouran, akoz i en drwa ki pe ganny donne avek en antite par Leta. Alor mon krwar i merit kapab ki laplipar dan sa dokiman i kapab vin piblik. Mon'n ganny dir par PS ki nou'n komans konsider bann premye egzanpler en tel kalite lagreman.

E mon ava diskit avek Attorney Zeneral. Me ki mon kapab reasir Onorab se ki tou bann morso ki kapab vin piblik ladan, ki pa annan konsekans privilez ant sa 2 parti. Mwan pou mwan, mon krwar i devret ganny mete piblik, sirtou bann drwa ki ganny donne. Akoz nou bezwen konnen ki drwa en lot parti pe ganny donne par Leta.

FLAVIEN

E mon krwar pa si i annan naryen sekre ladan letan ou pe ganny donnent drwa par Leta Sesel. Mersi.

MR SPEAKER

Mersi. Onorab Andre?

HON CLIFFORD ANDRE

Mersi Mr Chair. Zis pou klarifye; sa pou ganny donnent atraver en *lease* Minis, atraver en *lease*. Si i en *lease* i pou bezwen ganny anrezistre kot *Registrar General*. So, it become public document.

Mwan personnelman, mon pa krwar *unless* ki Minis pe dir poudir pou annan en *lease*, apre pou annan en lot kontra lo ki mannyer pou annan loperasyon.

La mon krwar kekfwa nou bezwen get sa kontra. Me si *it is only going to be based on a lease* i vedir sa *lease* i pou *public documents* ki mwan mon kapab al demann en kopi, e sa i dan Lalwa. Mersi.

MR SPEAKER

Mersi. Byen nou a reste avek leksplikasyon. Minis ou oule azoute lo la, oubyen...?

MINISTER JOUBERT

Mersi Mr Speaker. Mr Chair, (pardon.) E mersi bann Onorab

FLAVIEN

pou sa bann pwen ki vreman enportan. Mr Chair, mon krwar rezon ki sa 2 non pe ganny servi *exclusive rights agreement* avek *lease*. Se ki akoz i difisil pou apel en drwa ki ou donn en dimoun dan delo en *lease*.

E an prensip i sipoze ekivalan, i bezwen annan ekivalans. E PS in endik mwan poudir lentansyon se ki nou pou register sa dokiman, letan i fini ganny prepare.

Alor otomatikman i pou vin en dokiman publik, akoz i pou ganny anrezistre koman sa lagreman avek sa konpannyen.

Me nou pa kapab apel li *lease* pou serten rezon. I pou annan en dokiman, me selman son non i pa parey, akoz son karakter sa kalite laranzman ki ou pe fer. Mersi.

MR SPEAKER

Mersi Minis. Mon krwar bann Manm i ava apresye ou lasirans. Nou a kontinyen Onorab Andre.

HON CLIFFORD ANDRE

Mersi Mr Chair. 7(1) nou pou *delete* dan premye laliny “*without permission*” e nou pou met dan dernyen laliny, son dernyen laliny pou *read as follows* “*standard scale or to imprisonment not exceeding two*

years or to both such fine or such imprisonment”

MR SPEAKER

So, eskiz mwan Onorab Andre, mon pe zis demann ou klarifye si ou krwar poudir tir sa “without permission” i ganny kouver ase avek sa fraz ki swiv “contrary to a provision of section 5.” Savedir ou pa bezwen sa zafer without permission?

HON CLIFFORD ANDRE

Se sa ki nou koman Bills Committee ...

MR SPEAKER

Ok, zot in dakor lo la, wi. Onorab Hoareau?

HON JOHN HOAREAU

Mr Chair, mon krwar i fer referans avek *Protected Area Act* ki nou pou bezwen tire ladan. *Wherever it appears*, nou pou bezwen reword li.

MR SPEAKER

Wi, vi ki nou'n retir referans avek bann seksyon “protected area”. Onorab Andre?

HON CLIFFORD ANDRE

So, Onorab Hoareau i annan parfetman rezon, akoz nou'n tir sa seksyon avan. So, si nou pou dir “a person who is in a

specified area contrary... i pou annan problem la.

MR SPEAKER

Wi. *Contrary in section 5 of this Act. 2 prezan i depan lo section 5 of this Act.*

HON CLIFFORD ANDRE

Non, non *it won't be section 5 of this Act.* Akoz, i deza “a person who is in a specified area”. Mwan mon krwar letan nou pe gete la Mr Chair, nou pou bezwen en pti letan pou nou revwar section 7. Menm zafer avek subsection (3) of 7.

MR SPEAKER

Wi.

HON CLIFFORD ANDRE

Menm zafer osi avek, subsection 4 i koz lo *penal code.* Subsection 4, so i ti bann dernyen, dernyen lamannman. Si ou permet nou en pti moman *at least* pou nou... si nou pran en pti *technical break* Mr Speaker, pou nou kapab Mr Chair, zis pou nou kapab verifye sa 2.

Akoz par lefe ki nou'n fer sa lamannman avan, ki nou menm nou, nou pa'n realize poudir i aparet ankor. So, unless ki zis nou tir nou *delete.* Nou pa kapab tir ... akoz i *offences and penalty.*

MR SPEAKER

Petet i ti pou pli senp ki zot fer li avek *panel*, avek *Bills Committee*. Pou petet nou bezwen sa. Sa pti sesyon travay, 10 minit i ava sifi?

HON CLIFFORD ANDRE

Yes, yes, yes.

MR SPEAKER

Ok.

HON CLIFFORD ANDRE

Si nou fini avan, nou avan nou ava enform ou.

MR SPEAKER

Ale. Nou a pran en *technical break* pou 10 minit. Nou a retournen 5er45. *Thank you.*

(*technical break*)

MR SPEAKER

Byen, nou a ekout propozisyon *Bills Committee* ek *panel*. Onorab Andre?

HON CLIFFORD ANDRE

Mersi Mr Chair. Mr Chair, 7(1) propozisyon se nou met li koumsa “A person who is in the specified area” nou delete “without permission” nou dir “contrary to the provision of section 5” apre nou delete tousala.

Nou ariv “or fails to comply with any regulation made in relation to this Act commits an offence and shall on conviction liable to a fine of level 2 on the standard scale or to imprisonment not exceeding two years or to both such fine and such imprisonment”.

MR SPEAKER

Thank you. So, i annan lot referans avek *Protected Areas Act* dan 3, 7(3)?

HON CLIFFORD ANDRE

7(3) nou pe tire Mr Chair. Nou delete 7(3) konpletman.

MR SPEAKER

Ok. Any more?

HON CLIFFORD ANDRE

E nou lot lamannman ki mon’n soumet se lamannman sa *schedule*.

MR SPEAKER

So, sa de “protected area” ou’n kouver tou?

HON CLIFFORD ANDRE

Wi.

MR SPEAKER

Ok. Manm i an akord? *Thank you.* Ale, kontinyen, *next one* Onorab Andre.

HON CLIFFORD ANDRE

Yes, Mr Chair. I sa, *next one i lamannman the amendment of the schedule. First Schedule, nou pou delete from “number 1 to number 69” nou pou kit “70” ziska “87”.*

Nou pou *delete “88” “89” “90” “91”*. Savedir ki a fer ki letan nou *renumber*, “70” pou vin “number 1” si i neseser pou fer *renumbering*. “70 pou vin 1,2,3,4,5,6,7,8,9,10,11,12,13,14,15,16,17,18”. So, nou pou annan “18”.

Ok, i pa pou bezwen *renumber*. Akoz son plan i spesifye avek sa limero ki la. So, i pou reste as “70 to 87”

MR SPEAKER

Panel okenn komanter lo amendment to the schedule?

MINISTER**FLAVIEN****JOUBERT**

Mersi Mr Chair, nou’n konsider sa bann sanzman ki pe ganny propoze. E nou *legal officer* isi avek nou, nou *legal counsel* i dakor. E tou dimoun dan *panel* i dakor avek sa bann propozisyon. Mersi.

MR SPEAKER

Tre byen. Minis, eski i korek pou dir piblik ki sa bann lamannman i an referans avek

bann pwen ki demark sa “protected area”?

MINISTER**FLAVIEN****JOUBERT**

Wi Mr Speaker, dapre leksplikasyon, se ki letan bann pwen in ganny mete dan sa *schedule*, in annan bann repetisyon. E in annan bann plizyer kantite pwen ki’n ganny re mete detrwa fwa alafwa. E pou nou konplet sa map li menm, nou pa bezwen sa kantite pwen. E tou sa bann pwen ki’n ganny retenir, i direkteman relye avek sa bann pwen ki lo sa plan ki’n ganny soumet.

MR SPEAKER

Mersi. Bon, mon krwar avek sa nou’n fini ek bann *amendment*, Onorab Andre?

HON CLIFFORD ANDRE

Yes, Mr Chair. Nou’n fini, mersi. Ok, tre byen. Alor avek sa nou a kapab pas dan Staz Lasamble. E nou a pran mosyon for *Third Reading*. Onorab Arissol.

HON SANDY ARISSOL

Mersi Mr Speaker. Bonswar tou dimoun ki a lekout. Mr Speaker, anba Order 76(1), mon pe *move* ki *Bill Declassification of Domaine*

Public (Providence Lagoon) Bill, 2023, Bill 13 of 2023 i ganny lir en Trwazyenm Fwa, this time as Amended. Thank You.

MR SPEAKER

Mersi. Segonnman silvouple. Onorab Esparon?

HON REGINA ESPARON

Mersi Mr Speaker. Mon segonn Mosyon pou ki *the Declassification as Domaine Public (Providence Lagoon) Bill, 2023 as amended*, i ganny lir en Trwazyenm Fwa.

MR SPEAKER

Mersi. Manm ki an faver lev lanmen silvouple? Manm ki kont? Lo *Formal Third Reading Declassification as Domaine Public (Providence Lagoon) Bill, 2023 as amended*, 18 Manm in vot pour, 0 kont e 8 Manm in *abstain*. Donk, sa *Bill* in pase pou *Third Reading*. E Madanm Clerk i ava fer *Third Reading*.

MADAM CLERK

Mersi Mr Speaker.

This Act may be cited as the Declassification as Domaine Public (Providence Lagoon) Act, 2023 and it shall come into operation on such date as the Minister may, by notice published in the Gazette appoint. Mersi Mr Speaker.

MR SPEAKER

Mersi Madanm Clerk. Bon, nou'n terminen avek sa *Bill*. E in ganny aprouve par Lasanble. Zis en pti *item* nou pou pran. Madanm Clerk in sirkil en *Revised Order Paper* pou nou kapab met en *First Reading*.

E nou annan en *Bill* ki'n *cleared* par *Bills Committee* ki nou pare pou *First Reading*. I pa neseserman ki nou pou pran semenn prosenn, me selman nou kontan met li lo *First Reading* pou permet Manm pran *notice* e kapab komans travay lo la. Madanm Clerk ou ava fer *First Reading Bill*.

MADAM CLERK

Mersi Mr Speaker. Nou pe fer *First reading* pou *the Employment (Amendment) Bill, 2023. This Act may be cited as the Employment (Amendment) Act, 2023, amending the Employment Act (Cap 69) (hereinafter the "principal Act")*. Mersi Mr Speaker.

MR SPEAKER

Mersi Madanm Clerk. Nou'n ariv a lafen nou travay pou lazournen. Mon remersye Minis e son delegasyon pou zot partisipasyon, lo sa 2 *Bill* ki nou'n travay lo la ozordi. Mersi Manm pou zot kontribisyon.

Lasanble i ava adjourn ziska
Mardi prosen 9er. *Adjourn.*

(ADJOURNMENT)

Verbatim Report

NAS Sitting

Wednesday 04th October, 2023